

**NATIONAL ASSEMBLY OF
SEYCHELLES**

Thursday 02nd December, 2021

The Assembly met at 9am

National Anthem

Moment of Reflection

Mr Speaker in the Chair

**DEPARTMENT OF CLIMATE
CHANGE AND ENVIRONMENT**

MR DEPUTY SPEAKER

Bonzour tou Manm Onorab e bonzour tou piblik ki pe ekout deliberasyon Lasanble Nasyonal pour ozordi. Nou pou kontinyen dan Staz Komite avek deba lo *Appropriation Bill 2022*.

Donk pour ozordi Zedi le 2 nou premye antite ki nou pou konsider son Bidze se Minister Lagrikiltir, Sanzman Klima ek Lanvironnman e nou ava demande ki bann zofisye i ganny apele.

Antretan ki nou pe atann bann zofisye nou tou nou ava apresye ler ki nou'n sorti la yer swar. Vreman nou pa pou kapab kontinyen koumsa, so mon pe demande ki nou disiplin en avek letan ki'n ganny

allocate e pour la bomaten se pou sa ki nou pou sey fer.

Donk 9er a 10 er nou pou pran bann kestyon lo Departman Sanzman Klima e Departman Lanvironnman apre 10er a 11er Departman Lagrikiltir. E irespektiv ki kantite kestyon ki i annan ler bann Manm in lev lanmen ler nou lerdtan in arive mon pou pran vot.

Mon pou met kestyon avek Lasanble pou pran vot lo sa bann alokasyon donk bann Manm ki manke zot kapab pas zot kestyon avek bann lot Manm zot *Caucus*. Me selman nou pou tre disiplin en lo letan pou la bomaten. Mersi.

Mon ava dir byenveni dan Lasanble Nasyonal Minis Flavien Joubert, Minis pou Lagrikiltir Sanzman Klima avek Lanvironnman e bann zofisye ki pou akonpanyy li pour sorti kot Departman Sanzman Klima avek Departman Lanvironnman i annan Sekreter Prensipal pou Lanvironnman Mr Denis Matatikenn.

I osi annan Direkter Zeneral pou Sanzman Klima Mr Selvan Pillay, i annan osi *Account Assistant* Manmzel Marie-Claude Labonte e Zofisye sorti kot Minister Finans bomaten nou annan *Comptroller General* Manmzel

Irene Croisee e Mr Jude Commettant ki Direkter pour Lenvestisman Piblik e Zesyon bann *asset*.

Donk nou ava envit Minis Flavien Joubert dabor pou fer en lentrodiksyon lo Bidze pour Departman Sanzman Klima e Departman Lanvironnman, ki lo laz 481 ziska 492 pou en sonm R109milyon 781mil. Minis.

**MINISTER FLAVIEN
JOUBERT**

Mersi Mr Deputy Speaker. Bonzour tou bann Manm Lasanble Nasyonal e bonzour tou bann dimoun ki pe ekoute. Mon pou prezant en pti *statement* lo komansman sa prezantasyon.

Mr Deputy Speaker Departman Lanvironnman ek Lenerzi, Sanzman Klima, Lenerzi ek Lanvironnman in ganny donnen sa responsabilite pou zer lanvironnman dan en fason soutenab. E osi ede pou fer sir ki nou annan bann leko sistenm ki an bonn sante, pou benefis pei byensir. E osi pou kre bann kondisyon pou nou annan e rezilyans kont sanzman klima e redwir nou depandans lo bann sours lenerzi enporte.

An 2021 sa 2 Departman in fer en bon pe travay lo bann

Policy. 5 nouvo Polisi e i annan bann morso lezislasyon osi ki relye avek letid lenpak, letid evalyasyon lenpak, salte, Sanzman Klima *ozone* e osi konservasyon biodiversite.

Sa 2 Departman in osi demar proze pou fer resiklaz boutey ki enn bann proze ki nou konnen ti pe vini pou en bon pe letan ki'n kapab ganny demare dan lannen 2021.

Kot i konsern lenerzi parey zot in okouran, nou'n finalman demar sa proze ki'n annan pou fer lo fotovoltaik lo Romainville. E sa in fer ki aprezan nou pe partaz bann benefis, sorti kot sa bann resours lenerzi ek sa bann konsonmater dan pei.

I osi annan travay ki'n ganny fer lo sa komitman pour deziny 30poursan *Zone Eksklizif Ekonomik Sesel* e sa in fini ganny konplete. E osi i annan bann travay lezislatif ki pe fini kot pou nou konkretiz sa travay e fer sir ki tou keksoz i ganny organize dan en fason legal.

In osi annan bann travay pou amelyor drenaz ek proteksyon lakot. Par egzanp i annan proze resaman ki'n ganny konplete pou drenaz lo La Digue atraver finansman eksteryer.

Nou bann *challenges* ki nou annan pou sa peryod, nou

bann keksoz ki pe met nou o defi, mon pou dir ki premye se *enforcement* ek *compliance* nou krwar i ankor annan en bon pe pou nou fer.

Nou pe fer bann demars la pou nou annan en pli bon striktir pou fer *enforcement* ek *compliance* dan Minister, ki pou travay avek tou Departman ek tou bann of zofisye pou fer sir ki zot ganny sa sipor adekwat pou kapab enplimant bann Lalwa.

Parey ou konnen nou'n fer bokou ban plan, nou'n fer bokou bann demars anba bann diferan linisyativ. Me laplikasyon i ankor en problem. Laplikasyon Lalwa ek bann lareg i ankor en problem e si nou kapab fer sa, i pou ed nou fer bokou progre ankor lo kote lanvironnman.

Lot landrwa ki nou war i annan *challenge* se *forestry*, nou'n koz bokou lo *agroforestry*. Nou'n ganny kestyon lo la, e nou'n osi koz lo retir bann plant anvaisan par egzantp adres problem anvaisan dan pei.

E la osi nou pe fer bann demars pou nou aranz sityasyon, pou nou kapab adres sa ban pwen dan en fason pli konplet. Par egzantp annan dimoun ki pli kalifye pou travay avek sa 2 Departman.

Nou osi annan bann lezot pli pti kontrent, par egzantp i annan mankman lo kote *staff*. E osi nou annan en kantite bann aktivite ki pe vini ki pe afekte nou lanvironnman nasyonal e ki pe vin en defi pou sa 2 Departman.

I annan en demars ki nou pe fer Mr Deputy pour restriktir Departman. Apre bann lanons ki'n ganny fer par Gouvernman. Mon a liste 4 sa bann demars ki nou pe fer e ki nou'n ariv lo en staz byen avanse, e ki nou krwar nou kapab konplete ver lafen sa lannen, e prezant nou striktir final pour ki nou kapab komans 2022 dan en fason pli organize.

Premye se enkorporasyon led Komisyon Lenerzi dan Departman Sanzman Klima ek Lenerzi. E sa i pe ganny fer dan minister me osi i annan serten konponan ki annan pou fer avek legal, ki nou pe fer avek en sipor eksteryer ki nou bezwen fer sir ki letan nou fer sa travay.

Nou osi retenir bann fonksyon legal ki merit egziste kot i konsern marse pou lenerzi e fonksyon ki sa lorganizasyon i sipoze pe zwe, pou kontrol e regle konsonmasyon lenerzi, servis lenerzi dan pei.

Enforcement and *compliance* parey mon'n dir nou pe fer bann travay pou nou

aranz nou *unit* legal e osi *enforcement* pou nou annan plis dimoun, bann dimoun pli kalifye pou kapab donn nou en pli bon performans.

Nou pe travay pou nou met an o plas striktir pou satisfere bezwen pou *Result-Based Management Framework* pour ki nou annan dimoun ki kapab *monitor* e ed bann diferan morso dan Departman pou zot arive delivre lo zot bann *target*.

E osi i annan demars ki nou pe fer pou nou travay, pou nou aranz lafason ki *Project Coordination Unit* pe travay pour ki i bokou pli stab e osi pour ki i enkorpor serten fonksyon ki dan lefase nou pa'n vreman met bokou lanfaz lo la;

Sirtou ede pou fer devlope bann program ki annan pou fer ek lagrikiltir ki dan lefase in *focus* bokou lo bann program lanvironnman e klima. Me nou krwar ki sa striktir i osi kapab benefisye lagrikiltir dan pei. Sa i en pti rezimen Mr Deputy.

Bidze parey in koz lo la, Bidze Minister, Bidze revize pou 2021 ti 105.9milyon e 2022 Bidze i 109.7milyon. Ok bann mouvman dan nou Bidze Mr Chair, *wages and salaries* in ogmante par 1.39milyon e sa i annan pou fer avek rekritman

bann *Chief Project Officer* e osi en *Principal Monitoring and Evaluation Officer*.

E osi i annan pou fer avek bann *staff accounts* ki sorti kot Minister Finans in vin kot Minister sa Departman . Nou ti annan lezot *request* pou 5 pozisyon, me nou pa ankor ganny konfirmasyon pou sa 5 lezot pozisyon.

Goods and services in redwir par 1.029milyon e i annan diferan landrwa kot in redwir, i annan *wages and salaries in kind* kot nou'n ganny en rediksyon dan *housing rent* pou *expat workers*. *Office expenses* in monte par R157mil kot nou'n fer en ogmantasyon 40mil spesifikman pou *adverts and donation*.

E i osi annan 84mil ki'n ganny azoute pou kouvert bann depans Lofis Minis e osi *printing and stationary* ki'n ogmante par 20mil. Transportasyon ek *travel* in redwir par 86mil e in annan en rediksyon 60mil kot nou pe redwir lo bann mouvman nou bann *staff*, pou fer sir ki nou fer bann *day trips* olye ki zot teste detrwa zour par egzant letan zot al Praslin La Digue.

E osi nou annan en rediksyon 30mil kot i konsern *bus, taxi, ferry fares. Maintenance and repairs* in desann par R454mil. Sa i akoz

bann *emergency work* lo larivyer sirtou pe ganny *catered for* dan *emergency fund*.

I annan en rediksyon dan *materials and supplies* 28mil, akoz nou'n deza annan bokou bann *materials and supplies*. E nou konnen 2021 ti en lannen ase dousman lo kote konsonmasyon, alors nou pe redwir.

Other use of goods and services in desann par R632mil. Sa i akoz i annan en rediksyon 500mil dan reveni *pf* pou 2021 e osi i annan en rediksyon dan *office building rent* ki Minister ti peye an 2020, me i pou nepli annan an 2022.

Minor capital outlays in ogmante par 78mil. I annan *acquisition of tools* ki pou ganny servi pou bann program ki Minister pe fer sirtou bann program edikasyonnel e *outreach* dan kominote. E i annan *acquisition of IT equipment* e *acquisition of aircon* ki bezwen ganny ranplas e dan Minister. Mersi Mr Deputy.

MR DEPUTY SPEAKER

Mersi Minister. Nou pou ouver lasal aprezan pou kestyon. I annan 15 Manm lo lalis deza, 5 lo kote *US*, 10 lo kote *LDS*, i difisil pou nou kapab fer sa ziska 10er. So si nou ti kapab korpere nou premye *round at*

least pou tou dimoun ganny en sans demann en kestyon. *And then* si i reste nou letan nou a retourn lo lot Manm. So, mon ava komans avek Onorab Hoareau.

HON JOHN HOAREAU

Mersi Mr Speaker. Bonzour Minis ek ou lekip. I vreman difisil pou demann en kestyon, me selman *anyway*.

MR DEPUTY SPEAKER

Swazir zot meyer.

HON JOHN HOAREAU

Pardon?

MR DEPUTY SPEAKER

Swazir zot *best* kestyon.

HON JOHN HOAREAU

Mon war en proze anba *PSIP* pou Berlin *phase 2*, mon ti a kontan konnen kwa sa proze? Apre si Minis ti kapab brefman dir nou si anba *GEF* si sa proze konstriksyon miray pou *mitigate* degradasyon lo lans Beau Vallon pou kontinyen oubyen pou fer?

And osi petet si zot ti kapab dir nou si i annan okenn program pou promouvwar fotovoltaik, litalizasyon pou bann nouvo lakaz dan Sesel pour ki nou ava ganny gete koman en pei ki'n fer bann

mezir drastik pour protez planet later? Mersi.

MR DEPUTY SPEAKER

Mersi Onorab. *Panel.*

MINISTER FLAVIEN JOUBERT

Mersi Onorab pou sa kestasyon. Mersi Mr Deputy Chair. Mon pou pas kestasyon dan Berlin avek Mr Pillay ki pli, ki isi devan lo *panel*.

Case kot i konsern sa miray Beau Vallon pou proteksyon lakot, sa in ganny en pe retar, akoz i ti annan serten tranzaksyon ki ti pe ganny fer avek *Planning Authority*. Me nou kapab konfirman ki sa proze pou re demare e nou ekspekte byento ki nou bann kontrakter pou ariv lo *site* pou komans sa travay.

Kot i konsern program fotovoltai, mon ti a demande avek pou permisyon Mr Deputy ki letan *Energy Commission* i vini si nou kapab pran sa kestasyon silvouple? Akoz zot ki pou annan plis lenformasyon lo bann program ki pe vini. Mersi mon a pas laparol avek Mr Pillay.

DIRECTOR GENERAL SELVAN PILLAY

Mersi Mr Chair e bonzour a tous. Mersi Onorab pou ou kestasyon. Sa proze drenaz dan Berlin i en dezyenm faz en proze ki nou ti'n komanse depi 3an pase. Premye faz in fini e dezyenm faz sete pou kontinyen elarzi sa *channel* ki trouve zis avan ou ariv kot sa *roundabout Savoy*, solman lo kote montanny.

Nou'n ganny en pe retar akoz finansman. E apre ti annan serten demann *from* bann rezidan ki nou ti bezwen, bann enzenyer ti bezwen retourn lo *drawing board* pou revwar sa *design*. E se sa ki nou annan sa retar. E la prezan lannen prosenn 2022 nou'n nobou *secure* sa finansman pou kapab enplimant sa dezyenm faz. Mersi.

MR DEPUTY SPEAKER

Mersi Mr Pillay. Mon ava pas laparol avek Onorab De, Letourdie.

HON JANY LETOURDIE

Mersi Mr Chair. Bonzour tou dimoun a lekout. Mr Chair sa kestasyon ki mon pe demande i kapab tous lezot *constituents* ki war zot dan menm difikilte, dan menm *issue*. Me selman mon pe adres enn spesifik ki Mr Selvan Pillay i deza okouran. En *issue* ki'n ale pou en pe letan.

I konsern spesifikman kot lafanmir Lucas ki tonm Plaisance, me solman zot dan distrik Roche Caiman, ki konsern akoz bann levennman ki arive ler lapli i tonbe, delo i monte e lanmar osi i monte desann, ki fer ki zot lakaz i vremen pe ale e i a pe detase avek zot miray.

E nou ti'n ganny dir ki letan nou ava ganny en pe larzan dan Bidze, sa bann dimoun petet zot a kapab ganny en rekour. Akoz i vremen en louvraz ki zot pa kapab fer zot menm akoz i vremen bezwen lekspertiz pou kapab adres sa bann sityasyon.

Alors en pti konfirmasyon si omwen sa bann problem kot sa bann lokater i kapab ganny adrese? Mersi Mr Chair.

MR DEPUTY SPEAKER

Mersi Onorab. *Panel*.

MINISTER **FLAVIEN**
JOUBERT

Mersi Mr Deputy Chair. Mon ti ava petet demann Onorab pou klarifye si vremen sa en kestyon miray, *drain* ouswa en lot size ki relye avek travay sa Departman? Mersi.

HON JANY LETOURDIE

I relye avek zot miray ki pe grennen. *Anyway*, Mr Pillay i

okouran *about* sa sityasyon li akoz i en size ki nou'n ale vini ekri let parti let pou omwen en bon 4an la. Mersi.

MINISTER **FLAVIEN**
JOUBERT

Mersi. Mon a demann Mr Pillay pou fer son lentervansyon lo sa size. Mersi.

DIRECTOR **GENERAL**
SELVAN PILLAY

Mersi Onorab pou ou kestyon. Wi i vre sa problem in ale pou en pe letan.

Mon kapab, mon annan plezir pou mwan enform Lasanble la ki nou'n fini pare avek *design*, e nou'n menm fer *costing*, i pou kout nou apepre R181mil e nou pe programmen pou enplimant sa dan Bidze 2022. Mon krwar setou. Mersi.

MR DEPUTY SPEAKER

Mersi Mr Pillay. Onorab Aglae. Mersi.

HON EGBERT AGLAE

Mersi Mr Chair. Bonzour Minis ek ou *panel*. Minis lo kote *capital expenditure* mon kontan mon'n war *break water* pou Port Glaud 895mil.

Dan sa menm laliny Minis kot i konsern *coastal management programme* ok ler mon pe get Bidze bokou

konponan pe sorti dan Bidze, nou Bidze menm pou nou. Eski bann diskisyon ki ti la oparavan avek bann akter sirtou enternasyonal kot i konsern sa *Climate Fund* la.

Eski nou pe ganny en sipor bidzeter pou kapab *tackle* en pe sa bann lezot proze ki nou'n mansyonnen sirtou kot i konsern bann lerozyon kotyer? Mersi.

MR DEPUTY SPEAKER

Mersi. *Panel.*

MINISTER **FLAVIEN**
JOUBERT

Mersi Onorab pou sa kestyon. Mersi Mr Deputy. Sa diskisyon wi i kontinyen. Aktyelman la nou pa ankor ganny larzan ki'n antre, me bann demars pe ganny fer, sirtou apre sa evalyasyon ki pe ganny fer par *World Bank* pou nou adres bann problem ki annan pou fer avek lerozyon lakot.

Akoz nou konnen poudir nou Bidze pa pou ase, e nou pa pou kapab zis depan lo Bidze Nasyonal pou nou kapab fer sa bann proze adaptasyon. E alor i toultan reste enn nou bann target pou nou trouv plis larzan.

E nou ekspekte ki si nou arive trouv plis larzan ouswa letan nou arive, akoz nou

konnen ki nou relasyon ek sa bann lorganizasyon i ase bon e nou konfidan ki nou pou gannnen sa sipor.

Me letan nou pou gannnen byensir nou pou fer kontak avek bann diferan distrik, bann MNAs, bann lorganizasyon lokal, pou enform zot kote ki nou'n ganny, pour kwa nou'n ganny larzan e ki mannyer nou kapa pran bann aksyon pou nou protez lakot.

Alor diskisyon i kontinyen. Me nou ava konfirman letan nou ganny en pli bin rezilta ek en pli bon repons sorti kot en lorganizasyon. E nou ekspekte ki an 2022 wi nou merit ganny serten sipor pou sa bann travay. Mersi.

MR DEPUTY SPEAKER

Mersi Minister. Onorab Wavel Woodcock.

HON WAVEL WOODCOCK

Mersi Mr Speaker, bonzour. Bonzour Minis ek ou lekip, tou Manm ek tou dimoun a lekout. Minis mon kestyon i regar dan *coastal management*, annefe anba *PSIP* mon war plizyer bann proze lo Mahe, Praslin ek La Digue ki enkli proze *Rock Armoring* Anse Kerlan pou en sonm R3.6milyon pou lannen prosen lannen 2022.

Mon kestyon i ti annan en *Seychelles Coastal Management Plan* e ti annan bann *priority areas* ki ti'n ganny idantifye. Mon kestyon se eski zot pe reviz sa *Seychelles Coastal Management Plan* ouswa zot pe servi sanmenm?

E si wi, eski sa bann *priority areas* parey lo Praslin nou annan Amitie, Ros korbizo ek Anse Kerlan i bann landrwa priyorite pou zot rod *funding* pou zot fer sa bann proze, aköz parey zot konnen i annan gro lenpak ki pou arive lo lakot Grand Anse Praslin. Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab. Mersi Deputy Chair. Nou ava pas laparol avek Mr Pillay vi ki *Coastal Management Plan* i son domenn. Me selman mon ti ava reasir ou Onorab ki sa *Coastal Management Plan* parey i ete i pa pe ganny sanz sa kantite nou plito pe azout avek. Me Mr Pillay *over to you*.

DIRECTOR GENERAL SELVAN PILLAY

Mersi Onorab pou ou kestyon. Sa proze ki nou ti komanse lannen pase pou *rock armoring*

kot sa langar *STC* ler ti kolaps, nou pou kontinyen, annefe an kolaborasyon avek Lazans Enfrastriktir nou'n fini lans *tender* pou fer en lot *topo survey*.

Rezon pou sa se aköz ti annan en demann pou al en pe pli deor, aköz nide inisyale sete zis pou protez sa enfrastriktir semen. Me apre demann in vini pour nou kapab rekouver sa bann later ki'n perdi. Alors pou nous en pe sa *rock armoring* en pe pli deor.

E sa ki in fer in fors nou pou nou kapab refer en *topo survey* pou kapab *redesign* sa *rock armoring* e avek sa bann lezot striktir ki asosye avek.

E mon annan plezir pou dir ki *topo survey* i ankour la, e *once* ki sa *topo survey* i fini bann enzenyer i ava *go back to the drawing board* nou ava fini sa *design*, e apre sa nou pare pou *tender*.

Bidze pou sa i deza egziste me solman nou pou bezwen fer li par faz aköz *design* pe ganny fer *up to* Ros Korbizo e firanmezir ki nou ganny finansman nou ava fer li par faz. Mersi.

MR DEPUTY SPEAKER

Mersi Mr Pillay. Onorab Mondon.

HON TERENCE MONDON

Mersi Mr Chair. Bonzour Minis avek ou delegasyon. Mon kestyon i relye avek bann proze kapital. E mon vwar ki zot annan en sonm 15milyon, 110mil anba bann ki nou apel *Marine Eco System Services* pou bann restorasyon bann resif.

Mon zis anvi konnen par lefe ki 2021 zot ti ganny 5 milyon 55mil e la provizyon i 15milyon 110mil. Ki zot fer ek sa 5milyon 2021 e ki zot pe planifye pou fer avek sa 15milyon? An term ki ban proze, ki bann landrwa pou ganny touse? Mersi Mr Chair.

MR DEPUTY SPEAKER

Mersi. *Panel.*

**MINISTER FLAVIEN
JOUBERT**

Mersi Mr Speaker, Deputy. Mersi Onorab pou sa kestyon. Sa proze restorasyon *Marine Eco System* la, *coral* - i en proze konzwent sa ant Sesel ek Moris.

Alor sa larzan i sa konponan ki Sesel pe resevwar anba la. E prensipalman i annan pou fer avek bann travay pour trouv bann teknik, devlop bann teknik pour propaz koray dan bann resif. E osi fer bann diferan lesey ek bann diferan travay restorasyon dan diferan lokasyon.

Nou annan bann partners nou pe travay anba la. Par egzantp nou annan *Nature Seychelles*, nou annan *Marine Conservation Society* e *National Parks Authority* ki nou pe travay anba la. E sa finansman i pou siport aktivite lo lanmer, *fuel* bann depans, aste bann lekipman e tou bann depans regilye ki annan pou fer.

Akoz i en proze ki ase long, mon krwar i 3an si mon rapel byen, e i pou bezwen si oule pou siport sa bann proze. Alors sa bann larzan pa pe vin pou Minister. I bann larzan ki pe ganny partaze ant bann *partners* pou zot egzekit sa travay.

I osi annan en konponan konzwent kot zot pou bezwen esanz konesans avek Moris, sa lot partner dan sa proze, ek bann Lenstitisyon Resers Moris pou nou kapab ganny en pli bon apersi, en pli bon konesans lo lafason pou nou fer restorasyon ek bann lanvironnman koray. Mersi.

MR DEPUTY SPEAKER

Mersi Minister. Onorab Lemiel.

HON SYLVANNE LEMIEL

Mersi Mr Chair. Bonzour Minis avek ou delegasyon. Bonzour tou mon bann koleg Manm

Onorab, tou dimoun ki pe ekoute.

Minis dan ou bi pou kre en bon lanvironnman pou ranforsi kapasite pou zot Departman, an sa ki konsern revni son fonksyonman enkli langazman avek sekter piblik e prive, pou adres problem salte e osi konservasyon biodiversite. Sa i enn ou pwen stratezik limero 2 ki ou'n mete ki oule *achieve* ant 2022 a 2024.

Kwa ki annan dan sa Bidze 2022 pou ou Minister kapab *achieve* sa? E an menm tan oule servi sa *solid waste Master Plan* ki ou *priority number 1* pou ou annan en *cleaner Seychelles*? Kwa osi ki i annan dan sa Bidze Minis ki ou mete petet pou 2022 nouvo ki ou pe mazin entrodwir, pou nou annan en Sesel pli prop?

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr Deputy Chair. Mersi Onorab pou sa kekyon. Onorab pa tou ban keksoz ki nou pou fer ki nou pou rod larzan direktman anba Bidze.

Mon a donn ou en legzanp, nou'n komans en linisyativ avek out bann *DAs*, mon krwar bann *DAs* i kapab

enform zot ki nou'n ofer pou siport tou bann distrik, pou amelyor bann landrwa ki nou pe resevwar salte. Bann *reception facilities* e i annan bann distrik in fini komans fer aksyon lo la, e nou pe demann zot pou amelyor *design*, amelyor fasilite.

E nou pe fer sa anba bann finansman ki egziste anba *ETF*, e nou pe depans lo sa bann distrik, akoz bann larzan ki antre par egzanzp atraver *Travisory* ki antre kot nou, nou bezwen pran sa bann larzan e redistribye li dan distrik pou nou amelyor sityasyon.

E nou pe siport aktivite lapropte dan distrik. E nou ti a voudre ki sa i ganny fer dan sa, nou komans 2021, dan sa lannen ki pe vini ek bann lannen apre pour ki nou kapab vremen war lapropte;- pour ki nou pa zis koz lo lapropte me nou kapab aktyelman vwar son lefe dan distrik.

E sa i enn bann target enportan ki nou'n deza fini tonm dakor lo la. E bann *DA* in fini anvoy zot bann lalis priyorite pou nou amelyor laparans lapropte dan distrik. Me i osi annan serten travay ki pou ganny fer avek *Landscape and Waste Management Agency* letan zot a vini zot a eksplik ou.

Par egzanp nou annan sa proze ki nou pe fer *house to house collection*. I annan osi en travay ki Departman pe fer ki pour annan pou fer avek sa bann ogmantasyon dan alokasyon pou langazman kominoter kot bann *housing estates*;- kot nou pe fer bann travay pou nou edik dimoun e organize ki bann *housing estates*, bann lafason ki nou zer salte i sanze e i vin pli prop.

E i annan 2 *pilot* ki pou ganny fer e zot pou ganny sipor anba sa bann alokasyon ki pe ganny fer la. Me nou ti a voudre ki sa osi i agrandi dan sa laliny.

Lot keksoz ki nou pe fer se nou pe rod sipor pou nou kapab amelyor nou fasilite salte ki vin apre. Nou'n koz lo *waste to energy* ki en demars ki nou pe fer atraver Minister Finans.

Nou'n fer diskisyon avek bann Lorganizasyon Enternasyonal, menm sa semenn mon'n fer ansanm avek Minis Finans, pou zot kapab ed nou e fer sa tranzaksyon *at no cost* pou Bidze en? Pa en tranzaksyon ki pou kout nou.

Petet i annan enn de bann pti depans deplasman eksetera, me i pa merit kout nou en gran kantite. E osi i annan en lot demars ki nou'n fer, nou'n soumet avek Linyon Eropéen letan nou ti fer diskisyon avek

zot dan sa rankont ki ti fer sa lannen, kot zot ti sipoze osi kapab don nou sipor pou nou amelyor lezot *area* kot nou pe fonksyonnen kot i konsern salte.

Sirtou met an plas en sistenm kot ou annan bann mekanizm finansyel, pour nou arive rekiper bokou plis bann diferan kalite salte. E siport bann travay pou rekiperasyon ek resiklaz lo Mahe, Praslin avek La Digue. E osi amelyor nou performans nou bann *landfill* e nou bann plan ki nou annan pou le fitir pou fer ki nou annan fasilite ki pli annord.

Alor pa tou poze ki nou pe anvizaze fer kot i konsern netwayaz e lapropte Sesel i annan en lenpak lo Bidze. Nou'n vwar ki Bidze i pa pou ase pou sa bann groser travay ki nou pou annan pou fer.

E a plizyer fwa nou al rod bann sipor an deor, e nou krwar ki sa bann sipor an deor i merit kapab sifi dan en bon pe ka pou nou kapab fer progre lo sa bann topik. Mersi.

MR DEPUTY SPEAKER

Mersi Minister. Onorab Monthy.

HON PHILIP MONTHY

Mersi Mr Chair. Bonzour Minis avek ou delegasyon. Minis

boner sa lannen ler nou ti pe diskite Bidze 2021, mon ti fer resorti en problem Petit Paris dan sa *channel* ler lanmer i sek peser pe ganny difikilte pou traverse.

E Ansyen PS ti promet mwan ki zot pou *desilt* sa landrwa pandan sa lannen, menm si pa ti dan zot Bidze akoz dapre li ti pou reste serten son larzan ki zot ti pou kapab fer sa proze avek.

So mon kestyon se ziska prezan sa proze pa ankor ganny fer, eski i pou ganny fer sa lannen? Oubyen, akoz ler mon pe get dan sa proze mon pa'n war pou lannen prosenn, oubyen eski zot pou antreprann sa lannen prosenn? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestyon. Mersi Deputy Speaker. I pa'n posib pou rezon finansyel byensir dapre *staff* in enform mwan pou fer sa travay lannen pase. Dan provizyon pou sa lannen, non nou ti fer provizyon pou sa lannen, mon war in met *on hold*, i pou ganny pran pli tar, nou ti'n met '*desilting CCCL Petit Paris Lagoon*.'

Me ankor nou pa'n ganny finansman pou sa morso travay. Me selman ki nou pou fer, nou ava fer en diskisyon avek lezot partner par egzanp SFA e trouv en sours finansman pou li, ki nou kapab omwen, e la prezan mon ki pou don nou en langazman par PS, ki omwen sa lannen, pardon 2022 nou kapab fer en travay pou nou ouver sa *lagoon* en pe pour ki peser kapab sirkile.

So parey mon'n dir napa finansman ki'n ganny *allocate* pour li, me selman nou bezwen trouv en, nou a sey trouv en fason anba Bidze ki deza la, anba bann provizyon pou *desilting* ouswa avek nou bann partner pou nou kapab travay lo la. Mersi.

MR DEPUTY SPEAKER

Savedir Onorab Monthy fodre ou swiv sa proze ou. Onorab, mon a pas laparol aprezan avek Onorab Labrosse.

HON RICHARD LABROSSE

Bonzour Minis, PS ek ou delegasyon. Bonzour bann koleg Onorab, tou dimoun ki a lekout. Minis lo *programme 4* ou Bidze mon pe gete dan sa program son lobzektif se pou enplimant *monitoring, enforcement* avek bann fer sir ki bann Lalwa Act Lanvironnman

pe ganny proteze. Sa i enkli *Physical Planning Assessment*.

Minis dan mon distrik mon annan en *challenge* ki mon pe gannyan an se moman, mon pe mazine si sa i pou tonm en pe dan sa laliny ki mon pe war dan sa program. Sa nou pe koz lo bann ka polisyon. Par egzant La Misère mon krwar ou'n war dan medya tou resaman.

E mon konnen i annan plizyer, dan le pase mon konnen ki i annan ansyen Minis ki'n mont lo medya in dir, ki ti napa lavolonte dan *Cabinet* e nou osi annan en Minis sorti dan nou distrik e mon konnen ki kekfwa li osi in seye kekfwa Prezidan pa'n ekout li.

So mon pe mazine la ek sa Bidze ki nou pe al vote, apard dimoun Plaisance, ki lespwar oubyen ki byen bref ou kapab dir mwan la lo sa problem? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab pou sa kestyon. Onorab kot i konsern La Misère i annan volonte pou fer keksoz ganny rezourd. Mon pa'n oule fre bokou komanter avek bann dimoun ki'n anvoy mwan bann

mesaz a tou moman, menm dan lannwit partou.

Mon rekonnèt ki zot annan en problem ki bezwen ganny rezourd e sa problem lontan i la. Mwan osi mon'n la dan lanvironnman mon'n konn sa problem depi lontan. Me i annan sa volonte, e nou lo kote Departman nou'n arive, nou'n ariv lo pwen kot keksoz i ganny anvoye kot *Attorney Zeneral*.

I annan detwa pti, bann pti detay ki pe ganny konplete, me nou, nou ti a voudre ki sa problem i ganny rezourd e non pa nou zis fer li letour e fer krwar ki i pa egziste.

Nou bezwen rekonnèt i annan en problem, e nou bezwen fer tou posib pou nou kapab rezourd sa problem. E nou bezwen fer tou posib pou nou kapab rezourd sa problem. E se sa nou langazman.

Me parey mon'n dir i annan dimoun ki pa satisfè akoz zot pa'n ganny ase repons, ouwa ase konversasyon avek Departman letan sa problem ti pe arive. Be nou rekonnèt ki nou pa kapab zis vini rakont zistwar. Akoz sa problem lontan i la nou konnen e nou napa ankor, napa lezot zistwar pou akonte lo la.

So nou pa oule zis vin fer bann promes ek bann dimoun e

akont zot toudsort keksoz, e plito pran aksyon ki merit ganny pran, anmenn li devan *Attorney Zeneral* e apre nou ava gete ki mannyer keksoz i ganny fer. Mersi.

MR DEPUTY SPEAKER

Mersi *Minister*. Onorab Gill.

HON CHURCHILL GILL

Mersi Mr Speaker. Bonzour Minis ek ou delegasyon. Bonzour tou Manm e tou dimoun a lekout.

Minis mon kestyon ki lo sa *coastal erosion* ki ti arive Anse la Blague en pe letan pase, e diskisyon ti'n ganny fer lo sa bann degradasyon ki pe arive obor semen laba. Me selman mon pa vwar li dan Bidze. Eski i annan keksoz ou kapab dir nou si *work in progress* ouswa si kekfwa *otherwise*? Mersi.

MR DEPUTY SPEAKER

Mersi Onorab. Mon war tou dimoun pe konsilte avek Mr Pillay.

MINISTER **FLAVIEN**
JOUBERT

Mersi Onorab pou ou kestyon. Mon a pas laparol avek Mr Pillay.

DIRECTOR **GENERAL**
SELVAN PILLAY

Mersi Onorab pou ou kestyon. Wi, i vre ki ti annan serten diskisyon ki ti komanse e sa proze son konsep ti ganny devlope e ti ganny propoze pou ganny finanse anba *Indian Grant* e nou ankor pe an diskisyon lo la. Mersi.

MR DEPUTY SPEAKER

Mersi Mr Pillay. Minis ou annan keksoz oule azoute?

MINISTER **FLAVIEN**
JOUBERT

Mersi Mr Deputy Chair pou donn mon sa loportinite pou azout lo sa kestyon. Mon ti a voudre osi reasir Onorab ki, ki nou pe fer la aktyelman nou pe get bann finansman ki nou annan par egzanp anba *Indian Trust fund* ek bann larzan ki nou gannyen par egzanp letan i antre sorti kot *Travizory*.

Nou oule tonm dakor lo en bann alokasyon pou bann distrik e sipor pou bann proze priyorite ki annan dan bann distrik. E nou krwar ki si keksoz i mars byen, nou kapab dan en pozisyon pou nou siport serten proze priyorite dan serten distrik ki pou benefisye la kominote.

E alors sa i enn bann priyorite ki nou kapab konsidere anba sa demars ki nou pe fer. E nou ava gete boner

dan lannen, letan nou fer nou bann kalkil, letan nou diskit ek Minister Finans si i annan fon ki la e i pare pou ganny servi, sa bann problem osi parey Onorab Gill in fer sorti i a kapab ganny adrese. Mersi.

MR DEPUTY SPEAKER

Mersi Minister. Onorab Francois Adelaide.

HON FRANCOIS ADELAIDE

Mersi Mr Chair. Bonzour Minis avek ou delegasyon e tou dimoun ki a lekout. Minis mon kestyon pou ou i koumsa, vi ki lo ou kote amenazman *zone* kotyer Baie Lazare i annan 2 proze, Anse Goelette avek Anse La Mouche petet ou kapab dir nou sa enn Anse La Mouche kote i ete?

E sa enn Anse Goelette prensipalman Minis lan, nou pe donn ou Bidze la boner Desanm, Zanvyè, akòz ki pran nenk Septanm pou travayer vin lo *site* pou vin komans konsilte dimoun? Eski i annan dimoun ki ganny *hold accountable* pou ler i annan bann proze dan distrik, ki zot pa vini e zot vin tro tar pou zot fer sa proze e ler in ariv Desanm proze pa ganny fer e dimoun i pa benefisye, zis larzan i ale? Eski i annan konsekans pou sa bann tel aksyon koumsa?

E plis yer Minis Derjaques *in regards to* pye dibwa obor semen, in dir poudir sa i kot ou. Eski ou kapab konfirman si vremen i kot ou, akòz i annan bokou *overhanging tree* Baie Lazare e nou pou von kot ou si ou dir mwan i kot ou pou nou kapab dil ek sa sityasyon? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou ou 2 kestyon. Mon a komans avek sa enn pye dibwa, si kot nou ouswa non. Pye dibwa i en keksoz ki toultan in ale vini ant lanvironnman LWMA e osi *Land Transport*. Nou konnen poudir sa bann pye dibwa i tonm dan sa koridor semen e ki nou pe fer nou'n ganny diskisyon sa lannen nou'n tonm dakor ki-

Nou'n vwar ki i neseler pou nou *allocate* sa bann responsabilite avek en sel lorganizasyon. Aktyelman i napa en alokasyon pou tir pye dibwa dan bann landrwa ki danzere, par egzanp obor bann semen.

Me nou ti a voudre ki en Lazans tousel i ganny donner sa responsabilite, e zesyon i ganny fer konzwentman avek

bann ki annan lentere dan sa travay;- sirtou bann Lazans parey *LWMA*, *Land Transport* e osi *SPTC* akoz zot ganny bokou afekte avek pye dibwa.

Propozisyon se pour met li kot *LWMA* e i ganny *tender* detanzantan ansanm ek bann lezot *tender* ki ganny fer e bann dimoun i kapab vini fer sa louvraz obor semen.

Me selman parey mon'n dir i napa en alokasyon pou koup pye dibwa pou le moman. Nou pe esper Finans konfirman sa alokasyon ki dapre mon konpran ti egziste kot Minister Gouvernman Lokal avan. E enn fwa ki sa alokasyon i ganny fer nou a fer bann travay. Bann demars pou *allocate* sa bann travay ek bann kontrakter e fer zot tir pye dibwa lo bor semen.

Mon ava les Mr Pillay entervenir kot i konsern Anse Goelette. Me selman mon pa okouran bann detay si dimoun in vin an retar ouswa in fer ekspre pou proze pa ganny fer Anse Goelette.

E mon ti ava demann ou Onorab anvoy nou en pe sa bann detay nou ava gete kwa egzaktaman ki'n mars mal, e si in annan en lentansyon pou met retar sa bann proze. Mon ava pas laparol avek Mr Pillay. Mersi.

DIRECTOR **GENERAL SELVAN PILLAY**

Mersi Onorab pou ou kestyon. Mon a komans avek Anse La Mouche, Anse La Mouche proze in fini *tender* e nou pe esper *approval Tender Board*. *Once* ki nou'n ganny *approval from Tender Board*, kontra i a ganny *award* e proze i kapab komanse pou Anse La Mouche.

An sa ki konsern Anse Goelette, akoz nou pe travay avek sipor Departman Enfrastruktir prezan i vin en, i en Lazans. Nou ti'n planifye sa proze ansanm avek enfrastruktir pou trwazyenm *quarter* sa lannen. I pa ti en lentansyon *intentional*, me selman lakantite proze ki ti annan pou sa lannen, alors si sa ti'n ganny *plan* pou *third quarter*.

E aktyelman la nou pe esper *wayleave* sorti kot 2 rezidan, koman nou ganny sa *wayleave the next step now is to submit to Planning Authority* e *once* ki nou ganny *approval Planning* nou kapab *tender*. Mersi.

MR DEPUTY SPEAKER

Mersi *panel*. Savedir Onorab Adelaide ou bezwen redemann ou kestyon avek *LWMA* ler zot vini apre midi lo kestyon koup pye dibwa. Mon a pas laparol avek Onorab Rocky Uranie.

HON ROCKY URANIE

Mersi Mr Chair. Bonzour Minis avek ou delegasyon. Tou koleg Onorab, zabitan Zil Pros a lekout. Minis ti annan sa program *Shoreline Management Plan* pou La Digue, ki ti ganny idantifye mon krwar ansanm avek GCCA+ mon ti a kontan konnen si zot pou kontinyen swiv sa plan?

E apre mon pe get dan Bidze mon ti'n war en Anse Goelette, mon ti'n komans kontan e apre ki mon al ganny en konpran poudir i en Anse Goelette pou Baie Lazare. Be pli ba mon'n war pou La Digue napa naryen nenk 2023 ki nou pou ganny keksoz.

Me selman mon lot konsern i ki zistans zot ete avek kontinyasyon travay drenaz, pou kapab tir delo dan plato La Digue? Vi ki gro lapli pe vini pou nou pa kontinyen ganny sa problem? Akoz La Digue mon krwar tou le lannen nou pou bezwen pe fer en pe travay kontinyen travay lo drenaz, pour ki nou kapab ariv lo en nivo standar pou nou tir delo dan plato La Digue? Mersi.

MR DEPUTY SPEAKER

Mersi Onorab. Mon note ou'n fer 3 pwen. Me ou pwen

trwazyenm ti pou pli enportan. *Panel.*

MINISTER FLAVIEN JOUBERT

Mersi Onorab pou ou kestyon. Mersi Deputy Chair. Kot i konsern La Digue nou'n parey ou konnen dan lepase sa bann proze ki'n ganny fer anba GCCA+, apre sa enn resan ki'n ganny fer ki ou'n fek devwale resaman, i bann proze ki ti ganny finansman eksteryer.

E *Shoreline Management Plan* i form parti sa travay, e pour nou kapab kontinyen sa travay nou pou bezwen al rod ankor larzan. Dan bann diskisyon ki nou'n gannye resaman, nou'n tann nonm lo GCCA+ i kapab vini avek nouvo fasilite pour ed bann pei fer bann travay adaptasyon.

E alor nou lanbisyon se al rod ankor larzan anba sa nouvo sours finansman, avek korperasyon par egzanp Lazans UNDP e trouv fason pou nou kapab adres inondasyon lo lakot, lo plato La Digue.

Mon pou pas avek Mr Pillay pou li pas en pti pe dan detay e mon pa asire si sa 2 Anse Goelette ki la enn i La Digue enn i Mahe. Mon krwar nou pe fer referans avek menm landrwa.

Me mon ava pas avek Mr Pillay pou li eksplike, ki nouvo travay lo La Digue ki pou benefisye drenaz dan plato lo s zil. Mersi.

DIRECTOR **GENERAL**
SELVAN PILLAY

Mersi Onorab pou ou kestyon. An sa ki konsern proze drenaz lo La Digue, sa ki mon kapab dir se ki bann konsepsyon in fini pare, pou kapab fer bann *interconnecting drains* pour konekte avek sa bann *outlets* ki ti ganny enplimante anba sa bann proze GCCA+.

E parey Minis in dir nou'n fer sorti la, firanmezir ki nou ganny finansman eksteryer nou kapab enplimante, byensir avek sipor *the Infrastructure Agency*. Mersi.

MR DEPUTY SPEAKER

Mersi *panel*. Mon ava pas laparol avek Mr Andy Labonte.

HON ANDY LABONTE

Mersi Mr Chair. Bonzour Minis ek *panel*, bonzour tou Manm ki a lekout. Mon kestyon i baze lo *current challenges* limero 3, kot pe dir poudir i annan en mank finansman pou enplimant bann proze en pe spesifik.

Bon mon pe konsantre plizoumwon lo sa bann lalyann anvaisan, i paret petet Minis

mon pa konnen si i annan larzan ki'n ganny bidzete pou ganny dil avek sa.

Akoz mon pou dir sa, aköz sa i en konsern ki i lo nivo Nasyonal e mwan dan English River sirtou Union Vale nou war poudir plant anvaisan pe kre bokou problem. E menm i pe kre bann landrwa kot bann droger i pe profite pou vin anba la pou zot fer zot bann aksyon ki pa apropiye.

So petet vi ki i annan en mank finansman, eski ou Minister petet pe mazin travay avek an partenarya avek bann Lazans, parey larme petet pou vini pou ede pou nou kapab eliminen.

Parey ou konnen i annan sa *issue* sirtou kot Mrs Paula Victorin ki ou okouran byen lo la Minis petet ki mannyer nou kapab travay avek sa bann Lazans, pou nou malgre i mank finansman pou nou kapab ede elimin sa? Mersi.

MR DEPUTY SPEAKER

Mersi Onorab. Petet Minis i kapab osi azoute ki mannyer piblik ki reste dan sa rezyon zot menm zot kapab ede akote larme? Mersi.

MINISTER **FLAVIEN**
JOUBERT

Mersi Onorab pou ou kestyon. Mersi Deputy Chair. Mon pou pas laparol avek PS Matatiken, me kot i konsern lalyann anvaisan Onorab mon ti a voudre zis fer kler osi en bon pe bann problemn anvaisan ki nou pe gannyen nou bezwen realize ki i lo later prive.

En kantite i lo later prive e bann later ki oparavan ti ganny servi pou en serten fason, ki ozordi akoz i pa pe tro ganny servi lalyann anvaisan in mont lo la e entrodwir son lekor.

Alor i posib annan bezwen pour nou konsyantiz bann dimoun ki annan later prive, pou zot servi zot propriyete ouswa aranz li pour ki i evite annan bokou lalyann anvaisan ki apre i propaz lo lezot. Mon a pas laparol avek PS Matatiken pou li koz lo larestan parti ou kestyon. Mersi.

PS DENIS MATATIEN

Bonjour a tous. Depite Speaker, Onorab. Lo kote ou kestyon ki konsern lalyann anvaisan, Departman Lanvironnman in komans en proze. Prensipalman pou nou kapab konpran lekel bann lalyann e kote zot ete e sa nou'n fini war.

E resaman ti annan en dokiman, en rapor ki ti ganny soumet avek Minister. E vi ki

prezan nou konnen kote lalyann, sa bann lalyann i ete la nou'n, la komansman lannen prosenn nou pou al dan enplimantasyon.

E parey ou'n deza mansyonnen poudir wi resours i en problemn sirtou lo kote Resours Imen e konsiderasyon pou nou ganny lezot mannyer mon kapab dir, parey ladefans menm prizonnyen i deza aktyelman bann priyorite ki nou ti ava petet konsidere.

E kekfwa en keksoz osi ki ti a bon note, mon krwar i enportan se ki nou bezwen sey angaz dimoun osi dan nou distrik, pou kapab ede sirtou si nou pou al lans en kanpanya kot lalyann anvaisan konsernen. E parey Minis in deza mansyonnen mon krwar poudir later, i later nou zis les li la, lalyann i mont lo la e i nepli annan en valer.

E menm kekfwa nou pou vwar osi kekfwa si nou kapab travay avek sirtou ban propriyeter, bann prive plizoumwen, ki fason kekfwa letan ou netway ou later ou kapab annan en - konmsi en leteni ekonomik ki kapab vini. Akoz parey si ou pran ou later ou kapab pran li kekfwa dan lagrikiltir ouswa serten keksoz menm i kapab *anything* ki ou kapab gannyen.

Me lannen prosenn lenplimantasyon nou pou komanse, e sa nou pou fer li dan tou bann distrik ki nou pou konsilte ek bann *MNA* ek bann *DA* pou nou vwar ki mannyer nou pou enplimant sa program. Mersi.

MR DEPUTY SPEAKER

Mersi *panel*. I reste nou zis 5 minit pou nou kapab dil ek sa alokasyon. Nou pou pran en kestyon Onorab Audrey Vidot silvouple.

HON AUDREY VIDOT

Mersi Mr Chair. Minis mon'n remarke i annan en rediksyon dan ou Bidze kot i konsern program 4. Mon pe regarde, mon konpran 2021 zot ti ankor pe *train* ankor en pe *staff* pou "*improve capacities in waste management* *avek environment impact assessment and enforcement*."

I pa fer premye fwa mon demann sa kestyon, so mon pe demande ki anba zot vot Bidze pou 2022, eski nou kapab ganny *staff* anba ki pou kapab fer sa *environment impact assessment* Roche Caiman pou regard bann landrwa ki balizaz *avek lanmar*, ki annan *issues*?

Mon konpran i annan atraver kestyon Onorab Letourdie i annan en *case* pe al

ganny dil *avek*, me i annan ankor lezot landrwa ki annan konsern.

So nou pe demann zot pou zot fer en bon *general assessment* lo tou sa *area* la kot i annan bann *major* devlopman ki'n ganny fer e i annan lenpak ki annan *avek* sa bann *either boundary wall* ki ant propriyete *avek lanmar*, e menm bann *rock armoring* lot kote bout lanmar ki ant vilaz? So eski nou kapab ganny Minister pou fer en bon *assessment* la? *Thank you*.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestyon. Mon ti a voudre petet Mr Deputy demann Onorab pou klarifye, letan ou'n dir nou i annan en rediksyon dan program 4, lekel *item* ki ou'n idantifye koman en rediksyon?

Vre i annan en rediksyon me selman mon ti a kontan konnen egzakteman lekel *item* nou pe fer referans *avek* pou nou kapab eksplike avan nou al lo lezot morso kestyon. Mersi.

MR DEPUTY SPEAKER

Mersi.

HON AUDREY VIDOT

Dan ou Bidze anba *environment protection* mon vwar i annan en rediksyon pou Bidze 2022, so vi ki zot anba program 4 nou vwar poudir zot pe *train* ankor travayer an referans avek sa bann post pozisyon ki mon'n mansyonnen.

So nou Roche Caiman i annan en pe letan nou pe demand pou fer sa *assessment*, petet zot ti *short* an term zot *trained staff*. La ki zot in deza annan en *batch* 2020 ki mon'n war zot in dir zot in *train* 10.

Eski nou kapab ganny *staff* laba pou fer en *assessment* ki fer en zistis ki Gouvernman i annan en proze pou fer pou adres bann *issues*, ki annan en *pool of* dimoun ki benefisyè. *Thank you*.

MR DEPUTY SPEAKER

So sa ki mon konpran Onorab Vidot pe dir lo program 4 i sorti 14.3milyon pou ariv 13.5 pou 2022. *Ok. Panel*.

MINISTER FLAVIEN JOUBERT

Mersi Onorab pou sa klarifikasyon. Mersi Deputy. Sa rediksyon i annan pou fer prensipalman avek en rediksyon dan reveni ki pou ganny enzekte, dan sa bout sorti kot *PUC* anba en *Trust Fund*.

Me osi i annan en rediksyon akoz i annan de *staff* ki pe ganny transfer sorti anba sa program. Nou annan 2 *staff* ki zot ti pe travay avek proze resiklaz, zot pe aktyelman ganny transfer avek Lazans *LWMA*, akoz nou pe met tou bann prose ki annan pou fer avek *waste management* ansanm.

Alor Minister parey ou konnen i koz en pe problem kot letan Minister pe angaz lo dan en proze *waste* e Lazans ki sipoze pe fer *waste management* i osi pe angaze dan en proze *waste*.

Ki nou'n fer nou'n detas sa bout, sa bout enplimantasyon avek Minister e atas li avek Lazans pour ki tou dimoun ki pe fer *waste management*, tou bann program *waste management* i anba en sel sapo e Minister i fer bann keksoz par egzant Polisi Lalwa eksetera.

Alor sa osi i an en lefe lo sa Bidze e sa rediksyon. Me parey ou'n remarke i pa en neserman en rediksyon i zis en transfer depans sorti en bor dan Gouvernman pou al en lot bor.

Kot i konsern evalyasyon bann landrwa Roche Caiman, sa nou kapab konsidere. Annou ganny en konversasyon lo la e nou ava vwar ki mannyer

nou kapab ganny en dimoun apropiye pou fer en travay zeneral, idantifye bann problem Roche Caiman, kot ou bann *constituent* i reste e konpran egzaktman kwa ki kapab ganny fer pou amelyor kondisyon lanvironnman dan sa landrwa.

Alors sa i en langazman ki nou fer avek ou, dir nou egzaktman ki bann landrwa ki nou pe ganny problem e nou ava rod en fason pou nou travay avek zot e ganny sa dimoun apropiye. Mersi.

MR DEPUTY SPEAKER

Mersi *panel*. Nou ava konstat letan i preski 10er e nou ti tonm dakor ki nou ti pou ariv lo la, i annan 3 Manm ki'n *miss out*, 2 lo kote *LDS Onorab Chief Whip*, Onorab Roucou e en Manm lo kote *US*. E si dan prosen alokasyon zot lev lanmen, mon promet zot mon pou donn zot preferans premye.

Donk nou pou pran vot aprezan lo sa alokasyon ki Departman pou Sanzman Klima avek Departman Lanvironnman ki lo paz 481 ek 492 pou en alokasyon 109.

Ok non, nou pou fer tou lede bout, Minister Finans pe konsey nou pou fer koumsa apre nou fer en sel vot. Savedir la prezan nou pou pran

Departman Lagrikiltir. Li i lo paz 468 ziske 480 pou en alokasyon 120milyon R416mil e nou ava envit Minis pou fer en lentrodiksyon pou sa enn alokasyon.

Nou fer en sel? Anr nou pou bezwen sanz, nou pou bezwen sanz *panel*. Donk nou ava pran en pti poz pou *sanitize*. Nou ava remersye bann zofisye ki pe kit nou, mersi pou vini, pas en bon lazournen e nou'n byen apresye bann repons zot in donn bann Manm. Nou a kapab eskiz zot parmi nou.

(technical break)

DEPARTMENT OF AGRICULTURE

MR DEPUTY SPEAKER

Donk nou'n pare aprezan pou pran Bidze, pou debat Bidze pou Departman Lagrikiltir. Parey mon'n dir i lo paz 468 a 480 pou en sonm 120milyon 416mil e nou annan nouvo zofisye ki'n zwenn nou ki sorti kot Departman Lagrikiltir.

Dabor Sekreter Prensipal pou Lagrikiltir Mr Keven Nancy, nou annan osi *Senior Accountant* manmzel Elsa Quatre avek manmzel Linetta Estico ki Sef Egzekitif pour Lazans Lagrikiltir. Minis nou

ava envit ou pou fer lentrodikeyon lo sa alokasyon. Mersi.

MINISTER **FLAVIEN**
JOUBERT

Mersi Mr Deputy Speaker pardon. Mon pou fer en pti lentrodikeyon apre nou a pran kekeyon sorti kot bann Manm.

Manda Departman Lagrikiltir se pour fer provizyon pou kre en lanvironnman an favorab, pou fasilite devlopman Sekter Lagrikiltir e osi fasilite modernizasyon sa sekter avek en bi, avek en pli bon fondasyon bann diferan lenstitisyon ek servis pou kontinyen amelyore e osi ogmant prodiksyon lokal.

Parey zot in deza ganny met okouran, restriktirasyon dan Sekter Lagrikiltir i fer ki i annan en *merger* kot 2 Lazans, Lazans Lagrikiltir e Lazans Biosekirite Nasyonal in ganny restriktire anba en sel striktir apele Departman Lagrikiltir.

Pou fasilite sa prosesis e asire ki Bidze dan Departman Lagrikiltir i legal, Lalwa pou Lazans Lagrikiltir in ganny *repeal* e Lalwa pou Lazans Biosekirite in ganny amande anliny avek nivo striktir sa sekter.

I enportan note ki menm si Sekter Lagrikiltir in ganny restriktire lobzektif ek

fonksyonman Lazans ek Biosekirite Nasyonal Lazans Lagrikiltir, Biosekirite Nasyonal i reste an plas. E sa i parey mon dir pli boner, pou fer ki nou vin efektif e efikas dan lopekeyon pou delivre en bon servis pou tou bann kliyan e osi bann manm piblik.

Lo Bidze aprekeyan an 2021 Departman Lagrikiltir ki ti ankor en ptipti Departman ti resevwar en sonm ti ganny propoze, en sonm R6.033milyon e son aktyel Bidze ti R5.66milyon an 2021.

Avek sa *merger* ek sa restriktirasyon, sa Bidze i prekeyan enkorpor departman ek sa 2 lezot Lazans. E aprekeyan Bidze i 120milyon, R420.416milyon. Letan nou get *wages and salaries* anba Bidze, in ogmante par R36.5milyon e anba la i annan pou fer avek *transfer of account staff*.

Sorry i annan en pti fot la mon krwar, aköz i annan zis enn oubeyen 2 *account staff* ki'n ganny transfer i pa kapab 36milyon. *E osi lenfrastriktir*, e osi transfer avek bann tranzaksyon avek Lazans Lenfrastriktir.

Kot i konsern *goods and services* in ogmante par 47milyon, kot i konsern *wages and salaries in kind*, MBA in aktyelman redwir *cost* konpare

avek lannen pase. Me sa pe ganny, sa i pa'n ganny reflekte sa *merger*. *Office expenses*, elektrisite ek delo in ogmante, *uniforms* osi in ganny ogmante anba *office expenses*.

Transportasyon ek *travel cost* in annan en rediksyon dan Bidze, aköz *overseas airfares* ek *subsistence allowance* in ganny redwir sirtou pou bann *staff overseas* ki ti la dan departman ki nepli la aktyelman.

Maintenance and repairs i annan en logmantasyon, nou annan *maintenance* pou *incinerator shed* kot *Airport* e osi mentenans lo *incinerator* kot *Airport* li menm.

Anba *materials and supplies* Bidze in ganny *maintain* e anba *other use of goods and services and enforcement*, in annan en azisteman. I annan nouvo kontra sekirite pou sirtou dan Lari Bazar. I annan *office rent* kot pou nepli ganny konsesyon *office* an 2022.

Livestock support SCAA ti resevwar 52.5milyon an adisyon sa i pou siport *subsidies* pou bann keksoz parey *animal feed*. Me sa in ganny revize par *Cabinet* e aprezan provizyon pou 2022 i zis 5milyon osi *subsidies*. Zot pe ekspekte ki si keksoz i al byen nou pou, nou bezwen pou

subsidy pou redwir dan sa lannen, si bann keksoz i tonm normal.

Si i pa tonm normal nou pou bezwen retourn kot Finans ou nou kapab ganny ankor en zisteman kot i konsern *subsidies* pou *animal feed*.

Kot i konsern *collection of garbage*, nou annan ogmantasyon e sa i annan pou fer avek nouvo kontra ki'n ganny donner pou koleksyon salte dan bazar anvil. *Minor capital* in ganny *maintain* e osi *non-financial assets* in ganny ogmante par 14milyon, prensipalman i annan pou fer avek konstriksyon labatwar dan sa lannen ki pe vini.

E nou osi annan bann lezot proze ki'n ganny liste ki bann Onorab dapre zot distrik ek zot rezyon ki zot ete zot kapab demann kestyon lo la. Mersi Mr Chair.

MR DEPUTY SPEAKER

Mersi *Minister*. Nou pou aprezan ouver lasal pou sesyon kestyon. Bann Manm ki taler pa ti ganny sans demann kestyon zis Onorab *Chief Whip* LDS mon war i pa'n lev lanmen. Anr *ok good*. Onorab Roucou.

HON MICHEL ROUCOU

Bonzour Mr Chair. Mersi. Bonzour Minis ek ou lekip.

Bonzour tou zabitan Mont Fleuri. Minis mon war poudir zot annan 1milyon pou *upgrading of Victoria Market*. si ou kapab dir nou lo la. Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab. Mersi Deputy Speaker. Mon ava pas sa kestyon avek PS Nancy pou klarifye lo travay ki annan pou fer dan bazar. Mersi. Ou *mic silvouple*.

PS KEVEN NANCY

Bonzour zot tou. Bonzour Deputy Speaker. MNA mersi pou ou kestyon. Bann depans dan bazar ki nou annan pou fer, i prensipalman pou fer dan koleksyon *garbage* dan bazar akoz nou annan bann latab ki ganny lwe dan bazar. I annan bann *daily table* ek bann *monthly table*.

E i annan bann *garbage* ki ganny zenere, bann salte ki ganny zenere e sa *improvement* to bazar. Wi bann proze *ok* mon ti pe al dan sa direksyon tou e 1milyon pou bann proze *improvement* dan bazar i pour ki nou annan bann *maintenance* ki nou fer dan bazar.

Nou annan bann dalo ki par ler i koule, nou annan bann latab ki nou aranze e sa i nou ban *improvement* labitid ki nou fer dan bazar. Sanmenm sa i tonm sa 1milyon parey nou dir, sa ou bezwen ganny li toultan pou ou kapab fer sa bann travay *maintenance*. Mersi Mr Speaker.

MR DEPUTY SPEAKER

Mersi. *Panel*. Onorab Gabriel ou ti lev lanmen lo sa alokasyon Lagrikiltir?

HON CONRAD GABRIEL

Mersi Mr Speaker. Bonzour tou dimoun. Bonzour Minis ek ou delegasyon. Mr Chair zis pou enform ou ki mon kestyon ti pertinan pou zabitan Pointe Larue lo zafer proze.

MR DEPUTY SPEAKER

Mon apresye konnen. Pou tou dimoun i pertinan. *Please proceed with your question. Thank you.*

HON CONRAD GABRIEL

Mon krwar pou ti kapab *extend*, vi ki mon pa en dimoun koz bokou dan sa Lasanble ou ti kapab *extend* mwan, akord mwan sa sans demann Minis sa pti kestyon, vi ki Minis-

MR DEPUTY SPEAKER

Onorab pli ou fer komanter pli letan i ale. Silvouple *proceed to your question.*

HON CONRAD GABRIEL

Non. As en Manm Elekte mon bezwen fer pase mon pwèn Mr Chair.

MR DEPUTY SPEAKER

Nothing will change. Nou ti'n fini agree lo ki manner nou pou *proceed.* Silvouple *go ahead.*

HON CONRAD GABRIEL

Wi mon bezwen profite Minis i en zabitan Pointe Larue i konn byen. *Ok?*

(Interruption)

MR DEPUTY SPEAKER

Onorab silvouple demann ou kestyon lo alokasyon lagrikiltir. Mersi.

HON CONRAD GABRIEL

Mersi. Mon a zis an pasan zis demann en pti git. Minis dan lepase zot ti fer serten lanons pour *increase* bann prodiksyon. Bann fermye bann *incentives* pou *crop, s everything.* Eski nou kapab konnen petet ki zistans in arive lo la?

Eski zot in fer en kantite progre? Ek sa Bidze ki nou pou al donn zot, kwa ki annan plis

as *incentives* pou bann *local farmers produce* plis? Mersi.

MR DEPUTY SPEAKER

Mersi. *Panel.*

MINISTER FLAVIEN JOUBERT

Mersi Onorab pou sa kestyon. Mersi Deputy Speaker. Wi lo kote ogmantasyon prodiksyon sa lannen nou'n ankouraz en bon pe fermye pour antre dan prodiksyon. Mon ti a voudre raport avek ou menm e avek Lasanble ki aktyelman nou bann finansman ki nou'n met akote ki ti'n ganny *allocate* pou prete, nou'n fini depas sa sonm.

E la prezan nou bezwen al annan en lot diskisyon avek Finans, pou nou gete ki sa fon ki nou pe servi siport lenvestisman dan lagrikiltir ki kapab ganny ogmante. Akoz bann dimoun i montre lentere, en bon pe zot anvè demare.

E zot nou bezwen ganny ankor plis resours pou kapab ed zot kontinyen *achieve* zot bann target ki annan lo kote prodiksyon.

Enn bann travay ki nou'n fer sa lannen pour ed bann dimoun se, *survey* par egzanp, nou'n travay en bon pe lo bann *survey* lo bann later kot nou konnen i annan pou nou kapab *allocate* bann later bann

landrwa ki dimoun pe rode. I annan en retar ki nou gannyen dan en bon pe ka, ed dimoun re demare.

I annan en kantite fermye ki dan en pozisyon pou li re demar prodiksyon me nou bezwen bann pti sipor pou kapab ed zot, par egzamp semen, resaman nou'n tann nonm voler, nou bezwen ed bann dimoun ek *fencing*. Nou bezwen ed bann dimoun ek *fencing*, nou bezwen kontinyen *invest* dan irigasyon ek koleksyon delo.

Alors sa i bann keksoz ki in koz en pe problem e i met zot bann ptipti retar ki apre zot pa kapab kontinyen demare e repran zot aktivite dan en fason normal. Alor lanfaz ki nou pe mete se sey trouv resours pou rezourd sa bann problem.

Me parey mon ti eksplike dan Lasanble dan en lot sesyon, nou konnen poudir en bon pe nou bann larzan ki nou pe kolekte anba *Livestock Trust Fund*, ki sipoze ganny servi pou bann proze ek bann sipor i aktyelman in kouver en bon pe bann keksoz ki annan pou fer avek lenportasyon bann materyo;- spesifikman manze zannimo avek pti poul.

E alor en bon pe nou larzan in ganny dirize pou sa 2 landrwa e ki fer ki nou kantite

ki nou annan pou nou fer proze avek i redwir. E la petet mon ti a kontan avek Lasanble nou tonm dakor lo en keksoz se ki nou bezwen konpran ki si nou pou fer prodiksyon monte fodre ki Gouvernman i met resours, en bon pe resours dan lagrikiltir.

Nou pa kapab dir zis nou pou fer li monte, me selman nou pa pare pou fer sa kantite resours.

Larzan ki nou pe kolekte lo *Livestock Trust Fund* i pe ganny anmase lo lenportasyon lavyann dan pei, me i annan bann lezot sours finansman ki devret antre, pou apiye pou ed bann fermye fer fas avek sa bann *challenge* ki zot annan e pour ki zot kapab vremen met zot prodiksyon lo sa nivo.

En kantite bann problem ki nou'n koz ek bann fermye, i bann problem ki kapab ganny rezourd avek en pti git sipor e *once* ki zot ganny sa pti git sipor mon krwar zot pou demare.

So i enportan ki nou kapab fer sa, me nou lo nou kote nou pe deblok kot nou kapab partou kote pou ed bann dimoun met zot prodiksyon lo sa nivo. Mersi.

MR DEPUTY SPEAKER

Mersi *panel*. Onorab Phillip Arissol.

HON PHILLIP ARISSOL

Mersi Mr Chair. Bonzour tou dimoun. Minis dan *PSIP* i annan R2milyon pou *upgrading of irrigation system*. Minis mon ti a kontan konnen si sa proze pe osi enkli sistenm irigasyon pou fermye Hermitage Anse Boileau? E osi i annan R1milyon pou konstriksyon semen, miray e pon Montagne Posee.

Eski ou ti kapab dir nou ki faz preparasyon sa proze in arive e kan nou ekspekte sa proze i komanse e konplete? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Deputy Speaker. Mersi Onorab pou sa kestyon. Mon preski sir ki sa alokasyon irigasyon i annan pou fer osi avek Montagne Posée. E sa i swiv bann diskisyon ki mon'n ganyen avek bann *staff* e nou kapab konfirm sa avek ou byen kler.

Me selman si, mon rapel byen bann provizyon pou irigasyon i konsantre en bon pe dan bann landrwa kot i annan bokou fermye e Montagne Posée e Hermitage i enn bann

landrwa kot nou pe met lanfaz lo la.

So, mon preski sir poudir i annan. I sa i proze Bonne Espoir pou Hermitage e ki definitivman dan nou lalis proze ki nou pe travay lo la.

Lot kestyon i konsern en size miray ek semen, Onorab petet ou kapab klarifye ankor.

MR DEPUTY SPEAKER

Proceed.

HON PHILLIP ARISSOL

Wi Minister i annan R1milyon pou konstriksyon semen, miray e pon Montagne Posée. Mon ti a lontan konnen kan, dan ki faz preparasyon sa proze in arive e kan i sipoze komanse e konplete? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab pou sa klarifikasyon. Sa proze dapre *PS* pe eksplik mwan la, son bann *staff* inisyal ki annan pou fer avek *design* e *costing* pe ganny fer. E nou ekspekte ki lo komansman lannen nou pou kapab demar li, akoz i en proze ki i ti la pou en pe letan e i annan bann travay ki'n deza komans ganny fer lo la.

Alor nou ekspekte ki boner 2022 i merit dan en staz kot i pe ganny *tender* e kot nou ava war proze demare e si tou keksoz i mars byen i a kapab ganny konplete an 2022. Mersi.

MR DEPUTY SPEAKER

Mersi. Onorab Kelly Samynadin.

HON KELLY SAMYNADIN

Mersi Mr Chair. Bonzour Minis avek ou delegasyon e tou dimoun a lekout. Minis mon war en alokasyon 3milyon pou bann *desilting projects* pou larivyer ek lanmar dan *PSIP*.

Mon ti a kontan konnen kote ki distrik Au Cap i sitye dan sa Bidze, prenon kont sityasyon kot gro lapli i tonbe se toultan bann menm fermye dan nou distrik ki sibir bann kou. So, mon ti ava kontan konnen kote ki nou distrik i sitye dan sa alokasyon? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab. Mersi Deputy Speaker. Sa *desilting* i ganny fer partou kot i ganny bezwen, e alor i en kestasyon travay avek tou bann dimoun lo teren e prepar en lalis priyorite pour ki

nou kapab fer si ki lo bann laferm dan bann landrwa ki pa pou zot, nou napa bann kondisyon ki kre inondasyon letan gro lapli i tonbe.

Alor Au Cap i pou bezwen ladan aköz Au Cap i form parti sa bann landrwa kot nou konnen inondasyon i en problem ki i vin souvan, e nou ava met li koman en priyorite. Me nou osi rapel ki dan sa 3milyon ki'n ganny *allocate*, nou pa kapab *save* li dan en sel kou, nou bezwen partaz li dan lannen, pour ki toultan nou annan kapasite pou nou kapab met keksoz annord pou fer fas avek bann episod lapli.

Petet komansman lannen nou pou ganny gro lapli, i posib lafen lannen osi nou pou gannye. Alors nou pou bezwen partaz li byen e ou a realize ki letan nou partaz li Mahe Praslin e La Digue i pa pou vin bokou li.

Me selman nou pou bezwen met Au Cap tou fason koman en priyorite. Mersi.

MR DEPUTY SPEAKER

Mersi. Onorab Aglae.

HON EGBERT AGLAE

Mersi Mr Chair. Minis an vi ki SAA in fer en sel antre anba Departman Lagrikiltir li menm, mon anvi konpran en pti gin

pezan petet lafason lapros travay ki zot pe vin avek, avek sa Bidze, premyerman lankourazman pou bann fermye ki enportan pou zot kapab prodwi, sirtou kot i konsern akse ek kredi.

Petet apard ki sa bann laliny Bidze sirtou anba *DBS* zot in mete, ki egzaktman petet ankor nou pou war an plis pou kapab donn zot sipor? Apre lo kote *GOP* ki en konsern pou zot ganny travayer an vi ki napa ase Seselwa pou zot, so ki lapros zot pe pran pou kapab al ver tou fermye? Mon pa pe koz zis bann gro fermye la mwan, tou fermye ki pe prodwi e ki anrezistre. Mersi.

MR DEPUTY SPEAKER

Mersi. *Panel.*

MINISTER FLAVIEN JOUBERT

Mersi Onorab pou sa 2 pwen. Mersi Mr Deputy. Dernyen parti ou kestyon Onorab ou'n koz ek, ou'n koz lo tou fermye e non pa zis bann gro fermye. E mon krwar sa i en pwen tre enportan e ki nou pe donn bokou latansyon lo la, nou bezwen asire ki nou bann enteraksyon ki nou fer i kouver tou bann fermye.

E mwan menm mwan mon'n fer sir ki letan mon fer

lalis bann fermye ki nou pou zwenn i pa zis ki *staff* i swazir bann dimoun ki zot konnen nou merit al vwar. Me plito nou pran nou lalis fermye ki deza anrezistre e nou tik partou lo sa lalis. E la prezan nou swazir pou nou al vwar dimoun. Akoz san kwa nou pou war nou pe sirkil dan menm landrwa e pe enterakte avek menm dimoun.

Alors sa i en keksoz ki nou pran serye e ki nou ti a voudre travay en pe plis li la an 2022 e fer ki bann fermye i santi poudir Minister i avek zot. Departman i avek zot pou fer, pou akonpanyi zot dan zot travay ki ot pe fer.

Kot i konsern bann *incentives* ki egziste pou bann fermye, i annan bann *incentives* ki deza la. Nou konnen i annan bann *incentives* lo kote par egzanz lenportasyon, materyo bann *incentives* lo *store* eksetera. Me selman i annan en keksoz Onorab ki mon krwar nou bezwen met byen kler, se ki konpare avek lapes ozordi nou pa ankor formaliz nou sistenm anrezistrasyon fermye.

Nou bezwen formaliz li pour ki en dimoun ki anrezistre i aktyelman annan en idantite anrezistrem, e sa i ganny mete byen kler dan bann lareg ki nou met ater. E nou menm osi par egzanz lo kote *subsidies*

nou pe donn, nou pe *allocate subsidies* san ki nou regle *subsidies* anba en Lalwa ki annan pou fer ek finans. Kan nou sipoze kapab fer li.

Me kot i konsern *incentives* nou konnen nou annan *loan* anba *ADF*, parey mon'n dir ki i deza fini ganny depase. I annan diskisyon ki mon'n fini fer avek Finans pou zot travay en pe plis lo nou relasyon avek *IFAD*, *International Fund for Agriculture Development*.

IFAD - mon pou dir avek ou ki resaman nou relasyon avek *IFAD* i pa'n tro bon, akoz bann tranzaksyon ki'n ganny fer lo finisyon proze *IFAD CLISSA*, ki fer ki nou relasyon in gat en pe.

Nou'n demann Minister Finans pou regle sa e zot in kapab regle e donn nou konfirmasyon ki nou pozisyon in ganny regularize avek *IFAD*.

E nou ti a voudre re apros zot pou nou ganny nouvo laliny finansman pou kapab siport bann travay ki annan pou fer dan lagrikiltir.

Parey mon'n dir i osi annan bezwen pou nou met a laporte bann ferme menm bann pti *Grant* ki nou kapab ed zot pou zot, sirtou pou adres bann problem ek bann fasilite ki pa direktman prodiksyon.

Par egzanp semen i annan laferm ki annan 200met 300met semen.

Me nou konnen poudir 200met semen i kout en ta larzan e si ou al pran en *loan* pou ou fer lagrikiltir, e ou pran tou ou larzan ou met dan semen, ou pa pou kapab fer prodiksyon.

Alor sa i bann keksoz ki nou bezwen travay for lo la, pou nou kapab ed sa bann ferme pou zot kapab fer prodiksyon. Lot keksoz ki mon ti koz lo la letan nou ti fer en *wrap-up* apre *COP 26* nou ti osi fer en demann avek *FAO* e mon'n reganny en diskisyon osi avek reprezantan rezyonal *FAO* sa semenn ki'n pase.

E nou pe ekspekte ki zot pou zwenn avek nou pou nou kapab akse finansman pou amelyorasyon bann fasilite ki bann ferme i annan ozordi. Pour ki nou a kapab fer zot amelyor efikasite zot prodiksyon. E amelyor kondisyon anba ki zot prodwir, e redwir risk ek bann lefe par egzanp gro lapli.

Par egzanp mank delo eksetera pour ki zot a kapab kontinyen travay dan en fason normal e satisfere bann bezwen enternasyonal.

Kot i konsern bann *supplies* mon'n deza koz lo la, ki

manner nou pe ede pou, nou pe travay dir pou nou fer sir ki nou bann *supply* lo *store* in kapab ganny mentenir. Sa fon *revolving* ki servi pour met bann *supplies* lo *store* i annan ankorserten travay ki nou bezwen fer pou nou asire ki i annan larzan toultan.

E osi lo kote *supplies* nou ti a voudre ki i annan plis partner dan sekter, ki pou anmenn bann *supplies* kot bann ferme. Ozordi nou depan lo en pti gin e nou depan lo departman ek sa *store* ki la.

Me nou ti ava ankouraz lezot partner pou vini dan sekter e pou *supply* sekter avek materyo pou zot kapab fer prodiksyon. Alor i annan plizyer travay ki nou pe fer lo diferan kote pou nou kapab amelyor kondisyon anba ki bann dimoun i pe travay.

E petet mon ti ava zis azoute osi ki dan Lasanble letan nou ti koz lo Lagrikiltir, nou to koz lo sa bout ki vin apre prodiksyon, distribisyon, stokaz, transformasyon ki nou'n fer diskisyon avek Minister ki annan pou fer avek lenvestisman avek lendistri.

Kot sa osi i annan bann *Scheme* ki nou oule vin avek pour pous bann ferme pou zot pa zis konsantre lo prodiksyon, me osi angaz zot dan bann lezot

aktivite relye avek zot laferm ki pou ed zot ganny plis benefis dan zot aktivite lagrikiltir. Mersi.

MR DEPUTY SPEAKER

Mersi *Minister*. Onorab Romain.

HON GEORGE ROMAIN

Mersi Mr Chair. Bonzour Minis ek *panel*. Minis mon kestyon i lo later lagrikiltir.

An vi ki nou'n deza ganny en dyalog lo sa size, parey ou ti fer mansyon avek mwan ki Anse Etoile i annan later, me parkont akse pou ariv kot sa bann bout later i en pe difisil, alors fodre fer semen. E la bokou demande kontinyen antre ek bann zenn pou rod kare later pou plante.

Mon kestyon alors Minis, eski dan sa Bidze ki nou pe al koz lo la in fer provizyon pou fer en pe devlopman semen, pou kapab devlop sa bann kare later pou a lafen apre sa devlopman sa bann zenn a kapab ganny zot bann kare later? Mersi Mr Chair.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestyon vremen enportan e mersi Mr

Deputy. Sa keştyon semen in ganny adrese dan nou bann lalis proze ki'n ganny propoze, me selman i pa spesifikman Anse Etoile.

Nou ti a voudre osi ki nou annan finansman pou nou fer plis lenfrastruktir, lagrikiltir parey mon'n dir, e semen i enn ban lenfrastruktir enportan ki nou'n idantifye. Alor nou napa en alokasyon pou nou zeneralman ganny servi poi semen dan pei, pou deservi lagrikiltir be nou annan bann alokasyon spesifik pou diferan rezyon.

E nou ti a voudre ki si keksoz i mars byen, Minister Finans i kapab donn nou adisyonnèl sipor. Me si nou pa gannyen parey mon'n dir nou pou al rod dan bann sours finansman an deor, pou nou kapab trouv bann solisyon.

Akoz nou rekonnèt poudir parey ou'n dir semen i enn bann keksoz ki pe anpes bann dimoun demare dan zot proze, e tan ki nou pa ganny sa nou pa pou vreman bouze.

Alor nou ava fer en demars pou nou ganny lezot resours, an pis ki sa bann ki'n fini liste lo bidze ozordi. E nou ava gete ki manner nou kapab adres zot an 2022 ek bann lannen ki pe vini. Mersi.

MR DEPUTY SPEAKER

Mersi Minister. Onorab Porice.

HON DOYACE PORICE

Mersi Mr Chair. Bonzour Minis avek ou delegasyon. Bonzour bann koleg Onorab e tou bann ki pe ekoute.

Minis ti annan en sonm larzan pou renovasyon Labatwar Cap Samy. Renovasyon in fini ganny fer, me nou pe vwar ki i pa ankor komans fonksyonnen, nou ti a kontan konnen aköz.

E vi ki nou koz lo prodwir plis pou ganny plis me nou pe vwar nou annan 3, apepre 3 morso later Cap Samy e Cote D'Or ki pa ankor ganny *allocate* pou komans prodwir. Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa 2 keştyon. Mon ava reponn sa bout pou labatwar. E apre mon a les zot Zofisye koz lo sa alokasyon later Cap Samy. Onorab Labatwar Cap Samy i in ganny renove anba konponan finansman Gouvernman, e sa in konplete.

I annan ankor en lot bout ki merit ganny azoute ki annan pou fer avek son tretman desarz. Me ou a remarke ki son

ban lekipman pa ankor arive, e sa i ganny finanse par Linyon Eropeen e zot dan proses *tender* ozordi, e nou pou espere letan zot pare pou zot fer *procurement* e enstalasyon.

Alor se sa ki nou pe espere, konfirmasyon ki sa bann lekipman in ganny aste in ganny anmennen dan pei e apre nou organize pou enstalasyon. E bann lekipman i merit kouver preski lo komansman ziskan finisyon proses kot Labatwar.

Kot i konsern sa alokasyon sa 3 *parcel* vreman mon pa tro konn bann, mon konnen poudir i annan en later ki nou ti'n deza fer *shade house* lo la e sa i Cap Samy, e sa ti anba proze Lasemans ki nou'n konplete sa lannen. Ki nou'n fer avek sa later se ki nou'n *allocate* avek en dimoun Praslin.

I annan en pti tranzaksyon ki nou pe fer avek sa enn, sa fermye ki'n deza la lo sa later e *once* ki s tranzaksyon i konplete *then* sa lot i kapab antre. Larestan petet ou a donn nou en pe detay bann later, e nou ava konpran egzaktaman lekel sa bann *case* e nou ava trouve ki zot, ki repons ki nou annan pou sa bann *case*.

Me selman mon oule reasir ou kot i annan later pou nou servi pou fermye, nou pou

donnen later pou dimoun travay. Mersi.

MR DEPUTY SPEAKER

Mersi *Panel*. Kekfwa Onorab ou kapab *provide* sa bann lenformasyon an ekri, letan ou annan. Kestyon in fini reponn nou kapab *move on*. *Ok?* So mon ava apel Onorab Lemiel.

HON SYLVANNE LEMIEL

Mersi Mr Chair. Bonzour *PS* Lagrikiltir avek delegasyon ki'n antre. Minis dan ou dernyen *statement* ki ou ti vin fer isi, mon rapel mon ti demann ou sa kestyon kot i konsern ki ou plan imedya, mwayen term, avek lonterm, dan ou Bidze pou lannen 2022.

Apre letan mon ti'n demann ou sa kestyon mon pe get ou larepons la ki ou ti'n donn mwan, ti enn ou swe kot ou dir ou ti a kontan donn serten bann pti *Grant* bann fermye, kot zot kapab konstrir en pti semen, aste en pe rakor, basen. Vedir an gro pou amelyor zot laferm.

E an menm tan ti sipoze annan en konferans ki ti pou fer Novanm e ladan ou ti pe mazin al tap laport pou demann en pe larzan, kot ou kapab ed bann fermye *or* ed Sekter Lagrikiltir pou zot kapab kont sanzman klima.

Enn, mon ti a kontan konnen si ou'n abouti kapab ganny en serten larzan e si wi ki sonm pou nou kapab asiste bann fermye avek?

E apre eski ou pou kapab akonplir serten ou bann swe dan Bidze 2022, oubyen atraver okenn *Grant* ki ou santi ou pou kapab donner? Parey Au Cap Anse Royale osi nou dan *low lying area* e nou annan bokou fermye dan plato, e *PS* i okouran ki sak fwa lapli i tonbe tou sa bann fermye lo plato zot ban prodwir i noye.

So mon pe regarde avek Bidze, akoz ti annan serten travay ki'n ganny fer e mon krwar travay in ariv a en bon zistans ansanm avek Minister Lanvironnman, mon ti a kontan konnen si plan sa travay ki annan pou fer pou amelyor sityasyon *flooding* dan plato Anse Royale, pou amelyor kondisyon bann fermye, si sa plan in fini fer? E si serten sa bann problem pou kapab ganny adrese atraver Bidze 2022? Mersi Mr Chair.

MR DEPUTY SPEAKER

Mersi Onorab. *Panel*.

MINISTER **FLAVIEN**
JOUBERT

Mersi Onorab pou sa detrwa pwen ki ou'n fer. E mersi Mr

Deputy Chair. Onorab mon ti koz lo *small Grants* ki mon rekonnet parey mon dir en pti pe pli boner, ki nou bann fermye i bezwen bann parti lasistans pou zot kapab swa re demare, swa akseler zot prodiksyon.

Mon'n fer demann avek Minister Finans, nou pa ankor kapab ganny en solisyon pou sa. Me mon ti a voudre ki nou met akote serten sonm pou nou kapab asiste bann fermye, e sa i kontinyen reste en demann ki mon fer avek Minister Finans. Mon ti koz lo en konferans si mon pou al tap laport.

E i parey mon ti raporte apre sa konferans ki mon ti ale Novanm, mon'n ganny diskisyon avek Direkter *FAO* ki responsab bann size ki annan pou fer avek sanzman klima ek biodiversite kot *FAO*. E zot, zot konsantre bokou lo bann sipor pou bann pei ki annan pou fer avek adaptasyon ek sanzman klima.

Parey mon ti dir zot in deza dakor pou anvoy en misyon Sesel. E apre sa misyon nou a kapab demar en program. E lenformasyon ki mon gannye se ki nou kapab akse ziska \$5milyon, mon pa ankor dir nou'n ganny \$5milyon, me mon'n dir fasilite

i kapab *accommodate* nou apepre \$5milyon.

Nou ti a voudre servi sa lokazyon pou nou akse sa bann fon. E osi parey mon'n dir pli boner letan mon ti pe koz lo Minister Lanvironnman, nou pe organiz nou *Project Coordination Unit* pou li *accommodate* bann aktivite ki annan pou fer ek lagrikiltir.

Mon ti a voudre nou ganny sipor proze, akoz nou rekonnet poudir sa i en febles lo kote lagrikiltir se sa tranzaksyon proze i bezwen dimoun, e i bezwen resours e ou bezwen sa bon sipor.

E si nou pa fer sa lagrikiltir pou toultan reste enn bann sekter ki pa pe akse sa bann fasilite. Alor nou ti a voudre letan nou pe reorganiz nou osi lo kote Minister, ki Lagrikiltir i ganny donner son plas e ki i kapab travay lo bann prose, parey nou'n koz bann proze prodiksyon lakot kot nou pe al rod larzan eksteryer.

Lagrikiltir osi i devret dan en pozisyon pou nou kapab al rod sa bann kalite proze, e anmenn kot bann prodikter. Alors sa i en demars ki nou'n fer. Byento reprezantan rezyonal *FAO* pou vin Sesel.

Mon krwar i annan en problemm avek *COVID* pou li vwayaze e nou ekspekte ki i pou

kapab vini petet dan bann Desanm oubyen Zanvye.

E ansanm avek sa ouswa zis apre pou pli annan en misyon *FAO* ki pou donn nou en apersi, kwa ki nou kapab rode anba sa bann fasilite e nou a kapab konnen osi kan ki nou pou fer sa bann demars, pou nou kapab ganny sipor pou nou siport bann fermye.

Alor parey in dir eski nou al laport? Wi nou'n ale tap laport e nou'n ganny en bon repons letan nou'n tal sa laport me la prezan nou bezwen devlop li e akse sa bann fasilite. Mon pou pas laparol avek *PS Nancy* pou koz en pti pe lo drenaz dan bann landrwa Anse Royale, Au Cap eksetera. Mersi.

PS KEVEN NANCY

Mersi Minister. Mersi Onorab pi ou kestyon. Lo kote drenaz parey in ganny dir avan nou annan en program pou nou *maintain* tou bann dren, e menm fer bann nouvo si i nesaser.

E dan Bidze i annan bann alokasyon ki'n ganny mete, me selman parkont nou pou bezwen get tou sa drenaz ki nou annan. Nou annan lo Praslin. Nou annan lo Mahe e sa enn Anse Royale prensipalman, nou'n vizite, e i annan travay ki nou pe fer ansanm avek

Lanvironnman. Akoz involve ou konnen ou drenaz pou annan pou *primary, secondary* avek ou *tertiary drain*.

E *involve* tou le 3 sagedir ou annan ou drenaz ki'n sipoze ganny *maintain* par *the farmers*. Apre ou annan ou *secondary* i tonm anba Departman Lagrikiltir.

E sa ki nou'n met dan Bidze ki pou nou kapab dil avek sa. E i annan sa dernyen bout drenaz ki al ver ou labousri ver lanmer e sa nou travay ansanm avek lanvironnman.

E nou pe kontinyen fer nou annan travay, pou ki pou fini dil avek sa sityasyon sirtou dan plato Anse Royale ki vin en *issue*. Mon pe dir ou ki i annan travay ki nou pe fer lo la, i annan vizit ankor ki nou pe fer. Nou pou parey labitid lyez avek ou tou ler nou fer nou bann demars. Mersi.

MR DEPUTY SPEAKER

Mersi *PS*. Mon ava pas laparol avek Onorab Loizeau.

HON NORBERT LOIZEAU

Mersi Mr Speaker. Mersi Mr Chair. Bonzour Minis ek ou delegasyon.

Minis mon keston i koumsa; vi ki Bel Air, pa zis Bel Air me osi Port Glaud ki baliz ek Port Glaud mazorite nou bann

later i rezerv e i annan bokou zenn ki anvi antre dan *agroforestry*. E dernyen fwa nou vizit zot ti la zot 2 *PS*, Minis zot ti vwar sa e ti annan en konversasyon pou revwar en pe lo kote rezerv si i kapab annan okenn deblokman serten morso pou kapab *accommodate* ek sa bann semen pou zot kapab fer *agroforestry*.

Mon anvi demann ou ki zistans ou'n arive dan sa demars. E si zot ti annan kontrent bidzeter osi dan Bidze, i annan alokasyon pou zot kapab pourswiv sa demars pour ki a lafen nou bann zenn Bel Air Sans Souci, e osi bann zenn dan Port Glaud i kapab ganny en morso pou zot kapab koman sfer *agroforestry*? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab. Mersi Mr Deputy Speaker. Kot i konsern Bel Air nou'n diskite avek Onorab Loizeau byensir. E nou'n eksplik li poudir i annan en pe later ki'n ganny retire dan revizyon 2016 dan *National Park* e ki ozordi i kapab ganny servi pou bann travay, bann aktivite ki annan pou fer avek *agroforestry*.

E sa i spesifikman dan rezyon Kan Tobrouk ek sa *Zone* par anba semen. E sa later i la i reste la me nou pa ankor kapab ganny sans pou fer en travay detaye lo la e osi parey ou pe dir konpran konbyen aplikan i annan pou rezyon Bel Air pou nou kapab *allocate* avek zot.

Mon ti a zis si oule *update* ou osi lo lefe ki nou ti annan en travay ki ti pe fer pour lever lafore, anba en program ki'n ganny finanse avek larzan sorti an deor, atraver *FAO*.

Me sa proze pe ganny retar e nou ti a voudre konplet li pli vot posibil. Mon konnen par egzanp Deputy Speaker osi in lev sa pwen avek mon kot i konsern later pou *agroforestry* dan Mont Buxton. E anba sa proze nou ti a voudre fini idantifye tou sa bann landrwa.

Me in ganny en pe retar, me nou pe swete ki nou kapab anvoy sa larzan an 2022, kontinyen sa aktivite pour ki nou kapab idantifye tou sa bann landrwa kot i annan potansyel pou *agroforestry*.

E definitivman Bel Air i enn sa bann landrwa kot nou kapab fer li e mon espere ki nou a kapab fer li dan lannen 2022.

Me selman bann bezwen imedyat Onorab, parey nou'n fer dan lepease apros nou pou bann bezwen imedyat aplikan

ki annan bann lanvi pou zot travay dan sa laliny, e nou ava fer bann demars parey mon dir, nou ava gete bann later ki deza la ki mannyer nou kapab trouv en solisyon pou zot. Mersi.

MR DEPUTY SPEAKER

Mersi Minister. Mon ava pas laparol avek Onorab Adelaide.

HON FRANCOIS ADELAIDE

Mersi Mr Chair. Bonzour ankor enn fwa. Minis ler mon'n tann ou koze i paret mwan ki Gouvernman pa ankor realize poudir lagrikiltir en sekter ki i serye.

E mon pe demann avek mon bann koleg la dan Lasanble Nasyonal pou ed mwan. Akoz mon anvi fer Komite ki pou annan *oversight* lo lagrikiltir e nou pou bezwen donn lagrikiltir son valer ki devret annan. Nou pa oule larzan me nou le manze afordab.

Minis mon'n tann ou poudir i annan en pti malantandi ek lo zafer *IFAD* avek *CLISSA*. Me sa i en keksoz ki serye.

So mon ti ava kontan ki Lasanble i ganny petet nou ava demande pou nou ganny en rapor lo la. E vi ki nou anvi fer Komite lo lagrikiltir e sa i ava

vin konman en keksoz pou nou get ladan.

E mon bann koleg i serye, mon demann zot pou apir mon nou pou bezwen fer Komite ki pou *oversight* lo lagrikiltir dan Lasanble Nasyonal.

Minis sa ki mon konpran se ki labatwar, zot anvi fer en labatwar me solman zot pa ankor ganny alokasyon later ozordi zot anvoy laba, lot zour zot anvoy ou isi eski zot in gannyen konfirmasyon kote later pou fer labatwar i ete silvouple ? Mersi

MR DEPUTY SPEAKER

Mersi Onorab. Mon pou permet ou keston lo labatwar. Lo zafer sa rapor ki ou'n demann Minis mon ti ava demann ou pou anmenn en Mosyon pou kreasyon sa Komite enn fwa ki Lasanble in aprouve, *then* enn bann premye travay zot ava swiv lo sa rapor. So Minis nou ava koz labatwar. Mersi.

MINISTER FLAVIEN JOUBERT

Mersi Onorab pou sa bann keston tre pertinan. Mersi Mr Deputy Speaker. Onorab kot i konsern labatwar, mwan letan mon'n antre dan biro ti annan en problem kot nou pa ti

ankor kapab trouv en sit pou labatwar.

Mon'n anvoy bann demann kot Minister Later nou'n fer plizyer enteraksyon. E nou'n sey rode e apre finalman nou'n vwar ki landrwa pli apropiye pou bezwen lo lakot les Mahé, kot nou kapab ganny en bon akse ase lespas plat e osi kot nou kapab ganny koneksyon avek en *sewer line*. Akoz i labatwar toultan i annan en problem kot ou bezwen tret son delo ki vin apre. E nou bezwen ganny sa koneksyon.

Alor nou'n rode partou e nou'n trouv en landrwa lo *zone 20*. Me letan nou'n retournen avek sa propozisyon *zone 20* nou'n ganny en kantite diferan lopinyon lo diferan fason ki i devret ganny fer.

E keksoz in ganny en pe retar akoz sa. Nou bezwen realize ki nou annan en kontrent letan kot i konsern labatwar, akoz sa larzan ki ti'n ganny *allocate* pou labatwar anba Fon Eropeen pou devlopman, i fini an 2022.

Fodre ki nou Sesel nou'n fini fer sa lenfrastruktir sa batiman, an 2022 pou nou kapab *capture* sa larzan e servi li. E sa larzan i €1.3milyon.

Se pou sa rezon ki nou'n argimant ek Minister Finans pou nou met sa larzan pou nou

konstri sa lenfrastruktir sa batiman sa lannen. Sel keksoz ki reste nou pou nou konplete, se ganny en sit final.

E mwan mon'n fer demars avek departman avek Minister ki annan pou fer avek *industrial zone*. E mon krwar Onorab, mon krwar nou ti'n set ki nou desizyon ti pou'n ganny fer ver lafen avan lafen Novanm, ozordi le 2 Desanm. E mwan mon dir zot ki mon ti ava voudre ki nou fer sa desizyon la e nou konmans sa konstriksyon la ,pou ki letan i ariv milye lannen prosen nou dan en bon pozisyon pou nou kapab dir avek Linyon Eropéen nou'n pare.

Me selman, mon'n osi dir ek bann dimoun poudir rekonnèt poudir si nou met retar dan sa proze, nou bezwen pare pou form parti son konsekans mank sa labatwar.

Mwan mon'n fer mon demars nou'n fer tou bann bout posib pou nou kapab ganny sa later. E nou ti ava voudre ki sa later i ganny konfirman. I annan ki dir nou labatwar i dan *landfill* i pa dan *landfill* li i ti an deor *landfill* dan *zone 20*.

Me i annan ki dir nou, nou pe fer isi, nou pe fer laba. Si nou oule met retar ek labatwar fodre nou osi nou pare letan i dir labatwar pa ti ganny fer pou

tel, tel rezon, nou osi nou kapab dir mon ti form parti sa desizyon mon ti anpes sa labatwar ganny fer.

Mwan mon'n dir annou tonm dakor i annan de *parcel* la ozordi ki devan nou tonm dakor lo enn sa *parcel* e fer sa labatwar deswit. Napa okenn nanryen pou nou fer, napa okenn diskisyon ankor nou'n fini fer tou bann letour, e nou konn tou bann kondisyon anba ki sa labatwar i devret ganny konstri.

E i menm annan propozisyon la ki pe dir annou retourn Anse Boileau nou al get ankor en kou. Mon pa tro krwar mon. Nou devret fer sa labatwar la kot nou konnen kondisyon i ideal pou nou fer li.

Alor nou, nou pe dir i annan de opsyon ki deza devan nou la dan *zone* Providence mon krwar i *zone 20* ek *zone 18* si mon rapel byen. Pran enn sa sit met sa labatwar debout, al kot Linyon Eropéen pran nou bout larzan e met lekipman ladan e fer li fonksyonnen. Se sa ki nou anvi fer.

Alor mon ti ava voudre ki menm sa semenn aköz nou *deadline* in pase le 30 Novanm, menm sa semenn nou bezwen pran sa desizyon lo la. Mersi.

MR DEPUTY SPEAKER

Mersi *Minister*. Mon ava envit Onorab Gill poz son kestyon.

HON CHURCHILL GILL

Mersi Mr Chair. Minis mon'n note ki kot *Dawn Dew Farms* semen in fini met nouvo sirfas.

Me lot labatwar ler semen ti *divert* pou fer renovasyon labatwar, la osi ti annan en semen ki sorti kot ki *lead* kot ferme Mr Jean Savy ek Pierre Philoe.

E sa osi ti'n tonm dakor pandan sa lannen pou li ganny fer e ziska konmela i pa'n ganny fer apre mon pa vwar larzan dan Bidze pou lannen prosenn, eski ou kapab donn nou en *update* lo la silvouple? Mersi.

MR DEPUTY SPEAKER

Mersi. *Panel*.

MINISTER FLAVIEN JOUBERT

Mersi Onorab pou sa kestyon. Mersi Mr Deputy. Mon ava pas laparol avek *PS Nancy* pou *update* lo travay semen lo Praslin. Mersi.

MR DEPUTY SPEAKER

Proceed.

PS KEVEN NANCY

Mersi *Minister*. Mersi Onorab. An relasyon avek bann travay semen lo Praslin, nou annan ki ti'n ganny *plan for 2021* e sa nou annan nou *project officer* i annan ki'n fini ganny fer ladan. E i annan ki pou kontinyen dan nou program pou 2022. E par egzanp nou annan sa *road diversion at Cap Samy* e nou annan lezot ankor ki dan program.

E *actually* sa enn ki ou'n mansyonnen la i limero (1) *road diversion at Cap Samy* Praslin i ladan tou. E dek konman Bidze i large nou kontinyen avek sa travay Mr Onorab. Mersi.

MR DEPUTY SPEAKER

Mersi.

HON CHURCHILL GILL

Ki arive mwan mon'n dir sa semen sipoze *resurface*. Me ou, ou dir sa *diversion*. *Diversion* wi zot in fer zot. Me selman semen li menm li i pa dan en leta pou kapab servi.

Me i ti'n deza dan program pou *resurface* depi 2an pase. E sa lannen i ti sipoze *resurface* ti'n tonm dakor. Me solman ziska konmela pa ankor ganny fer se sa ki mon ti pe demande. Mersi.

MR DEPUTY SPEAKER

Ok mon krwar i pli kler aprezan. PS.

PS KEVEN NANCY

Wi i dan program pou *resurface* e nou pou fer li. Akoz mon'n vwar bann papye ki mon'n fini sinyen e nou ava kontinyen avek sa program *resurfacing*. Vwala.

MR DEPUTY SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Mr Chair, mon kestyon i lo kot i konsern Polisi. Polisi kot i konsern alokasyon bann later lagrikiltir. Annefe mon kestyon pou Minis e si zot annan lentansyon reviz bann Polisi ki egziste ozordi, akoz mon vwar serten defayans bann keksoz ki parey mon pa konnen si gidans zot Polisi ouswa si bann keksoz pe ganny fer ki an deor zot Polisi ouswa.

Parey kot i konsern alokasyon later, eski en dimoun ki dan lanplwa i merit ganny *allocate* avek en kare later?

En lot size ankor. Parey ler bann nouvo later in ganny debloke pou lagrikiltir parey *case in point* later par lafanmir Barra. Eski bann later i ganny *advertise* pou bann fermye

kapab *apply*, ouswa zis zot en seleksyon i ganny fer par avan pa SAA, la *obviously* pou Departman Lagrikiltir.

Aprè en lot *issue* ankor Minis ki ou okouran. I sa zafer bann dimoun ki'n lo bann later lagrikiltir pou bokou lannen. I annan ki ankor pe *farm* sa bann later. Zot in lo later parey en ka ki ou konn byen nou'n vizite Mr Ralph Bonnelame ki'n lo en later pou 30an i ankor pe fer lagrikiltir lo sa later.

Me selman i pa pe ganny permisyon pou li konstri lo sa later. I annan bann Polisi kot ou pa kapab fer lakaz an blok, ou kapab fer zis en lakaz an tol, ouswa pe kapab *renovate* kot reste menm si fanmir pe grandi.

E bokou i annan bokou bann fermye ki'n lo bann later pou bokou, bokou lannen e zot vwar sa vreman en kontrent en difikilte pou zot. Mersi.

MR DEPUTY SPEAKER

Mersi Onorab. Mon krwar lo kestyon Polisi nou ti annan en Lagreman atraver ABC, pou bann *Caucus* pou nou pa kestyonn Polisi akoz nou annan loportinite pou anmenn kestyon dan Lasanble pandan letan. Me si an term si i annan provizyon Bidzeter pou revwar bann *Policy* ki ozordi i en defayans mon ti

ava kontan Minis i reponn li dan sa direksyon. Mersi.

MINISTER **FLAVIEN**
JOUBERT

Mersi Mr Chair. Mersi Onorab pou sa kestyon vreman enportan. Mr Chair zis pou *update* zot lo ki nou pe fer lo kote later sa lannen en.

Premye se ki i annan en levanter ki nou pe konplete avek Minister Later, pou nou konnen egzaktman kote e kantite later ki nou annan ozordi disponib pou lagrikiltir. Sa i en levanter ki nou oule fer ki nou'n konmans fer avek Minister Later ek nou zofisyè *Lands* pe travay avek zot lo la.

Lot keksoz ki nou pe fer e ki nou ti ava voudre konplet li dan bann mwan ki pe vini, se en konplet levanter lo bann dimoun ki deza lo later lagrikiltir e ki swa in konstri, swa zot in bann bloker ki deza la. Swa i annan ki menm fer bann striktir ilegal ki bezwen ganny regularize. E nou bezwen annan en travay konplet lo la.

Zis pou fer remarke Mr Chair, ki mwan depi ler mon la dan biro, dan lofis mon pa ankor vann en met kare later lagrikiltir. Nou pa ankor fer okenn tranzaksyon later lagrikiltir, aköz nou dir ek bann dimoun espere. Ziska ler nou

kapab fer en levanter konplet e nou kapab vin ek en pozisyon konpreansiv lo sa size.

Lot keksoz ki annan pou fer kot i konsern later se Lalwa pou proteksyon later lagrikiltir e sa pe ganny fer anba en proze. E osi i pe ganny i pe avanse a en par ase vit.

Lot pwèn ki annan pou later lagrikiltir se bann kondisyon *lease*. Nou bezwen reviz tou bann kondisyon ki annan pou fer ek *lease* e eksplik tou bann dimoun ki kondisyon i vedir.

E menm lafason ki *lease* i ganny transmet, aköz nou menm vwar ki i annan bann lesey pou transmet *lease* sorti kot enn, enn pou al lo lot, ouswa pou *sublease* - *sublet* ki i pa korek letan ou get sa bann kondisyon ki ganny aplike lo later lagrikiltir.

Departman son lentansyon, nou pe espekte ki byento nou pou kapab anmenn en dokiman Polisi kot *Cabinet*. E sa i pou *add no cost* pou *budget*. Sa i form parti nou bann aktivite regilye.

En dokiman Polisi pou *Cabinet* ki nou'n dakor avek Minister Later, ki osi tonm anliny avek sa ki zot pe vin avek kot i konsern later Gouvernman, pou ki nou kapab met ater tou bann nouvo

pozisyon kot i konsern later lagrikiltir akòz nou vwar ki si nou kontinyen dan menm sityasyon parey nou ete nou pou gradyelman perdi e dimoun pou kontinyelman rod bann fason pou zot antre e vin konstri lo later lagrikiltir.

Alor nou pe fer tousala pou nou arive klarifye sa bann keksoz. E osi fer konpran bann dimoun poudir sa sistenm ki annan pou alokasyon i en sistenm transparan, e ki menm si ou'n vwar Minis i pa vedir ki ou pou ganny donneren kare. Me plito i annan en sistenm ki egziste e tou dimoun ki satisfere kriter dan sa sistenm i ganny trete parey.

Alor se sa ki nou anvi fer. Mersi Mr Deputy.

MR DEPUTY SPEAKER

Mersi *Minister*. Mon ava apel Onorab Labonte.

HON ANDY LABONTE

Mersi Mr Chair. Mr Chair mon kestyon i baze lo finansman *well* lo lazenes si oule. Ler mon'n get Bidze li menm li, parey Minis in koze, i annan *Grant* pou ankouraz lazenes.

Me i annan sa program Lasemans ki ti'n konmanse pou relans zenn dan lagrikiltir. Be petet nou ti ava kapab ganny en

pe lenformasyon ki'n arive ek sa program, si i annan finansman ki'n ganny mete anba Bidze? Si i annan konbyen larzan ki'n ganny mete dan Bidze pou kontiny sa program? Mersi *Minister*.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr Chair. Mersi Onorab pou sa kestyon. Mr Deputy wi mon ava donn en pti *update* lo ki nou'n arive fer anba Lasemans. Lo Praslin nou'n fer fasilite pou *crop production* pou en laferm. Me sa in fini ganny *allocate* parey mon'n eksplik Onorab Porice pli boner.

Nou annan enn pou enn Val D'En D'Or mon krwar i annan pou fer ek *livestock*. Nou annan 2 pou *crop* Anse Boileau e sa i pe al ganny *allocate*, e osi nou annan en lot *poultry* Anse Boileau ki nou pe fer mannyer pou nou kapab demar li la.

Alor nou pe dousman, dousman servi bann resours ki nou annan pou ed sa bann zenn ki ti ganny promet fasilite anba Lasemans. E nou krwar ki nou pou kapab ed zot anmezir nou ale. I pou pran en pe plis letan. Akòz resours i limite parey mon'n dir resours pou proze in

koup en bon pe apre sa bann problem COVID ek ban difikilte lo marse pou materyo.

Me nou krwar nou pou kapab anmezir nou ale retir en bon pe zot lo sa lalis.

Group pli gro ki reste se en group 10 ki sipoze ganny fasilite kot *ex-Hydroponic* Anse Aux Pins. E sa bann nou'n fer demars pou delo, nou pe fer demars pou irigasyon la aktyelman pou zot ganny *supply* delo.

Me apre sa nou pou bezwen rod finansman pou nou fer bann fasilite parey *shade house* ek *storage* pou zot kapab antre konmans prodiksyon.

Alors si nou arive nou'n deza arive parey mon'n dir ti 5 lo lalis la, si nou arive tir sa 10 i pou vremen redwir sa lalis dan en fason sibstansyel. Mersi

MR DEPUTY SPEAKER

Mersi *Minister*. Dernyen Manm ki lo mon lalis pou sa sesyon kestryon se Onorab Hoareau.

HON JOHN HOAREAU

Mersi Mr Deputy. Mon kestryon i baze lo vot pou program 4 *veterinary services and livestock research*. Minis mon ti ava kontan konnen ki pe arive avek sa program pou elimin lisyen eran, an vi Beau

Vallon nou pe vwar ki i annan plizyer konplent ki'n antre, lo size bann lisyen eran ki pe mord touris avek bann lezot dimoun ki servi lans? Mersi.

MR DEPUTY SPEAKER

Mersi. *Panel proceed*.

MINISTER FLAVIEN JOUBERT

Mersi Onorab. Mersi Mr Deputy. Program pou lisyen eran i kontinyen reste la. Parey ou'n vwar dan medya bann zofisyen in konmans fer rezistrasyon pou lisyen dan rezyon nor. E lenformasyon ki mon'n gannyen resaman se ki zot in kapab konplet rezyon nor antye.

E i ava donn zot pou donn en *update* lo medya lo ki zistans zot in arive avek sa program. Me program pou kontrol i pou osi annan en lenpak pou kontrol akoz bann menm dimoun ki pe fer anrezistre bann lisyen. I osi bann menm dimoun ki pou travay dan fasilite kot bann lisyen i ganny anmase.

Akoz parey ou konnen sistenm ki merit egziste se ki bann lisyen i ganny sezi. E si zot napa sa anrezistremen sa *PIT tag* dan zot likou alor zot kapab ganny detri swa ganny

mete dan en lot landrwa si en dimoun i pare pou pran zot.

Me dan Bidze 2021 nou ti demann *staff* adisyonnèl pou fer sa bann travay avek sa linite travay lo kontrol lisyen, me nou pa'n ganny tou sa *staff*.

Alor nou pou bezwen limit en pe lo lakantite dimoun ki ganny *allocate* pou diferan parti sa program. Me zis mon oule reasir ou ki ou Onorab nou'n pran kont sa bann bezwen pou kontrol dan bann diferan landrwa kot in annan i pa zis Beau Vallon. I annan ankò apepre 4 oubyen 5 landrwa kot nou'n ganny notife ki i annan en gro problem.

E nou pou fer bann kontrol dan sa bann landrwa. E petet mon ti ava profite zis demann avek bann dimoun pou zot osi pran ka ek zot zannimo e pa larg zot zannimo pou kree problem pou lezot dan lakominote.

Akoz nou realize ki en bon pe fwa i pa toultan ki bann zannimo ki pa kot en lakour ki pe fer sa. Me plito bann zannimo ki pe ganny lese larg e ki pe kree problem dan kominote. Mersi.

MR DEPUTY SPEAKER

Mersi *Minister*. Sa in anmenn nou lafen nou sesyon lo alokasyon pour Minister

Lagrikiltir, Sanzman Klima avek Lanvironnman.

E donk nou pou pran aprezan vot lo sa alokasyon ki trouve lo paz 468 ziska 492 sa de alokasyon ansanm i ariv en total R230milyon 197mil.

Donk mon ava demann tou Manm ki an faver pou endike? Okenn Manm ki kont?

Donk vot pour Minister Lagrikiltir, Sanzman Klima e Lanvironnman ki trouve lo paz 468 ziska 492 pou en sonm R230milyon 197mil, 28 Manm in vot an faver, personn pa'n vot kont e en Manm in *abstain*. Donk sa vot i pase.

Nou pou aprezan pran *break* ziske 11er edmi e letan nou retournen nou pou konsider alokasyon pou Komisyon Lenerzi Sesel. Mersi.

(BREAK)

SEYCHELLES ENERGY COMMISSION

MR DEPUTY SPEAKER

Ankor enn fwa bonzour tou Manm Onorab e tou dimoun a lekout. Nou kontinyen avek nou deliberasyon lo *Appropriation Bill* 2022 dan Staz Komite. Prosen antite ki nou pou konsidere ziska 12.30 se Komisyon Lenerzi Sesel ki

trouve lo paz 493 a 499 pou en sonm 25milyon 723mil e zofisye ki'n zwenn nou i annan Sef Egzekitiv *Seychelles Energy Commission* Mr Tony Imaduwa, e lezot zofisye ki ti la bomaten *Minister* e 2 zofisye *Minister Finans*.

Donk nou ava envit *panel, Minister* mon prezimen pou fer lentrodikeyon lo sa Bidze. Mersi.

MINISTER **FLAVIEN**
JOUBERT

Mersi Mr Deputy. Bonzour tou bann Manm. Mr Deputy mon ti ava konmanse par en pti *statement* e apre nou ava pas laparol avek Mr Imaduwa, Sef Egzekitiv.

Manda Komisyon Lenerzi Sesel se pou regle aktivite ki relye avek elektrisite pou asire ki nou annan bann fasilite ki adekwat e ki osi *affordable*, e osi protez lanvironnman e osi bann konsonmater.

Komisyon Lenerzi i enplimant bann Polisi lenerzi e osi bann stratezi pou pei ki pou promot litalizasyon bann teknolozi efikas lo kote lenerzi. E osi pou konsider lentrodikeyon bann sours renouvlab pou lenerzi.

Sa Komisyon parey nou konnen dapre bann desizyon resan ki'n ganny pran, i pou

evantyelman en pe son fonksyon pou ganny entegre dan Departman Lenerzi ek Sanzman Klima kot *Minister*, sirtou son rol Polisi.

Me i annan en rol regilatwar ki pou bezwen kontinyen reste aköz i pou bezwen kontinyen zwe en rol enportan lo kote regilasyon elektrisite. Me osi i annan serten diskisyon ki nou pe fer pou konsidere si pa kapab pran lezot rol. E sa nou pa pou kapab anonse aköz nou pa ankor fini diskisyon lo la.

An 2020/ 2021 sa lekip in anvoy notis pou *award* pou sa *floating PV plant*, ki sipoze ganny konstri lo Mahé. Zot in fer travay avek *International Renewable Energy Agency IRENA* pou fer serten travay lo similasyon pou vwar potansyel *solar PV* dan pei.

E zot in osi konplent bann letid ki'n annan pou fer avek bann performans enerzetik bann diferan prodwir. Menm si nou pa ankor vwar tou sa bann rezilta ganny pibliye.

Me i annan en kantite travay ki sa Komisyon pe fer, pou fer marse pou devlop sa sekter lenerzi e osi vin avek bann rekomandasyon pou nou kapab annan dan pei bann lekipman e bann fasilite ki

bokou pli performans kot i konsern lenerzi.

I osi i annan en bon pe progre lo sa proze lo *energy low carbon energy project* anba en Lakor korporasyon avek *La Chine*, e sa parey ou rapel ti ganny sinyen boner sa lannen mon krwar Zanvye.

Aktyelman in annan bokou travay ki'n ganny fer, me nou pa ankor vwar son bann rezilta akoz laplipar sa bann keksoz pe ganny fer an deor pei kot ou pe annan *procurement* bann materyo ki kapab egzekite sa proze dan pei.

E i osi i annan bann demars pou verifye sours laroul konman en sours lenerzi dan pei. I annan bann proze ki'n ganny soumet e ki Komisyon Lenerzi pe travay lo la.

Mr Speaker pou Bidze prezan. Bidze revize pou Komisyon Lenerzi pou 2021 ti R81.525milyon e an gran parti sa Bidze ti sa alokasyon anba sa proze korporasyon avek *La Chine*. E ozordi la letan nou pe koze 90poursan sa larzan ki ti konpri sa alokasyon, in fini ganny depanse in ganny anvoye kot sa *bidder* ki'n pli konpetan pou delivre lo sa servis, e sa i *La Chine*.

Ki fer ki letan ou get Bidze 2022, i aktyelman Bidze Komisyon Lenerzi i zis 25

milyon 25.723 milyon pou 2022.

Dan sa 25.723 zis apepre 4 a 5 milyon Roupri, R4milyon ki annan pou fer avek travay toulezour Komisyon Lenerzi lo bann *staff* sirtou bann depans administrativ.

Sa lot konponan apre 20 milyon i reprezant 10poursan ki reste lo sa proze *Chinois* ki sipoze ganny egzekite Sesel byento. Nou espekite ki sa proze pou tonm an plas an 2022 e nou'n deza donn en detay lo kwa ki i pou konpri i pou annan sistenm *Curieuse*, i pou annan bann fasilite bann lekipman par egzang pou semen, bann lalimyer eksetera anba la.

E alor Bidze ki'n ganny propoze pou 2022 i 25.723 milyon e laplipar Bidze pou Komisyon Lenerzi i ganny reprezante par bann *office expenses*, bann saler ki ariv apepre 3.585. *Office expenses, transportation and travel, maintenance and repairs e other uses of goods and services* ki 700 mil 708 mi1.

Alor Mr Deputy vwala en somer pou Komisyon Lenerzi mon ava pas laparol avek ou pou bann kestyon sorti kot bann Manm. Mersi.

MR DEPUTY SPEAKER

Mersi *Minister*. Donk aprezan nou pou ouver lasal pou sesyon kestasyon. E parey mon'n dir nou pou al ziska 12.30 ki aparet nou pou al tre vit akoz ziska prezan zis 3 Manm ki'n endike pou demann kestasyon lo sa *heading*. Mon ava konmans avek Onorab Lemiel.

HON SYLVANNE LEMIEL

Ok mersi. Mersi Mr Chair. Bonzour *CEO*. Mon kestasyon i mon vwar ki zot annan en nouvo proze pou lannen 2022 kot zot oule enstal bann *PV system* lo bann lofis Gouvernman.

E zot annan zot en Bidze R13.86milyon. Mon ti ava kontan konnen petet si zot in fini *earmark* sa bann lofis Gouvernman kot zot sipoze enstal sa bann *PV tops*?

E apre osi eski zot annan nide al dan bann distrik kot ki i annan bann lenfrastriktir Gouvernman osi, pou zot kapab fer lenstalasyon konman en proze a lavenir, si pa la 2022, si zot annan lentansyon pou bouz osi dan bann distrik kot zot annan lenfrastriktir Gouvernman? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestasyon. Mersi Mr Deputy. Mon ava pas laparol direkteman avek Mr Imaduwa pou li reponn. Mersi.

MR DEPUTY SPEAKER

Proceed.

CEO TONY IMADUWA

Mersi Minis. Mersi Manm *member for* ou kestasyon. Zis pou klarifye sa *funding allocation* dan *PSIP* i pa en *new funding proposal* ki lo la.

E i aktyelman en larzan ki'n ganny mete anba sa proze *PV democratization* ki ti ganny fer.

So sa larzan ki dan Bidze *right now* i pou kouver *ONM* pou bann lenstalasyon ki'n fini ganny fer. Parey sa lenstalasyon pou ki nou annan lo Lasanble ki i annan lo *Victoria Gym*, ti annan sa *megawatt* lo Romainville e plizyer tou sa bann lakaz.

So i annan en konponan ki'n ganny kite a kote pou pey sa lakonpanyen *SEFTECH* pou fer *O&M* pou sa proze. I pa en nouvo *funding proposal*, *Operation and Maintenance of* sa bann lenstalasyon.

I annan *request* ki nou'n fer atraver Minister Finans pou

gete si i annan okenn *new funding proposal* ki kapab vini ki nou kapab kontinyen ek sa proze *PV democratization* then nou ava kouver lezot batiman piblik.

MR DEPUTY SPEAKER

Mersi. Mon ava pas laparol avek Onorab Aglae.

HON EGBERT AGLAE

Mersi Mr Chair. Bonzour Mr Imaduwa. Mon oule de lesplikasyon la anba zot *minor capital expenditure*, Minis ou'n koz en pti gin lo sa *low carbon pilot programme* la ki mon vwar i annan anviron 7 milyon pou adres *climate change*.

Minis eski petet ou kapab ou'n nonm mon poudir i annan en konponan *procurement* ki bezwen *outsource* sa aletranze me selman li menm li nou pa konn detay petet *what* ki sa proze pe fer li menm pou sa larzan. Eski ou kapab donn nou en pti laplikasyon?

Dezyenmman lannen pase nou ti annan sa *solar home system* ki anba *SEFTECH* la \$25milyon mon krwar. Ki ti ganny donnen mete dan Bidze mon krwar en *Grant* sa ouswa *loan*.

Eski nou kapab ganny en pti pe leksplikasyon ki'n arive ek sa? Akoz i a pe *feature* eski

nou'n depans tou sa larzan ouswa sa larzan in ganny *move* dan en lot sektor silvouple? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa de pwen. Mersi Mr Deputy. Mon pou zis klarifye ki normalman anba sa bann proze larzan pa kapab ganny tire pou ganny mete en lot bor. I toultan reste dapre laliny proze. E ou bezwen rapor avek sa lorganizasyon ki pe finans ou lo ki ou'n fer avek sa larzan.

Alor i pa leka ki larzan in ganny tire. Mon ava les Mr Imaduwa eksplike ki mannyer sa bann finansman in ganny servi anba sa de program ki ou'n koz lo la, i annan sa program *SEFTECH* e osi sa *low carbon pilot project* detay sa proze ki nou pe fer avek *La Chine*. Mersi.

MR DEPUTY SPEAKER

Proceed.

CEO TONY IMADUWA

Mersi Minis. Mersi Onorab pou ou kestyon. Ankor pou ou pou azoute parey Minis in dir sa alokasyon *La Chine* ki

ti la an 2011 e la 2021 ki ti R81 milyon.

Parey Minis in dir 90poursan sa larzan in ini *disburse*. E in ganny er direkteman avek *La Chine* pou pey sa lakonpanyen ki'n ganny kontra pou sa proze ki ou vwar i la sa *low carbon pilot project*. So lakonpanyen in fini *procure*. Nou'n fini fer diskisyon ek zot pou *now proceed to* enplimantasyon.

E sa 7milyon ki reste ki ekivalan 10poursan sa *remaining Grant* ki'n donner pou pey li ler i konplet sa proze. *Ok?* Lo kote *solar home system* wi proze in konplete e parey mon'n fek reponn pli boner larzan ki'n ganny *allocate* la i zis pou sa lakonpanyen ki'n enplimant sa proze, ki'n fini enstal tou sa bann sistenm lo lakaz lo batiman piblik *even* sa *1 megawatt* lo Romainville pou kouver son *operation and maintenance* of sa bann diferan plant ki la. I pa en nouvo *funding allocation*.

MR DEPUTY SPEAKER

Mersi Onorab ou annan klarifikasyon?

HON EGBERT AGLAE

Wi. Mr Imaduwa sa premye bout mon kestyon mon pa pe ganny en konpran. *Ok* ler

mon pe dir ou detay la, ou pe koz mon sa *low carbon pilot project*, konmsi kote pe ale *PUC*? Eski zot pe met li dan en proze parey ou'n nonmen fotovoltaik, pe al fer en *farm solar farm* ki zot pe al fer konmsi egzaktaman ? Mersi.

MR DEPUTY SPEAKER

Mersi *panel*.

CEO TONY IMADUWA

Mersi Onorab. Tou detay proze i annan en *MOU* ki ti sinyen. I annan sa bann detay. Me solman zis an bref konmsi ki mon kapab dir ou la i kouver sistenm solar pou lekol pou bann diferan lekol lo Mahé. I annan sa *Curieuse* proze pou fer *Curieuse* vin 100poursan *green*. I annan sa bout ki enkorpor *streetlights* pou bann semen. E i annan sa bout ki osi kouver *electricity bicycle* pou La Digue.

So i annan plizyer konponan e sa in ganny byen detaye dan son *MOU* ki Minis ti sinyen byen boner sa lannen. E nou kapab fer ou ganny kopi of *sa*.

MR DEPUTY SPEAKER

Mersi. Onorab John Hoareau.

HON JOHN HOAREAU

Mersi Mr Chair. Mr Chair mon ti ava kontan demann avek Mr Imaduwa, si akoz i annan bokou dimoun ki annan larzan ki anvi investir dan *renewable*.

Me selman problemn ki zot ti pe gannyen se ki poursantaz elektrisite ki zot kapab prodwi pou *feed* dan *the main grid*.

Eski sa problemn in ganny adrese an se moman, ki nou ava kapab vwar en lelan si oule ver lenvestisman *private sector* dan prodiksyon lenerzi renouvlab?

Dezyenman anba sa vot *implementation and strategic planning*, mon ti a kontan konnen si zot pe bouz ver sak lakaz en *PV system* ki dan lefitir i ava kapab ede pou redwir nou depandans lo *fossil fuel* anmenn *carbon neutrality*, *achieve* bann *goals* ki *COP26* in *set*. Mersi.

MR DEPUTY SPEAKER

Panel.

MINISTER FLAVIEN JOUBERT

Mersi Onorab pou sa de pwen. Mersi Mr Deputy Chair mon ava pas laparol avek Mr Imaduwa pou reponn sa enn konsernan sekter prive, kantite ki zot kapab antre dan prodiksyon ki egziste atraver *PV*. E osi sa demars pou annan

sak lakaz en sistenm *PV* ouswa *solar* ki kapab koup lo zot konsonmasyon lenerzi. Mersi.

CEO TONY IMADUWA

Mersi Onorab pou ou kestyon. Lo kote program enstalasyon *PV* ki nou annan i klasifye an de. I annan komersyal avek rezidansyel bann enstalasyon.

Pou rezidansyel ou kapab enstal 100poursan en sistenm, pou kouver 100poursan ou konsonmasyon.

Lo kote komersyal i ganny restrikte pou 50poursan pou ou konsonmasyon. So pou en komersyal e rezondet *behind* sa desizyon pou respekte lo kote komersyal se ki lamazorite reveni ki *PUC* i gannyen i form tarif komersyal.

E i en fason pou kontrol reveni erozyon *PUC* se selman pou rezidansyel i kapab enstal 100poursan.

Sel problemn kekfwa rezidansyel i kapab gannyen se pou entegre sa sistenm lo rezo. I annan bann *technical challenges* pou *allow* ki sa groser sistenm ki ganny enstale lo ou twatir pou entegre dan rezo i pa permet li, i ganny *down rated* se pou sa rezon ki parler ou vwar ki ler konsonmater i fer laplikasyon pou *PV* nou ganny dir ki sa

kapasite ki zot pe demande pa kapab entegre so bezwen redwir.

So i annan sa e lafason pou nou kapab *improve* sa se definitivman ou bezwen fer plizyer lenvestisman lo *network itself*, pou *allow* ki sa sistenm i kapab abzorb plis lenerzi, ki enspir ki *ensure* ki elektrisite kalite i stab. I *within the specification* ki son standar *ok*.

Lo kote plan pou met plis lo bann lezot lakaz e lezot twatir, i wi i dan nou plan e nou pou revwar *even* sa Lezisasyon sa regilasyon ki pou *allow* plis dimoun enstal sistenm lo zot twatir. So i annan plizyer keksoz nou pe fer nou pe revwar regilasyon la *at the moment*.

E zis mon ti oule enform ou ki resaman nou ti *submit* en *proposal* avek *climate CIP* en *call for proposal*, ki ti pe *request* bann proze. *Submit* en proze ki nou apel li *PV democratization 2.0*.

E sa proze an gro se ki nou pe al target bann group dimoun ki tonm dan sa *bracket* ki pa vilnerab, akoz vilnerab in fini ganny kouver avek *PV democratization* ki nou fek fer. Me i target sa group ki - Ou kapab dir bann profesyonnel *or* bann dimoun ki deza annan, me selman zot pa kapab *afford* pou al labank pou dir koumsa

donn mon en larzan pou mon kapab investir dan sa sistenm.

So nou pe revwar pou devlop en *financial mechanism* ki *allow* zot pou *buy share* dan en sistenm ki *then over* en *period* letan zot *own* sa sistenm.

So nou pe regard sa e nou'n ganny sipor finansman pou devlop sa *mechanism* sa *financial mechanism* ki pou *allow* demen nenport ki endividi i vini i dir *ok* mon pare mon kapab *afford* R300 par mwan, pou mon investir dan en sistenm pou en *period* letan *then* sa sistenm i ava vin pou zot.

So sa nou pe regarde e lafason nou pe fer li se nou pe regard bann twatir piblik ki'n kapab ganny *allocate* pou sa proze nou annan en gran *large roof space* Gouvernman i *own*. I kapab dir *ok* mon *dedicated* sa pou en gro sistenm, ki letan dimoun i kapab *buy share* ladan. En pe parey ler ou pe *buy bond* avek *CBS*.

So nou'n ganny *approval* sa proze pou al devlop sa *mechanism* pouvwar ki mannyer nou kapab *upscale accelerate* adaptasyon *PV* pou bann lezot dimoun, ki tonm vilnerab *or* bann ki *affluent*, ki annan en ta larzan ki kapab investir. Mersi.

MR DEPUTY SPEAKER

Mersi. Minis i oule azout en keksoz lo la.

MINISTER FLAVIEN JOUBERT

Mersi Mr Deputy. Mon ti ava voudre zis azoute ki zis pou *update* Onorab lo sa size demokratizasyon prodiksyon elektrisite atraver *PV* letan nou ti ouver sa fasilite boner sa lannen, nou ti koz lo defet ki bann dimoun ki pa kapab *afford* pou pey zot bil elektrisite ti pe ganny en sipor. Akoz sa sistenm ti pe enzekte ankor kouran lo *PUC*. E nou ti kapab partaz sa ek bann dimoun.

I annan plas pou 400 kliyan ganny en rediksyon lo zot bil. E mon pou dir ziska ozordi nou annan zis mwens ki 90 kliyan ki'n gannyen mete lo sa sistenm, dapre bann evalyasyon ki Departman Sosyal i fer.

Alor i ankor annan plas menm si ou pa kapab ganny en *PV* lo ou lakaz i annan plas pou bokou plis kliyan ki vilnerab pou zot benefisye avek sa servis Mahé, Praslin La Digue. Me pa akoz sa sistenm pa lo Praslin ek La Digue ki sa benefis pa kapab ganny anvoye kot zot. Me bann dimoun ki zot bezwen an term kouran i depas zot kapasite zot peye, e ki ganny evalye i

konfirmen ki zot tonm dan sa *bracket* zot kapab ganny en fasilite. E la nou pe koz lo *up to* plis ki 300 i annan plas plis ki 300 adisyonnèl kliyan la deza. Mersi Mr Deputy.

HON JOHN HOAREAU

Zis en pti leklersisman Mr Chair. Mon ti oule petet zis fer sir mon'n konpran byen poudir rezon ki petet piblik pa kapab investir konmsi lo kote *renewable energy* konman en biznes konman lo kote endistriyel, se ki akoz i en pirman en *business decision* lo kote *PUC* pou li gard 50poursan. Kot li i bezwen kapab ganny serten reveni atraver vann, atraver itilizasyon *fossil fuel* e vann elektrik. As *oppose to* permet ki Sesel nou bouz ver preski *carbon neutrality*. Mersi.

MINISTER FLAVIEN JOUBERT

Mersi Mr Deputy. Nou pou lo sa kote nou annan bann konversasyon ki nou'n konmanse avek - pa dir nou'n konmanse nou pe kontinyen avek *PUC* akoz nou rekonnèt ki vre baryer pou *solar PV* dan pei, i annan en baryer teknik ki i annan pou fer avek *grid*.

PUC i annan en baryer ki son lorizin finansyel e sa i relye

avek lafason ki *PUC* i fonksyonnen. E la i annan keksoz ki nou'n deza pe koz lo la.

E atraver bann diferan ekspertiz ki nou pe gannyen bann sipor nou oule adres serten sa bann baryer enn se pri ki *PUC* pou ofer pou bann dimoun ki pe *generate* zot menm e osi lafason ki bann tarif ki kapab ganny re-travay pou ki i vin pli favorab pou *PUC* ankouraz bann dimoun, pou nou ankouraz bann lezot ki anvi investir pou konekte lo *network* e prodwir plis.

Me nou konnen poudir en revizyon tarif definitivman *PUC* i osi i vedir sanzman dan lakantite ki sak konsonmater i peye. Se sak konsonmater i osi enkli bann ki pli ba e bann ki pe konsonm pli ptigin e ki pe pey pti morso.

Alor nou bezwen fer legzersis ki ase delika ki ase an detay ki pou fer ki pou bann konsonmater zot pa santi ki zot pe ganny mal konsidere dan sa sistenm.

Me nou konnen se tarif *PUC* mannyer i été, i depan bokou lo bann gro konsonmater. Me nou bezwen vwar byen kler ki mannyer nou kapab re-balans sa pou asire ki i annan loportinite pou tou dimoun antre e prodwir.

E mon dakor avek ou ki i annan bokou lentere nou bezwen kree pozisyon pou zot kapab antre e prodwir *PV* dan sa laliny. Mersi.

MR DEPUTY SPEAKER

Mersi *Minister*. Onorab Cosgrow.

HON WALLACE COSGROW

Mersi Mr Chair. Bonzour Minis bonzour *CEO*. Dabor mon ti ava kontan demann Minis Mr Chair si zot kapab donn ou en *figure* lo ki kantite *renewable energy* ki pe kontribye ozordi dan nou *energy mix* Sesel?

E akoz ler mon get *capital expenditure* mon vwar 3 proze annefe de proze pou sa lannen, e tou le de bann proze ki deza 2 ou 3an konsevwar, e mon pa vwar nouvo proze.

Eski i annan nouvo proze ki'n ganny konsevwar petet pandan sa lannen 2021/ 2020/ 21 ki pou ed nou *achieve* sa target 15poursan *renewable energy by 2030*?

E osi eski Minis i kapab dir nou dan menm laliny nouvo proze, i annan bann lorganizasyon parey *Green Climate Fund* ki *fund* bann proze ki anmenn solisyon *underground*.

E enn bann solisyon petet par egzanp nou konnen nou bezwen redwir en pe lakantite lenerzi konvansyonnel ki nou konsonmen. Enn bann solisyon parey nou ti fer avek gas kot nou ti tir tou sa bann vye stov nou ti met *cooker gas*.

Akoz ki nou pa kapab anmenn en proze kot nou kouver tou sa 25 mil lakaz Sesel *household* avek en *solar heater* nou fer proze nou ranplas tou bann landrwa kot dimoun ki pe servi *heater* elektrik.

E nou vin avek en proze kot nou kapab met *solar roof top sorry solar heater* tou bann lakaz Sesel ki nou ava redwir lakantite kouran ki pe ganny servi *at the same time*. Nou ava servi soley pou nou kapab kit nou bann lakaz nou bann dimoun bomaten tou dimoun bomaten i servi *heater* lamazorite dimoun.

So aköz ou pa kapab vin avek bann proze bann nouvo proze pou nou *achieve* 15poursan Minis? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr Deputy. Mersi Onorab pou sa bann pwen ki ou'n fer. Nouvo proze ki pe

ganny konsevwar, i annan en demars ki nou'n fer e demann ki nou'n fer pou ganny en *solar PV plant* pou met lo *network* Praslin/La Digue. Sa *combine network* kouver Praslin ek La Digue.

E nou pe espekte kapab fer apepre en *megawatt* azoute lo lav. E sa i en solisyon ki'n fini ganny fer. E nou'n ganny bann lendikasyon ki nou kapab gannyen.

Lot parey mon ti koz lo la pli boner dan Lasanble, i annan en proze ki ti pou annan *cooling* refrizerasyon *solar* ki ti pou fer Praslin/La Digue benefisy sirtou bann operasyon parey lagrikiltir.

Lo bann zil diskisyon ki nou'n gannyen avek diferan zil aköz nou pe fodre nou mazine. Fodre nou pa zis get sa rediksyon dan konsonmasyon *fuel* zil lo Mahé/Praslin/La Digue plito nou osi konsider bann zil ki ava kapab antre dan nou *mix* nasyonal e i ava kapab ed nou lo kote lakantite ki nou pe servi e ki nou pe *emit* koman en pei.

Lo bann zil i annan komitman pou met ankor kapasite mon pa pou devwal sa ki bann operater bann zil in donn nou. Me solman nou krwar i pou ase sibstansyel e i pou redwir en kantite lo

lakantite *fuel* ki ganny deplwaye an ver konsonmasyon lo bann diferan zil. E nou osi ankor annan diskisyon devan nou pou nou kontinyen koz avek serten ki pou montre bann komitman.

Kot i konsern *solar water heater* i ti annan en proze parey ou konnen, ki deza egziste mon pou les Mr Imaduwa donn en pe plis detay. Keksoz ki nou bezwen fer se fer ki nou annan en fasilite ki bokou pli fasil pou akse e fer ki nou osi annan bann *supply market* ki bann *supply* lekiman ki nou konnen i o kalite, e ki dimoun i kapab ganny akse avek fasilman. Mon ava les Mr Imaduwa pas en pe plis detay lo sa bout Mr Deputy. Mersi.

MR DEPUTY SPEAKER

Proceed Mr Imaduwa.

CEO TONY IMADUWA

Mersi Minis. Mersi Onorab pou ou keston. Lo kote proze i annan parey Minis i dir i annan bann proze e osi i annan bann lezot proze ki nou pe travay lo la. parey mon fek masyonnen pli boner anba sa *climate investment platform* ki nou ti'n *submit* en *proposal* pou fer *PV democratization 2.2*, pou target bann dimoun ki pa tonm dan sa bout vilnerab oubyen bann ki pli *affluent* pou kapab

afford. So sa bout milye. Nou annan sa proze.

E i osi annan proze ki nou pe *focus* lo *energy efficiency* sa i annan diskisyon ki nou pe fer a se moman avek *Planning Authority*, lo son nouvo *building regulation* e *the line* pou sa i le 15 Desanm met bann rekomandasyon bann keksoz ki pou entegre ladan ki pou *allow* dimoun pou enplimant sa bann proze.

So pou annan diskisyon ki pou bezwen ganny fer *whether* pou fer li mandatwar, *or* fer li en *phasing approach* ki demen tou konstriksyon i annan enn sa bann sistenm enstale.

E parey Minis in nonmen sa proze pou *solar water heater* ti annan inisyalman ki nou ti devlope se ki se fer en *sort of revolving fund* ki *allow* dimoun pou ganny akse avek en - parey PUC pe fer avek son *water tank*, ganny akse avek en finansman, pou zot kapab enstal en *water heater* lo zot soz.

Inisyalman ti pou ganny *funded* anba Minister Finans me sa pa'n *forthcoming* so nou pou bezwen revwar ki mannyer nou pou kapab finans sa.

Lo kote ki ou'n masyonnen bann diferan *climate fund* loportinite ki i annan parey GCF, ou konnen ennler sa bann *international*

fund kantmenm i la i difisil pou akse ou bezwen sot en ta *obstacle* avan ler ou ganny akse.

Mon krwar sa ki enportan se ou bezwen revwar nou lanvironnman, mannyer nou kapab *bring in the private sector to finance*. So sanmenm sa en ta louvraz ki i fer se kree en *enabling environment to allow bann private sector to come in*. E keksoz ki nou pe travay lo la se, i annan parey regilasyon pou tarif nou bezwen revwar. I annan regilasyon pou IPPs ki pe ganny devlope, i annan regilasyon pou *Licensing*.

E sa nou pe kree en *framework* ki pou *allow* dan sekter ganny konfidan pou zot *come in and* investir.

E pli boner Minis in mansyonnen serten lo kote *Energy Commission* ki sa bout regilater i *still maintain* en serten lotonomi lo egzers son rol lo kote *regulating the electric sector*.

E sa ki pou *allow also* to kree sa konfidan ki *investors* i kapab *come in*. So i annan plizyer louvraz ki pe ganny fer plizyer reform *even* lo kote Minister nou pe *try and strengthen* son kapasite pou enplimant plizyer sa bann lezot proze, ki pou vini *either* anba *Grant of private sector*. Mersi.

MR DEPUTY SPEAKER

Mersi Mr Imaduwa. *Minister* oule azout keksoz.

MINISTER FLAVIEN JOUBERT

Mersi Mr Deputy mon ti ava voudre zis *update* Minis osi ki resaman dan 2021 nou'n annan en *climate finance advisor* sorti kot *Commonwealth* ki pe travay ek nou la, e enn son rol se pou devlop bann propozisyon e trouv sa bann sours finansman pou bann aktivite otour lenerzi e klima dan pei.

E ziska konmela i pe fer ase en bon rol e sa osi i pou ed nou deblok en bon pe sa bann finansman, ki nou kapab ak sede pou nou kapab fer keksoz bouze lo kote lenerzi.

Alor nou espekte ki avek sa bann sipor, nou merit kapab fer bokou plis progre e entrodwir ankor nouvo linisyativ dan pei. Nou pa pou koz lo bann ki'n planifye me la nou pe koz lo bann ki'n deza fini preski konfirman ki nou pe fer, nou espekte ki i kapab osi atak bann ki'n ganny planifye pou nou bouz devan konman en pei. Mersi.

MR DEPUTY SPEAKER

Mersi *Minister*. Onorab Woodcock.

HON WAVEL WOODCOCK

Mersi Mr Chair Minis mon kestyon i *comme swivan, eski the Energy Seychelles Commission* zot annan en *strategic plan of a long term?*

Ozordi nou annan bokou bann legzanp bann pei otour nou e menm bann pei lezot pei dan lemonn. Par egzanp nou annan *Norway* ki depans 56poursan lo lenerzi renouvlab *Iceland* i 100poursan. Menm si i depan lo *hydropower* avek *geothermal* nou isi nou annan *solar power*. *Brazil* i depans 32poursan lo *biofuel* ek *waste energy*.

Mon kestyon i eski nou konman en pei nou annan en stratezi *in the long term* kot pou nou depan antyerman or 100poursan lo lenerzi renouvlab? *Obviously* nou dependans lo *fossil fuel*.

E finalman mon lot kestyon i kot i konsern sa *Government building roof top PV* sa alokasyon R13.9 milyon. Mon konnen poudir i annan enn de landrwa lo Mahé bann *building* Gouvernman ki zot in met *PV* lo la, me selman kot i konsern lo Praslin, mon pa neserman vwar sa menm lentansite ouswa lanfaz pe

ganny mete lo Praslin lo Zil Pros, eski dan sa alokasyon sa lannen e osi i annan en pa mal alokasyon lannen prosen mon krwar 27milyon 27.7milyon pou lannen prosen, eski i dan zot plan pou met *PV* lo enn de bann *building* lo Praslin?

En sizesyon ki mon kapab fer avek zot nou annan de gran lekol Praslin segonder avek Grand Anse Praslin primer i ase gran, sa i en landrwa ki kekfwazot kapab konsider epou lefitir. Mersi.

MR DEPUTY SPEAKER

Mersi Onorab. *Panel* i ava reponn.

MINISTER FLAVIEN JOUBERT

Mersi Onorab pou sa pwen. Si mon manke mon ava petet demann ou pou klarifye en pti pe mon pa'n tro tann ou byen lo serten pwen.

Me kot i konsern plan stratezi ek plan pou lenerzi mon ava les Mr Imaduwa entervenir. Me eski bann Zil Pros pe ganny konsidere dan bann plan ki annan pou fer ek lenerzi dan pei? Byensir. Sa i leka. Parey pli boner Mr Imaduwa in fer kler *Curieuse* konman en zil obor Praslin pou ganny konsidere pou enn sa bann zil ki pou ganny met bokou lanfaz

lo la, pou li vin apros 100poursan lenerzi renouvlab.

E bann lekol zot in deza benefisyé avèk bann fasilite *solar PV*. Me i kapab ganny agrandi anba bann proze ki pe vini e osi parey mon'n dir dan bann program i nou pe targete pou nou aranz pou nou ogmant penetrasyon *solar PV* lo bann *network*, landrwa ki nou pe targete se *network* Praslin La Digue, pou nou azout omwen en megawat parmi sa 2 megawat ou 13 megawat ki pe servi toulezour aktyelman.

Alor Praslin La Digue i la li. E i osi dan sa proze ki annan pou fer avèk masin i annan bann fasilite pou bann veikil elektrik ki pou spesifikman pou La Digue. Alor i annan bann konsiderasyon ki pe ganny donnen pou sa bann proze, e anmezir ki nou ale nou kapab trouv ankor adisyonnèl loportinite pou bann dimoun lo Praslin ek La Digue, ki mannyer zot kapab benefisyé zot osi atraver sa bann proze.

E osi redwir zot *footprint* parey nou dir zot *carbon footprint*. Mon ava pas avèk Mr Imaduwa pou bann size ki annan pou fer avèk bann direksyon stratezi pou lenerzi dan pei. Mersi.

MR DEPUTY SPEAKER

Procced Mr Imaduwa.

CEO TONY IMADUWA

Mersi Minis. Mersi Onorab pou ou kestyon. Lo kote stratezi *I mean* Polisi ek stratezi i plizoumwèn ganny gide par sa *Energy Policy*, me *Energy Policy* fransman i *outdated*. I annan plis ki 11an la pe al fer. E i en *request* ki'n deza ganny mete devan Minis in *take over* pou revwar *Policy*.

E sa louvraz pe ganny fer ansanm avèk sa restriktirasyon dan Minister avèk *Energy Commission* pou revwar *Policy* pou *be more* spesifik, ek *targeted*. Akoz nou'n fer plizyer resers, nou'n fer plizyer letid. E la nou'n ariv en pwen kot nou kapab prezan *be more specific* lo kantite poursantaz potansyel ki nou annan e met li dan en plan.

E avèk sa nou osi annan *NDC - National Determined Contribution* ki'n fek revize e li i pou donn nou en pli gran *timeframe, up to 2050* lo kote ki bann landrwa ki nou pe targete. I pa target zis elektrisite me lezot sektè enerjetik parey transportasyon, *petroleum*, e plizyer lezot *area* ki lenerzi i zwenn en gran rol ladan.

E *the overall* son *goal* lonterm se *achieve carbon neutral by 2050*. Me plan se *now* regarde kot nou ete la, ki

manner nou pou *achieve even* sa 15poursan. E pou sa nou'n fini *submit en request* avek AFDB, ki pou devlop en *integrated resource plan* pou pei.

En *integrated resource plan* i regard plan zenerasyon pei ek demann son *forecast*, apre ki manner nou pou *supply* li avek *the most affordable least cost form of zenerasyon*, ok?

E sa i enkli osi *network expansion plan of* pei, ki manner nou pou devlop *plan network* lenfrastruktir rezo, ki pou *allow* plis lenerzi renouvlab pou entegre.

Pou annan son konponan finanse par *as well*, akoz i gou dir enplimant fotovoltaik. Me selman nou pe bliye ki nou sistenm elekrisite i bezwen lenvestisman pou kapab *allow* sa modern *form of* lenerzi. E i *sad* poudir ki en bon pe par nou *network* i arkaik, i vye e i bezwen ganny ranplase.

Serten transformen ki ti la ki ti pe servi 10 dimoun, la pou lemoman i pe servi plis ki 10 dimoun. E in *reach* son kapasite *in demand* ranplase.

E pou sa rezon ki i annan plizyer kontrol ki *allow PUC to still remain sustainabl,e* akoz i dan nou lentere konman konsonmater ki *PUC* i

sustainable to allow nou tou ganny sa servis ki nou pe gannyen la pou lemoman.

So i pa dan nou benefis si demen *PUC* i kolaps e i sa. E le kote parey mon'n mansyonnen kote i annan en finansman ki i bezwen ganny fer, e sanmenm sa ki lo nou kote nou pe *focus* plis lo devlop sa lanvironnman ki *allow private sectors*. Akoz *private sectors will play* en gran rol.

Parey ou'n mansyonnen i annan twatir lo Praslin partou, ki kapab ganny servi. Pou sa rezon ki mon'n dir ou ki i annan sa proze ki nou'n devlope anba *Climate Investment Platform*, pou kree en *financial mechanism*, ki *allow* konsonmater *even private person to come and invest and* soz.

Ler zot pe *invest* dan sa sistenm, sa twatir i ganny son sistenm fotovoltaik. So en pe bann keksoz ki nou pe *focus* lo la se ki *allow* dan plas tou kou depan en *doner Grant*, or nou bann pei zanmi ki pou ed nou. Me nou osi nou krwar nou bezwen kree en sistenm ki *allow* bann *private sectors*, bann envestisman or bann gran biznesmenn pou *invest* dan sa teknolozi. Mersi.

MR DEPUTY SPEAKER

Mersi Mr Imaduwa. Mon ava aprezan apel Onorab Rocky Uranie.

HON ROCKY URANIE

Mersi Mr Chair. Bonzour Minis ankor avek Mr Imaduwa. Mon'n tann bokou dir konsernan Zil Pros Praslin/ La Digue bokou keksoz pou al enplimante. Mon byen apresye.

Me selman mon ti ava pli kontan si ti annan plis provizyon i ganny mete ver ledikasyon, pou endik dimoun sirtou lo konsernan *solar panel* lo twatir lakaz.

Ler mon pe nonm twatir lakaz pou met *solar* twatir i bezwen en serten fason, so eski prezan dezormen bann lakaz ki pou ganny fer dan lefitir, eski zot pou koz avek Departman Lenfrastriktir, ki bann lakaz i ganny fer ki fer provizyon pou lefitir kapab ganny met *solar panel* lo la? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestyon. Mersi Mr Deputy. Mon ava pas avek Mr Imaduwa pou li reponn sa kestyon lo ledikasyon e osi lo bann lareg

konsernan konstriksyon pou fasilite *solar PV*. Mersi.

MR DEPUTY SPEAKER

Proceed.

CEO TONY IMADUWA

Mersi Minis. Mersi Onorab pou ou kestyon. Lo kote ledikasyon, i mon kapab dir fransman ki lo kote Komisyon nou'n en pe andikape lo kote fer plis *education awareness*. Nou'n fer en pe me selman nou pa'n fer ase.

E sanmenm pou sa ki nou'n depan bokou lo bann *stakeholders* pou fer sa. I annan *PUC* Minister. E pou sa ki nou'n fer nou'n devlop en *Commission strategy* e pou lemoman i pe ganny servi par *communication person* kot Minis, pou devlop bann diferan program ledikasyon e lyez avek bann diferan sekter pou enplimante.

Osi nou annan sa *solar school project*. Sa *solar school* i pa zis pou met *PV* lo twatir, me osi devlop en program ki pou ganny enkorpoze dan lekol, ki *teachers* ki ansenny ki montre marmay sa sistenm zot ganny sans eksperyans i *one of the objectives of* sa proze, se ki pou *educate* bann zenn ki demen zot kapab kot lakour dir *mummy* wi

i annan sa sistenm kot lekòl i marse. E koumsa i marse.

So e an plis ki sa nou'n osi devlop de *pedagogic* pou lekòl primer, segonder ki nou ti *handover over* avek Minister pou enkorpor sa dan zot *curriculum* dan zot program.

So i en kestasyon prezan pou *follow up* pou vwar si sa pe ganny entrodwir dan aktivite. E lo kote ledikasyon *awareness* i en keksoz ki kontinyel, ou pou bezwen e ou bezwen *funding* pou fer sa.

E pou sa rezon ki ennler nou *insist* ki i pa zis *Energy Commission* nou devret fer li sey nou tou. I parey zot la zot dan Lasanble zot osi zot parey zot devret pe fer sa zefor pou kominike e *educate* bann dimoun lo kote lenerzi renouvlab.

E nou lofis i *open* pou sa. E lot kestasyon lo kote konstriksyon, parey mon dir nou an deza an diskisyon avek *Planning Authority* i annan sa *Physical Planning Building regulation* ki pe devlope. E la nou pou fer sir nou pou regarde eski i annan konponan, ki kapab fer ki tou batiman *or* serten batiman i ganny konstri dan en fason ki son *roof top* i *conducive* pou *PV installation*.

Ou'n vwar dan lepase ki en bon pe bann proze lakaz tou

kou nou'n perdi sa loportinite pou fer en twatir ki kapab *maximize PV installation*. E *hopefully* ki la *through* sa bann regilasyon ki pe vin an plas, *set* an plas bann en *formal* striktir ki fors ou pou fer sa.

Mon krwar nou'n fer bokou ledikasyon pou fer zot *eventually* sanze. Me mon krwar in ler pou nou fer keksoz pli formal atraver regilasyon. Fors zot pou sanz zot *habit* e sanz zot pratik. E avek sa dernyen mon ti oule zis mansyonnen ki osi annan en regilasyon, ki nou pe devlope pou *energy efficiency* pou pei.

So i pa target zis batiman, nou osi lekipman ki nou enporte dan pei, even target bann konsonmater ki konsonm en kantite lenerzi par lannen, ki li i bezwen mandatwar met an plas en program, pou li redwir son konsonmasyon.

So i annan plizyer program ki nou pe sey devlope atraver sa regilasyon, ki i ava sanz sa mantalite ki nou gaspiy lenerzi. Nou servi lenerzi an bonnavini. So enn de keksoz ki nou pe fer lo sa kote. Mersi.

MR DEPUTY SPEAKER

Mersi Mr Imaduwa.
Onorab Loizeau.

HON NORBERT LOIZEAU

Mersi Mr Chair. Bonzour Minis. Bonzour Mr Imaduwa. Mr Chair mon anvi demann ek *panel*, an vi ki Sesel pe deza pe antreprann pe deza pa servi lenerzi divan pou fer elektrisite.

Eski Komisyon Lenerzi pe antreprann okenn proze, pou evalye son lefikasite pou ankouraz pei petet enstal plis lelis? Sa enn.

Dezyenm an vi ki program *SEEREP* pe ganny ankor en alokasyon dan bidzeter ki alokasyon Bidze, ki annan pou Konmisyon ankouraz bann lakour pou investir bann lekipman ki pa manz bokou lenerzi? Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Onorab pou sa kestyon. Mersi Mr Deputy. Evalyasyon efikasite zenerasyon elektrisite par divan, mon pou les pas mon pou pas sa kestyon Mr Imaduwa pou li reponn.

Akoz nou konn en pe ki manner sa bann sistenm i fonksyonnen ziska konmela. E mon krwar nou kapab dan en pozisyon pou ganny en pli bon lopinyon lo si i efikas pou Sesel oubyen non.

E osi *SEEREP* alokasyon ek ki manner sa larzan pou ganny servi. Mon ava pas avek Mr Imaduwa pou li klarifye. Mersi.

MR DEPUTY SPEAKER

Mersi *proceed* Mr Imaduwa.

CEO TONY IMADUWA

Mersi Minis. Mersi Onorab pou ou kestyon. LO kote lenerzi divan. Non nou pa en pei ki *bless* avek divan. Nou kapasite *factor* pou lenerzi divan i ba. Me toudmenm *as part of* plan pou entrodwir plis lenerzi renouvlab e *alternative form of energy*, lenerzi divan i zwe en rol ladan. *Ok?* So okenn poursantaz i *still* enportan pou nou kapab redwir depandans lo lenportasyon karbiran.

Though it's not as good as serten pei ki i annan en *large potential*. Me solman nou, nou mazine kekfw *offshore win* i kapab annan en potansyel. Me solman nou bezwen etidye ki son potansyel, pou nou kapab etabli son *financial valuability*, pou nou kapab *then* dir *ok* nou pou kapab investir dan *offshore*.

Demars, pou regard bann lezot form *of* lenerzi *alternative* lenerzi renouvlab, so i annan *PV*

ki nou pe fer. E Minis in mansyonn *waste to energy*, me osi i annan proze ki nou'n *submit* avek *SeyCCAT* ki nou'n ganny *Grant* pou fer en *wave resource assessment* pou regarde ek laroul, si nou annan vremen en potansyel pou nou kapab eksplwate.

E tousala pou bezwen antre dan en *planning process* pou determinen avek demann ki pe monte, lekel bann form lenerzi ki pou *meet* sa demann ki pe fer fas avek.

So overall goal se displace as much as possible lenerzi ki ganny prodwir *from* karbiran ki nou enporte.

Lo kote *SEEREP* non i pa'n en *Scheme* ki'n vremen *successful, over the years* ler nou'n get lo kote kantite proze, kantite aplikasyon ki'n ganny aprouve i pa bokou.

Plis problem se ki nou'n gannyen se ki anba *SEEREP*, ler nou ti agree lo *MOU* se ki labank i *still maintain* son souvrennte, dan sans ki i *apply* son *same* mezir pou aprouv sa *loan*.

E nou'n vwar en bon pe laplikasyon *loan* ki'n *go through* labank, *either* sa bann dimoun ki ti *apply loan* zot deza *in debt* bokou, ki zot pa kapab *access* plis larzan pou zot kapab ganny sa *loan* pou enplimante.

E nou an diskisyon la resaman avek Finans, ansanm avek *CBS* pou revwar, eski i annan en lezot form *of mechanism* finansman ki nou kapab servi, pou *allow* ki dimoun i kapab ganny akse avek en Finans ki afordab, pou zot kapab investir dan bann sistenm lenerzi renouvlab avek *energy efficiency*. Mersi.

MR DEPUTY SPEAKER

Mersi Mr Imaduwa. I reste mwan zis en dernyen Manm li nou lalis. An ka mon'n mank okenn dimoun? Non *ok* mon ava donn laparol *LGB*. Mersi.

HON BERNARD GEORGES

Mersi Mr Chair. Mr Chair mon pe asiz la mon pe mazine si Onorab Ramkalawan *as was* ti dan Lasanble ozordi, mon vwar li pe dir sa fraz swivan. "Mon dezapwente!" Pa mwan ki pe dir Minis, konpran mwan byen. Mon vwar li pe dir "mon dezapwente" e mon krwar nou kapab fer pli byen.

Mon pa pou dir sa me mon pou servi sa lespri e dir ki parey mon dir toulezan a sa moman, *aiming at 15 percent is aiming low* pou mwan. E mon konpran - mon konpran tou kontrent ki nou annan *financial and otherwise*, nou tou isi nou konpran.

Me ler nou regard e nou bezwen regard en pti pe dan lepase resan, ler nou regard par egzanp ki bann zil *IDC* pe konmans kapab fer kapasite *solar* pou zot zil. *Of course* i en konpletman diferan *scale*.

Aldabra par egzanp in fini fer li. Ler nou regard en *missed opportunity* mon krwar lo La Digue, kot nou ti'n kapab konpletman elimin *internal combustion* transpor e annan zis transpor elektrik. E konsantre en kantite lo *solar*, akoz i adapte avek laspe sa zil.

Ler nou mazin *carbon neutrality* 2050, i lwen. Mwan mon pa pou la. Ler nou mazin dan en premye tan nou pe *aim* pou 15poursan renouvlab i annan ankor 85poursan pou nou ale.

So i paret lwen. Menm mon krwar pou bann zenn dimoun, ki pe konmanse konmela i paret lwen. Donn nou konfor silvouple Minis ek Mr Imaduwa, ki zot konsyan e mon konnen zot konsyan sa bann defi.

E ki malgre sa bann defi, me avek sa bann *success stories* ki nou kapab demontre isi dan nou pei, e ki nou'n demontre mon krwar dan bann ptipti lesel dan sa detrwa dernyen lannen, ki nou kapab sirmont sa problemn.

E *aim* en pti pe pli o e donn nou en pe plis konfor ki lo kote lenerzi renouvlab, i pa pou vin en keksoz ki nou pou koz lo la toulezan ler *climate change* pardon eskiz mon, ler *Energy Commission*, i vin devan Lasanble, me i en keksoz ki pou *on the agenda daily*.

E dan sa konteks Minis, mon ti ava kontan ki permet mon Mr Chair, mon ti ava kontan demann Minis, Minis donn nou en pti pe ou lapersi lo sa mank dan *COP 26*, sa defi ki *La Chine* avek *L'Inde* in anmennen, ki'n en pti pe boulders e *cloud over* en *COP*, ki ti ava'n bokou pli *successful* si zot ti'n *come onboard*.

Ki mannyer sa pou afekte lemonn dan ou lespri, e ki mannyer ki retonbe sa pou annan lo nou konman en pei isi? Mersi Mr Chair.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr *LGB* pou sa bann pwent tre pertinan ki ou'n fer e osi mersi Mr Deputy. Mon ava konmanse par sa kestonn donn ou lespwar.

Mon pou dir ki ozordi kot nou ete nou pe travay dapre en laliny kot nou pe konsider bann

elemen ki la devan nou e nou pe get nou transformasyon atraver sa bann elemen.

Me i annan fason pou nou akseler keksoz si nou kapab travay lo serten size. Par egzanp nou'n koz pli boner e mon refer lo kestyon ki Onorab Hoareau ti leve lo lobstak, pou dimoun antre e prodwir plis. E sekter prive prodwir plis.

Mon krwar ki si Sesel nou arive redefinir lafason ki *PUC* i fonksyonnen, ek son bann depandans finansyel ki i annan, son striktir ki mannyer i ete, e nou kapab vwar nou avek bokou plis liberte pou les bann dimoun antre, mon krwar nou pou depas 15poursan tre vitman. Sa mon krwar i kler.

Si konman n pei nou arive fer sa, 15poursan i pou vin lo li menm e parey Onorab Hoareau in fer sorti sekter prive ki pou fer li. So i pou arive sa gran difikilte.

Transportasyon lo La Digue par egzanp pou nou tir *internal combustion engine*, sa osi i en keksoz ki kapab ganny fer. I annan en travay ki nou oule fer lo kote transformasyon nou transportasyon Sesel.

Nou bezwen fer sa travay. E mwan mon espekte ki si nou konmans entrodwir bann nouvo lapros pou transportasyon, swa nou pe

servi par egzanp *LNG*, swa nou pe servi bann landrwa kot nou pe sarz bann veikil elektrik, e osi ki nou pe kree bann kondisyon favorab pou veikil elektrik antre, e vin bokou pli konpetitiv konpare avek bann ki nou annan ozordi, nou kapab vwar en transformasyon ase vit e sa transformasyon i kapab arive dan en letan bokou pli kout ki nou pe mazine.

Alor i annan bann gro mon pou dir ki i annan bann gro lobstak dan nou semen. E la ozordi nou pe get nou plan avek sa bann lobstak nou ankor pe travay lo la.

Me enn fwa ki nou tir sa bann lobstak, mon krwar sa transformasyon i kapab akseler bokou plis. E 15poursan i zis en nimeron ki'n ganny mete la, pou pran kont ki nou annan sa bann keksoz la dan nou semen.

Me selman 15poursan nou kapab depas li si nou fer serten transformasyon dan lezot landrwa.

Kot i konsern *conference of parties* ek sa lobstak sa defi ki *L'Inde* ek *La Chine* in met devan, lo sirtou lo kote sarbondter ek bann komitman.

Ki mon pou dir lo la se ki i pa zis neserman *L'Inde* ek *La Chine*, menm si *L'Inde* ek *La Chine* ti ganny montre konman bann ki'n ganny montre ledwa

en pe plis lo la. I osi i annan pou fer avek bann lezot gran pei ki zot istorikman zot in benefisye atraver sa bann emisyon avek bann lezot gran pei ki zot istorikman zot in benefisye atraver sa bann emisyon, ki'n koz sa bann ki pe kontinyen koz sa bann problemn sanzman klima.

Me zot osi zot pa ganny *point* ledwa lo la. Plito *L'Inde* ek *La Chine* ganny montre ledwa. Me mon pou mon dir ki an gro in annan en serten konsiderasyon ki nou annan en problemn, me nou problemn se ki bann gro pei pa oule bouz sa kantite vitman.

E zot pa oule bouz avek sa lanbisyon ki en kantite bann pti pei pe vin avek pou rezon ase kler. Me nou krwar ki konman en pei parey Sesel i ptipti, me selman nou annan en kantite posibilite pou nou koze, mon krwar nou devret kontinyen profite pou nou koz avek sa bann *partenaire* e kontinyen enfliyans zot dan sa direksyon.

Sa defi ki zot in met devan nou, i en defi ki nou tou nou bezwen fer fas avek, me mon krwar nou bezwen ankouraze ki tou dimoun i get son sityasyon e i sey fer son bout.

Nou konman en pei si ou get byen, nou emisyon konpare avek nou kapasite pou nou

abzorb, i vremen nou ti kapab pa fer nanryen an prensip.

Me selman nou pe swazir pou nou fer. Alor i enportan pou nou kapab met sa agirman avek zot e servi nou lenfliyans osi pou nou kapab sanz en pe sityasyon.

E mon ti ava kontan zis koz lo *Chine* ek *L'Inde*, me nou bezwen koz lo tou bann pei. Tou bann pei antyerman bann sirtou bann ki erit en kantite ozordi *L'Inde* ek *La Chine* i bann gro emeter.

Me letan ler ou get dan lepase bann deseni ki'n pase, sa de pei ti ankor pe monte. Me bann lezot ki ozordi pli ver ki ver, zot in benefisye e zot pe asize trankil e zot pe kapab transform zot lekor.

Me alor i enportan ki nou kapab koz ek tou pei e nou Sesel ti ava bon nou kontinyen fer nou lenfliyans. E reste angaze. Mon krwar sa ki enportan. Nou reste angaze konman en pei e nou kontinyen fer nou travay byensir lo nivo diplomatik ek bann lezot pei, pou nou fer sir keksoz i marse. Mersi Mr Chair.

MR DEPUTY SPEAKER

Mersi *Minister*. Mon krwar Minis in byen kalkil son larepons. In anmenn nou zis 12.30 ler ki nou ti'n dir nou pou

wrap up sa sesyon lo Bidze *Seychelles Energy Commission*, trouve lo paz 493 ziska 499 e mon krwar pou sa enn alokasyon nou pou pran vot la.

Ok son vot i R25milyon 723 mil. Donk nou ava demann tou bann Manm ki an faver pou endike silvouple? Okenn Manm ki kont? Tou Manm in fini vote donk vot pou *Seychelles Energy Commission* trouve lo paz 493 ziska 499 pou en sonm R25 milyon 723mil i annan 29 vot an faver, okenn Manm pa'n vot kont, e en Manm in *abstain*. Savedir sa vot in pase.

E sa in anmenn nou lafen nou sesyon travay pou la bomaten nou pou *adjourn* la e nou pou rebran sesyon 2er apre midi. E ler nou rebran nou pou konsider vot pou *Landscape and Waste Management Agency* apartir 2er ziska 4er apre midi. Mersi nou ava revwar taler.

(BREAK)

LANDSCAPE AND WASTE MANAGEMENT AGENCY

MR SPEAKER

Bonn apre midi *Chief Whip* le de kote, *remind* zot Manm pou zot kapab antre avan Speaker i antre tanzantan apre midi mon vwar lasal i en pe vid. Mersi pou sa.

Mersi *ok Chief Whip* zis *remind* zot napa problem. *Thank you*. Nou pe pran *Landscape and Waste Management Agency*, madanm raporter ou ava apel delegasyon silvouple.

Bonn apre midi e byenveni ankor Minis Flavien Joubert, delegasyon Minis Mr Rahul Mangroo *Deputy Chief Executive Officer* pou *Waste LWMA*, Ms Karine Cassime Son *Financial Controller*. E Nou annan osi lo *side table* Ms. Vivianne Chang Pen Tive son *Director* Administrasyon en Resours Imen.

Lo kote Minis lo kote Finans nou annan Ms Irene Croisee son *Comptroller General* e Ms Noella Vinda *Acting Director Public Budget Management*. Mersi zot tou pou zot prezans e zot partisipasyon. Nou ava al lo Bidze ki lo paz 500 ziska 506 pou en total R247 milyon 181mil. Minis ou lentroksyon lo Bidze silvouple.

MINISTER FLAVIEN JOUBERT

Bonn apre midi Mr Speaker. Bonn apre midi tou bann Manm Lasanble, bann dimoun ki pe ekoute. Mr Speaker pou *Landscape Waste Management Agency* parey nou konnen son

manda ti ganny etabli anba en Lalwa 2009. E i responsab pou zesyon salte osi *Landscape Development* dan pei dan bann lespas piblik. Sa Lazans i kapab anmas bann larzan, anmas *fees*, e i osi travay avek Minister lo bann plan ek bann Lalwa ki annan pou fer avek salte.

Sa Lazans an 2021 in fer in kontinyen avek son bann travay lo teren pou ede anmenn lapropte retablisman dan pei. Bann *staff* in kapab met an plas bann prosedir standar - *standard operating procedures* pou bann kontrakter ki travay lo kote *landscaping* ek netwayaz, i kontinyen lo son demars pou anmenn en nouvo sistenm zesyon salte.

Kot i annan bann bin endividyel ek bann lakaz dan rezyon Perseverance sa in ralanti en pe avek *COVID*, me sa proze i kontinyen e nou ti ava kontan ki *tender* i ganny fer byento pou li kapab met an plas. E nou vwar, nou konpran sa pilot mannyer i marse, nou kapab tir bann leson pou nou amelyor nou sistenm dan pei.

Lazans in osi travay lo bann demars pou amelyor lafason ki anmas lenformasyon. Parey bann zabitan ouswa bann *MNA* ki lo Praslin ek La Digue zot ava konstate, Lazans pe

travay lo son fasilite *waybridge* e larantre *landfill* lo sa de zil ,pou fer ki nou standardiz lenformasyon ki ganny anmase lo salte e nou fer ki tou keksoz i ganny fer par son *uniform* lo Mahe, Praslin avek La Digue.

E nou kapab vreman tre byen konpran, annan en bon portre ki mannyer nou pe pase lo kote salte, ki mannyer nou poum fer zesyon lo sa bann keksoz.

Lazans in osi travay lo bann *quarterly Clean Up The World campaign* ki diferan avek bann lannen avan. E sa bann *quarterly clean up* in ganny fer avek bi pou retir sa bann problem ki nou'n gannyen dan lepase kot nou'n fer en *clean up* par lannen. E nou'n ganny bann gro akimilasyon obor semen ki apre in vin en gro problem pou pei.

E mon kapab dir ki normalman i ti kout lazans apepre 2.4 milyon dan en lannen pou fer bann levennman *clean up* letan ti fer en fwa par lannen.

Avek sa sanzman ki'n ganny fer, i nepli kout sa kantite larzan, e bann kanmiyon bann depans ki ti ganny fer sirtou lo kanmiyon in redwir konsiderableman.

E annefe Lazans ozordi in *save* apepre en milyon Roupie dan sa

bann kanpany. Akoz konmela lapros se ki dimoun k i anvi anmenn son salte i anmenn direk kot *landfill* e bann lezot aktivite i ganny fer lo kote ledikasyon eksetera. Me Lazans pa fer sa bann gro depans dan anmas salte obor semen bann gro, gro akimilasyon.

E i osi annan bann nouvo *service agreement* anba *coordinated tender*, ki ede, ki pou ede amelyor servis ki nou pe gannyen avek bann diferan kontrakter dan pei.

Mr Chair dan lo kote Bidze 2022 Lazans *LWMA* son Bidze pou 2021 ti 242milyon 892mil e pou 2022 sa in ogmante in ariv 247milyon 181mil.

Bann mouvman prensipal dan son Bidze i *comme swivan*. *Wages and salaries* in ogmante par 1.74milyon. E sa i annan pou fer avek transfer *staff account* sorti kot Finans.

Parey zot konnen bann *staff account* in bouze in ganny anmennen dan bann diferan Departman ek Lazans alor abzorbsyon *staff account*.

E osi parey mon ti eksplike bomaten transfer *Glass Recycle Unit* e *Recycle Unit*. An prensip sorti Minister Lanvironnman pou vin kot *LWMA*, pou fer ki nou administre bann fasilite

recycling tou ansanm, e ki nou kapab annan en pli bon kordinasyon ant sa bann diferan program.

Goods and services Mr Chair in ogmante par R2.71milyon. Napa en Bidze pou *wages and salaries in kind*. *Office expenses* in ogmante par 41mil. E sa in ganny ogmante par R41mil pou rezon ogmantasyon dan alokasyon pou *adverts*.

Transportation and travel in ogmante par R8mil e sa i annan pou fer avek posibilite pou kapab lwe en loto letan bann transpor ki *LWMA* i annan, ki ganny fer reparasyon.

Maintenance and repairs in desann par 1.153milyon. Sa akoz i annan bann reaporsyonman anba *bus shelter and bin sites* ki fer ou vwar sa sanzman dan *maintenance and repairs*.

I annan en ogmantasyon 189mil dan *rivers, channel and marshes* e sa i annan pou fer avek sa bann nouvo kontra. E *management of toilet public* se redwir par 606mil se akoz depans pou *management toilet* pou Beau Vallon in ganny redwir, apre in ganny transfer sorti *SSI* pou *LWMA*.

Pou *other uses and services*, i annan en ogmantasyon 5.438milyon e sa

i konpri *public beaches* in ganny ogmante par 837mil, kot nou pe kouver ankor en pe plis koleksyon gomon lo lans.

Bin sites and bus shelters in ogmante par 7.8 e sa i annan pou fer avek bann nouvo kontra. *Office building rent*, in ogmante par 104mil aköz sa konsesyon ki ti annan 2021 nou pa espekte li a 2022.

Beautification ; - landscape and i ganny ogmante par 1.58 milyon. Sa i annan pou fer avek kontra e *maintenance services* in desann par 4.9 milyon. Aköz i annan sa bann re-alokasyon parey mon'n dir, *bus shelter, bin sites* ki zot ava vwar dan zot detay Bidze.

Dan *minor capital outlays* i annan en rediksyon 800mil pou *acquisition of bins* e nou konnen poudir *acquisition of bins* i ase enportan. Alor nou bezwen rod bann lezot *savings* dan Bidze pou nou kapab kouver *acquisition of bins*, ki ou bezwen fer tou le lannen pou nou kouver bann mankman lo kote *bin* dan distrik.

Vwala Mr Chair. Sa ti en *summary* Bidze LWMA. Mon ava pas laparol pran prezan kestyon sorti kot bann Manm. Mersi.

MR SPEAKER

Mersi Minis. Permet mwan verifeye en pti kou bann Manm ki'n lev lanmen sa kote aköz mon'n ganny en pti problemm avek mon bolpenn. Onorab Arissol, Esparon, Samynadin, Monthy, Bistoquet, Roucou, e Woodcock ok tre byen. Onorab Adelaide osi ok.

Bon leres pa trakase mon'n gannyen mon krwar. Bon mon annan 16 Manm deza lo lalis, mon pa *mind* lakantite Manm fransman. I plito lakantite letan ki sak Manm i pran.

So keep it direct, short e limit lo de pwen silvouple. Mersi. Nou a konmans bon annou konmans avek Onorab Monthy.

HON PHILIP MONTHY

Mersi Mr Chair. Bonn apre midi Minis e ou delegasyon. Parmi zot *major achievement* mon vwar ki zot in enplimant bann *standard operating procedures in cleaning and landscaping contract services*, pou formaliz standar e asire ki i annan plis efikasite e prodiktivite dan *delivery output*.

So ki mannyer sa pou direkteman enpakte lo servis ki sa bann kontrakter pe donner dan distrik? Mersi.

MR SPEAKER

Mersi. Minis ek *panel*. Annou osi reste direk lo kestyon silvouple.

MINISTER FLAVIEN JOUBERT

Mersi Mr Chair. Mersi Onorab pou sa kestyon. Mon ava demann Depite Mr Mangroo pou pran laparol silvouple.

MR SPEAKER

Thank you.

DEPUTY CEO RAHUL MANGROO

Mersi Mr Chair. Mersi Minis. Bonn apre midi Manm Onorab e tou dimoun a lekout.

Onorab mersi pou ou kestyon. Bi par deryer nou met an plas sa *SOP - Standard Operating Procedures* se ki kontrakter *over the years* sakenn i vin ek son konnen.

E sakenn i annan sa abilite pou zot ou konnen sak dimoun i vin ek son konnen. Zot abilite pou zot kapab konpran serten terminoloji i vin difisil.

Alor nou'n bezwen met en fason met en keksoz *in black and white*, konmkwa nou kapab ler nou eksplik zot, sa keksoz osi i pa zis lo zot nouvo ; - me selman *DAs, MNAs* nenport dimoun osi ki kapab i anvi ganny sa lenformasyon, i

kapab konnen ki standar nou pe koz lo la.

Akoz standar ti diferan par kontrakter, par nou annan *landscaping* prensipalman avek *cleaning*, e sa osi ti annan en pti pe *disparity between* sa de. So nou'n etabli en nou'n armoniz tousala. E nou espekte avek sa kontrakter zot konpran pli byen ki nou, nou pe espekte de zot.

E zot delivre alaoter e lemoman ki zot pa pe fer li alaoter, manm piblik menm *DAs* aköz nou travay etrwatman ek *Local Government*, i kapab konpran sa pli byen e ed zot pou koriz kot zot in al mal. Mersi.

MR SPEAKER

Mersi *Acting CEO*. Nou ava pran kestyon Onorab Gill.

HON CHURCHILL GILL

Mersi Mr Chair. Mon annan zis en kestyon. Mon'net dan Bidze mon vwar provizyon pou bann kontra semen, bin, lans. Eski sa bann provizyon ki'n ganny mete dan sa kontra pou lannen 2022 i pou sifizan pou kit sa bann dimoun ki deza lo kontra dan kontra ?

Oubyen Kontra pou annan me selman mwens dimoun ki pou kapab ganny kontra, e si sa i leka, aköz? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Onorab pou sa kestyon. Eski larzan i sifizan pou gard sa bann dimoun ki deza lo kontra la? Sa Bidze in ganny prepare prenon kont bann depans ki pe ganny fe la aktyel. E i senpleman kontinyen pou 2022.

Eski i pou annan mwens dimoun lo kontra lannen prosenn? Sa i pou ganny met devan letan sa revi i Minister Finans pe demare la, i konplet. Se sa i pou donn nou lendikasyon ki kantite kontra nou pou annan pou lans *bus stop* eksetera ek netwayaz semen.

Alor nou pa pou kapab deklar fer okenn deklarasyon konsernan lakantite kontra ki nou annan, me nou kapab asir ou ki Bidze i sifizan pou kapab tenir kantite kontrakter ki nou annan la aktyelman. Mersi.

MR SPEAKER

Mersi. Wi klarifikasyon vitman Onorab.

HON CHURCHILL GILL

Wi prezan pou benefis sa bann dimoun ki deza lo kontra

si ou kapab brefman dir nou en pe sa bann kriter, akoz i enportan i annan dimoun ki desarz zot kontra tre byen. E i annan difikilte parey *Deputy* in fer sorti la. Si petet pou zot benefis brefman kriter ki pou ganny servi pou sa revizyon? Mersi.

MR SPEAKER

Mersi. Minis ou'n pare?

MINISTER FLAVIEN JOUBERT

Yes Mr Chair mersi bokou. Mersi Onorab pou sa morso siplemanter. Kriter ki pou ganny servi pou revizyon, revizyon li i pou ganny fer avek bi pouvwar si sa bann kontra pe ganny fer ozordi, i ganny ki Gouvernman i annan ek sa bann kontrakter.

Si nou pe ganny en bon valer pou sa kantite larzan ki pe ganny depanse. E kote eski nou devret met byen nou resours. E ki bann fason ki nou kapab asire ki bann kontrakter i kapab delivre pli byen.

Alor bann kriter pou sa revi i pa pou ganny fer avek en kontrakter endividyel. I pa bann kontrakter endividyel ki ganny revi la, i sistenm kontra ek son bann benefis ki anmennen konman en depans, en laliny depans pou

Gouvernman. Se sa ki pou ganny revize. E sa apre i pou enform Gouvernman lo ki manner bann desizyon pou ganny pran.

Alor i pou difisil pou nou koz lo kriter ki petet kontrakter i ava kapab i ava bezwen met li pare pou sa bann kriter. Me solman zot pou ganny konsilte osi. Bann distrik pou ganny konsilte bann Onorab pou ganny konsilte letan revi i ganny fer, pou ki zot osi donn zot pwennvi lo kwa ki meyer sistenm ki devret an plas pou sa bann kontra netwayaz. Mersi.

MR SPEAKER

Mersi Minis. Nou ava ekout keston Onorab Samynadin.

HON KELLY SAMYNADIN

Mersi Mr Chair. Bonn apre midi Minis avek ou delegasyon. Mon keston i baze lo dernyen lo sa dernyen e stratezik kot zot in dir zot pou revwar e reprioritiz bann servis netwayaz ek *landscaping*, avek bi pou redwir lakantite kontra ki e ganny donner ki ava fer li pli rantab ekonomikman e rann servis *delivery* pli efikas.

Mon konsern i lo sa ki konsern *monitoring* bann kontrakter dan distrik.

Kwa ki nou pe espekte diferan, akoz nou ganny bokou konplent lo nivo distrik nou bann *constituency* i *call* nou akoz lafason ki bann kontrakter pe travay dan distrik ki pa - mwan osi mon pe mazine i pa alaoter.

So kwa ki nou pe espekte diferan, an sa ki konsern *monitoring* lo bann kontrakter? Apre osi i annan bann ka ki ganny raporte kot zot, mwan menm personnelman mon'n koz avek Mr Mangroo. E mon annan de ka spesifik ki mon ankor pe esper *feedback* avek ou. Mon pe espekte ki *very soon* mon ava ganny *feedback* avek ou.

So kwa ki nou pe espekte diferan dan sa Bidze an sa ki konsern sa de pwen ki mon'n met devan? Mersi.

MR SPEAKER

Mersi Onorab. *Panel* Minis.

MINISTER FLAVIEN JOUBERT

Mersi Mr Chair pou ou sa pwen. Mon ava les Mr Mangroo koz en pti pe lo sistenm *monitoring*, bann amelyorasyon ki nou oule fer avek bann ki annan pou fer avek bann *DAs*.

Me sa dernyen pwen kot i konsern reprioritiz sa bann

kantite kontra. I pa vedir ki otomatikman koup lakantite kontra. Nou bezwen fer sir k ii ganny fer dan en fason rasyonnal e ki pou annan sa *cost effectiveness* parey nou'n dir dan sa laliny depans.

Alor i pou en revi ki bezwen ganny fer e i pe ganny fer avek le meyer konsey atraver Minister Finans, le meyer konsey lo bann benefis ekonomik posib.

Alor i pa zis en keksoz ki *LWMA* pou fer li tousel, me i pou ganny fer avek bann dimoun ki konnen ki zot pe fer ki kapab fer bann verifikasyon e donn konsey lo meyer fason pou servi larzan.

Mon ava pas laparol avek Mr Mangroo pou li al en pti pe plis lo *monitoring*. Mersi.

MR SPEAKER

Mersi. Wi Mr Mangroo.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou kestasyon. Lo sa kote *monitoring*, i annan li son i annan 3 vole ou kapab dir dan sa fason *monitoring*. E sa i nou nouvo lafors ki nou pe pran. Nou'n fini konmans diskisyon avek *DAs*. Nou'n fini konmans diskisyon avek *MNAs*.

Mwan menm mwan personnelman mon vwar serten *MNA* la prezan pa tou.

E mon swe pou mon kapab zwenn zot *next year* pou mwan kapab ganny bann *one-to-one*. E sa i enn, *DA* i enn e manm piblik osi mon kapab dir nou lans en lapel nou enplor manm piblik, pou zot *come reach out to* nou. *Green light* oubyen nou *hotline*, pou zot kapab fer bann konplent. Zot kontinyelman fer sa nou apresye sa.

I pa neseserman en konplent. Me selman si sa standar sa nivo performans i pa alaoter. Oubyen zot santi sa kontrakter i pa pe ou konnen in mank en bout la, oubyen i pa'n kouver serten bout so sa osi.

So i annan manm piblik, lakominote, *DAs* i annan sa bout sa nou anba kot *landscape* nou pe restriktir. E ler mon pe dir restriktire, nou pe rod fason pou nou vin pli *efficient* dan nou fason ki nou *monitor* sa travay ; - ki mannyer nou *go out* pou lo teren.

E nou fason se atraver sa bann *SOPs*. Nou pe etabli en fason pli sistematik, konmkwa si nou pe al get en serten *batch* travay, tou kontrakter pe fer sa bann travay pandan sa bann letan pei antye.

Akoz an se moman ki nou gannyen kontrakter i donn son *work programme*, i en pti pe dezord - i fer li vin dezord pou nou. Travay pe ganny fer lo teren. Me selman i vin en pti pe dezord i vin *overwhelming* plito les mwan servi sa mo, en pti pe tro bokou pou nou kapab *monitor* tousala ansanm.

Me ler nou'n fer li pli sistematik, nou konnen tel zour dan lemwan pe koup zerb, mon konnen i pe lo standar i lo koup zerb ek bann lezot travay ki otour koup zerb.

E *DA* i okouran osi e *MNA* osi pou ganny program travay konmkwa ti kapab swiv keksoz pli byen. Sa i fer ki travay kontrakter *ownership* osi i vin lo sa kontrakter, pou li *come back to the agency* avek nou bann lenspekter, wi mon'n fini fer sa travay. Mon'n donn tel dat nou'n planifye li e travay i ganny fer.

Ki nou, nou lapros se ki nou kontrakter i *bezwen take ownership* zot landrwa e kontrakter i bezwen vin ver nou pou nou kapab satisfere, fer diferan travay egalman ansanm avek *DA*.

Nou pou arete travay deryer kontrakter, aköz ler nou tay deryer kontrakter nou vwar nou pe - ou konnen nou pe *chase* oubyen pe tay deryer

keksoz. Li si i travay byen *the* keksoz i *ok*. Si sa kontrakter i pa serye, oubyen toultan i annan en leskiz, la nou vwar nou, nou lenspekter i *va et vient* ek sa keksoz.

So atraver sa sistenm ki nou'n met an plas pou 2022, nou swete, nou konvenki ki keksoz pou amelyore. I pou pran en pe letan be selman i pou amelyore sertennman.

MR SPEAKER

Mersi Mr Mangroo. Mon ava pran kestasyon Onorab Sophola.

HON NOLINE SOPHOLA

Mersi Mr Speaker. Bonn apre midi ek ou delegasyon tou Manm Onorab avek tou dimoun a lekout.

Minis mon remarke ki i annan travay ki'n ganny fer pou amelyor lafason ki salte lo La Digue, i ganny depoze kot *landfill*.

Me mon annan en konsern. Koriz mwan. Mon konnen ki ti deza annan en larzan ki ti'n ganny mete e osi ti annan diskisyon ki ti'n ganny fer pou redevlopman *landfill* La Digue.

Eski ou kapab dir nou, ki kalite travay ki pou ganny fer pou lannen 2022? Mersi Mr Chair.

MR SPEAKER

Minis kestyon i pou ou.

**MINISTER FLAVIEN
JOUBERT**

Mersi Mr Chair. Mersi Onorab pou sa pwen. Onorab aktyelman parey ou'n dir travay ki pe ganny fer lo La Digue, sa i pou larantre pou *waybridge* pou *divert* larantre salte, pou li aret pas dan baro Linyon. I annan en lot demars ki de Vandredi pase mon'n al lo teren ansanm avek Mr Mangroo ek lezot, ek Linyon, kot nou pe reget lafason ki bann *sludge* i ganny zete.

Fer sir ki i ganny mete dan en fason pli annord, ki i pa poz kontaminasyon. E son ladministrasyon osi i sorti anba Linyon. Akoz ki ti arive se nou ti annan de Lazans, de lorganizasyon ki ti pe zer salte. Linyon ti pe zer *sludge* e *LWMA* pe fer salte domestik ek lezot, ki pa anliny avek sa ki nou pe mazine pou Mahé, Praslin La Digue. Tou sistenm i devret parey e *sludge* osi i *disposal* e devret tonm anba Lazans.

Alor sa i pe ganny anmennen tou ansanm kot en sel *compound*. I osi annan demars ki pe ganny fer la avek bann proze ki pe vini lo La Digue. Pou profite e ganny

pasaz lo bann bato ki pe monte avek materyo, pou kapab tir en kantite sa bann feray ki annan lo La Digue aktyelman. Mon krwar ou'n vwar poudir mon krwar apepre 2an i fer nou pa ankor tir feray lo La Digue, e akimilasyon i bokou.

E in ler pou fer en pe transfer me in ler pou fer en pe transfer me sa bann transfer i koute, e i bon profite ki letan bato i monte pou fer proze ki zot kapab osi anmenn sa bann feray letan zot pe desann lo Mahe.

Lot keksoz ki nou pe planifye me selman nou napa finansman anba la, me selman si i annan *savings* an 2022 i pou ganny fer, se i annan en nouvo miray ki bezwen ganny fer kot *landfill* La Digue. Pou kapab kapte ankor en bon kantite lespas.

Si sa miray pa ganny fer posibilite i pou agrandi ouswa i pou kontinyen servi *landfill* pou redwir dousman. E alor sa miray pou bezwen ganny fer. Materyo i annan lo *site* i annan ros i annan tou keksoz. E i en kestyon pou sa larzan dan Bidze e konmans met li annord.

Ti annan en *design* ki ti deza e konmans met li annord. Ti annan en *design* ki ti ganny deza konmans fer an 2020 si mon rapel. Me nou kapab pran

sa i kontinyen avek e fer sa bout miray.

E fer sir ki nou annan ase volim pou nou kapab pran sa e kontinyen avek e fer sa bout miray e fer sir ki nou annan ase volim pou nou kapab al ankor en bon pe lannen pli devan. Mersi.

MR SPEAKER

Wi klarifikasyon Onorab vitman.

HON NOLINE SOPHOLA

Minis eski ti napa en *Grant* ki ti'n donnen pou sa miray silvouple?

MINISTER FLAVIEN JOUBERT

Mersi Onorab pou sa pti pwen. Me sa miray ti ganny fer - tou bann travay ki'n ganny fer resaman kot La Digue i ganny fer avek larzan anba Bidze regilye.

Ti annan en *Grant* ki ti ganny donnen pou sa sistenm tretman *leachate*, sa delo ki sorti *landfill*. E sa ti en *Grant* me larestan in ganny fer anba Bidze normal, Bidze lazans pou lannen.

E nou pe konstate ki si nou pou bezwen fer sa miray osi i pou ganny tire dan Bidze ki pe ganny prezante ozordi. Mersi.

MR SPEAKER

Mersi kestyon. Onorab Bastienne.

HON DESHEILA BASTIENNE

Mersi Mr Speaker. Bonn apre midi Mr Speaker. Bonn apre midi Minis ek ou delegasyon. Minis mon kestyon i pou al lo *reallocation of bin site* ; - mon krwar ou konnen lo ki mon pe vin, lo ki laliny. Nou'n diskite sa a plizyer repriz.

E mon ankor annan pa mal problem avek sa bin ki ganny plase ki napa en baraz. Alor salte i ganny fannen partou kote i arive ziska devan laport vwazen.

Mon pe regarde dan sa Bidze nou pou annan okenn lokasyon pou nou a lafen fer en laranzman ek sa bann bin? E osi replas zot dan bann landrwa pli apropiye. Pou nou kapab anmenn en pti pe plis lizyenn pou sa bann zabitan ki pe ganny afekte?

E apre mon dezyenm kestyon;- dan *major achievement* mon vwar kot *each household* son prop bin. E Perseverance mon ti ava kontan dir ki i pa ankor ganny materyalize, e mon pe zis regarde si dan sa Bidze sa legzersis pou a lafen ganny fer?

E osi apre bann lo *land and beautification* zil

Perseverance in ganny mansyonnen parmi enn de distrik. Me mon ti ava kontan demann ou ki zot pou mazin fer ek sa bann lakonpanyen konstriksyon ki pe servi sa bann *islands*, ek bann pti bout, bout kot zot vin zet zot bann materyo konstriksyon?

E zot ranpli tou sa bann pti bout la si nou pou fer *beautifcation* nou pe re aranze me in deza ranpli ek bann bout *tiles*, blok *name it*, restan lapousyer ros.

Alor mon ti ava kontan konnen ki Departman *LWMA* i deside fer ek sa bann tel kontrakter? Mersi.

MR SPEAKER

Mersi Onorab. *Minister*.

MINISTER FLAVIEN JOUBERT

Mersi Onorab pou sa 3 pwen. Mersi Mr Chair. Kot i konsern re-alokasyon *bin site*, parey mon ti mansyonnen dan prezantasyon pou Departman Lanvironnman bomaten, i annan en fasilite ki nou oule met a dispozisyon tou bann distrik, pou zot kapab amelyor lapropte dan distrik.

Napa en alokasyon dan sa Bidze ki la pou *bins and bin site*, me dan sa ki nou pe prezante avek bann distrik i

annan en pe larzan ki nou kapab servi pou nou re travay lo bann *bin site*. E redistribye *bin site* dapre popilasyon.

Me sa i bezwen ganny fer lo plizyer lannen, i pa pou kapab ganny fer en sel kou. Akoz i kout bokou.

Me pou Perseverance osi zot kap ganny servi dan sa laliny. Me e selman Onorab mon krwar i enportan pou note ki Perseverance lafason in ganny *design* i en pe difisil.

Devan bann batiman kot nou pou plas bann *bin*, ou pou tir devan laport en dimoun otomatikman ou pe met devan laport en lot. Sa i en pe difisil. Me lot keksoz ki nou'n vwar avek bann sa bann blok 6 la, se ki napa en pti semen par deryer kot nou ti kapab plas bin. E nou bezwen plas bin devan batiman e non pa deryer kot ti kapab pli fasil pou fer sa travay.

E petet konminyon salte ti ava antre sorti e ou ganny bann lenkonvenyans.

Alor i pou annan en pe refleksyon ki bezwen ganny fer lo kote Perseverance. E se pou sa rezon ki sa proze kot nou ti pe entrodwir en bin pou sak lakour, en *pilot* pe ganny fer.

Nou pa konnen si i pou al byen, oubyen non me selman i annan larzan li pou li kapab ganny fer dan Bidze, nou'n vwar

ki apre *FC* i annan sa posibilite dan sa Bidze la ki sa proze kapab ganny lanse.

Alor i pou napa en rezon finansyel pou li pa ganny fer. Mon a les Mr Mangroo reponn sa bout lo *beautification* ek depoz salte lo *island* Perseverance. Mersi.

MR SPEAKER

Mersi. Mr Mangroo nou pas kot ou.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou kestyon an se ki konsern debri konstriksyon kot bann *bin site* Perseverance, i reste en defi pou nou. E pou Lotorite Distrik osi, akoz lo en kote wi petet bann lakonpanyen konstriksyon in met zet zot salte kot bann *bin site*.

Me selman bokou fwa se ki nou'n trouve, se rezidan menm ki fer ki demoli keksoz kot zot, zot zet kot bann *island*. E nou'n fek fer legzersis en mwan pase pou netway tou bann *bin site*. E nou annan laprev pou sa, e ki ou vwar se lanmen kan ou fini tire en dimoun i vin kas son *tiles* kot li, ou a krwar i ti pe esper zis sa letan i vini i vin zet sa la.

I annan en travay i annan en diskisyon nou'n gannyen avek *MLH*, me selman nou bezwen petet pli agresiv lo nou kote avek *MLH*, pou nou vwar en pti pe ler donn zot lakaz ki fason pli efektiv, or oubyen i pli - ou konnen i en *win-win situation*.

Akoz le moman zot donn lakaz zabitan, zabitan i kase, zot tir sa lanmenm lo la, zot met dan zot lakaz, zot met obor *bin site* ki i pa ideal akoz bann *bin site* ki i pa ideal akoz bann *bin site* Perseverance pa'n ganny fer pou akimil zisteman sa bann kalite salte. I fer li difisil pou nou osi tire.

Lo kote *landscaping* osi lo Perseverance nou'n vwar akoz sa bann probleman ki la e egalman i annan sa aksyon kot zabitan menm, i vol fler oubyen i vol fimyen.

So ki nou'n vwar se ki nou bezwen adopte en lot lapros ek nou *landscaping*, e sa i pa zis pou Perseverance, pou plizyer landrwa dan lavil osi kot nou'n fer li lo *maintenance*. I pa pou sa sitan *manicure landscaping* ki nou dir, kot i vreman en ta fler.

I plito annan bann gazon bann *open lawn* zisteman pou nou kapab ganny sa enn repetisyon sa sityasyon kot

dimoun i vole oubyen zot fer vandalizm.

Lo kote konstrir deblok konstriksiyon, nou pou kontinyen travay *Local Government* pou nou konnen lekel sa bann dimoun ki pou fer sa. E si nou, nou konnen lekel sa bann dimoun ki pou fer sa e si nou, nou konnen nou fer zot ale al tire.

I annan profit sa lokazyon osi pou dir i annan en servis skip ki ganny mete dan Perseverance, se en bak en gro bak i *there* ; - ordinerman i *there* ordinerman i ver ordinerman i ver an feray i ganny plase 3 lokasyon dan Perseverance.

E nou oule enplor sa letan pou zot profite tou le weekend sa skip i la. Profit sa servis pou zot met zot bann gro bann salte ankonbran bann gro salte ladan *rather than* obor *bin sites* silvouple. Mersi.

MR SPEAKER

Mersi. Onorab Sandy Arissol.

HON SANDY ARISSOL

Mersi Mr Chair bonn apre midi Minis avek ou lekip. Mr Chair mwan mon ti ava kontan demann Minis *in regards to* netwayaz ki Minis in koz lo la *,quarterly clean up* ki annan. Mon ti ava kontan demann zot

kestyon an relasyon avek de size.

Eski anba zot Minister zot i annan Lalwa pou zot *deal* avek bann dimoun ki annan propriyete prive. Swa i pa reste isi i reste *L'Angleterre, Australie* e son bout propriyete i ganny vwar dan distrik ki sal, i soutir bandi voler, bann vermin. E pa ganny netwaye.

Eski i annan Lalwa pou *deal* avek sa? E menm laliny eski i annan Lalwa anba zot Minister k *ideal* avek bann dimoun ki kontinyen met salte kot napa bann *dustbin*? Parey pe arive Bel Ombre St Roch bin in ganny tire pou kantite rezon. E nou'n *deal* avek e bann dimoun i kontinyen met zot salte landrwa kot napa *dustbin*. Kot nou pou konmans tir zot portre e pou nou gete si i annan Lalwa pou konmans *deal* avek zot e pourswiv zot.

Mon dezyenm kestyon mon ti ava kontan demann Minis, i pou de size ankor, bomaten nou'n koz an relasyon avek bann pye dibwa ki en menas pou piblik, pou loto oubyen pou lakaz, eski bann pye dibwa ki lo later Gouvernman ki en menas pou propriyete prive i tonm anba *LWMA* pou responsab?

E lo menm laliny mon ti ava kontan demann ou eski i

ankor annan sa kontra ant *LWMA* avek bann dimoun ki pe rod en *License* pou en pti biznes eski i ankor egziste sa?

Avan ou ti bezwen ganny en Kontra avek *LWMA* avan. Epi ki ou ganny ou *license pou occupancy* pou ou *run* en pti biznes, pou ou ganny en dimoun, en kontrakter pou vin tir ou salte.

Ou a krwar dan pei prezan i annan plizyer dimoun pe ouver biznes napa *bin site* ou pa konnen si zot annan kontra. Mon ti ava kontan en leksplikasyon lo la. Mersi bokou.

MR SPEAKER

Mersi. Minis.

MINISTER FLAVIEN JOUBERT

Mersi Mr Speaker Chair. Mersi Onorab pou sa de pwen ki i annan aktyelman 4 pwen ladan.

Eski i annan en Lalwa pou salte lo propriyete prive? Wi i annan sa provizyon in la dan Lalwa *Public Health*. E ou a remarke ki dan revizyon kot Lalwa Proteksyon Lanvironnman 2016, en provizyon parey i ganny mete, kot en dimoun i devret kit son *property free from okenn waste*.

Savedir sa i la e i kapab ganny aplike pou fors en dimoun ki pe netway son propriyete.

En dimoun ki pe zet salte kot i pa merite, i annan Lalwa ki anpes ou met salte dan en landrwa piblik, ki pa dan en fasilite ki'n ganny dezinyen pou sa keksoz. Alor i annan Lalwa e portre i kapab ganny tire e nou bann dimoun parey mon'n dir nou pe met plis lanfaz lo *enforcement* ek laplikasyon Lalwa.

Letan levidans i anmennen byensir Minister i merit kapab pran aksyon ek son bann zofisye legal, pran aksyon ek sa bann dimoun ki pe fer sa bann aktivite parey.

Pye dibwa lo propriyete Gouvernman, mon pa konnen si *LWMA* pou kapab pran tou sa responsabilite. Me parey mon'n eksplike bomaten lentansyon se ki Ms Croisee in konfirm avek mon ki sa larzan pou ganny mete dan *Contingency*. E *LWMA* pou fer bann provizyon pou bann koridor semen.

Savedir bann landrwa kot pye dibwa i kapab afekte swa bann dimoun ki apye, ouswa bann transpor i afekte bann landrwa kot bann semen i pase. Me selman sa ki lo propriyete Gouvernman, i pou pran en pe plis zefor aköz la i pou annan

bokou plis tranzaksyon i kapab fer parfwa i kapab vin en bon pe i kapab vin en keksoz ase ser.

Me selman okenn kestyon lo la i kapab *still* ganny anvoye kot Minister. Minister i ava rod en fason pou li travay lo la.

Me propriyete prive ki menas kanmarad sa parey ou konnen i ganny kouver anba bann Lalwa Sivil.

Eski en dimoun i bezwen annan en Kontra avek *LWMA*? Non mon krwar si u get dan Gazet aktyelman sa semenn, i annan en nouvo Lalwa en nouvo regilasyon ki'n ganny pibliye. E sa i *Commercial Waste Regulation* an 2019.

Nou ti aboli sa sistenm *LWMA provide commercial waste services* e la ozordi nou pibliy en Lalwa ki obliz tou bann biznes anba en serten deskripsyon tousala i ganny liste, enkli par egzansp bann *lever board vessels*, bann bato, pou zot annan en laranzman pou zot salte ganny tire. Sa i enkli bann laboutik, bann biznes eksetera.

E alor zot bezwen swiv sa lareg ki'n ganny met an plas. Akoz zis mon ava fer resorti ki dan lepase, *LWMA* ti annan en alokasyon R20milyon ki ti ganny met a kote zis pou *commercial waste*.

E si ou get dan det ki *LWMA* i annan ziska ozordi, ki pe kree en problem dan son *accounts*. Se sa bann servis pou salte komersyal ki'n kree sa e i pa'n zanmen fasil pou kapab *recover*. I annan en pake konfizyon en kantite problem.

Alor *LWMA* i pa merit vin en lazans ki donn en servis pou tou bann dimoun. I annan en kantite dimoun ozordi ki i annan kanmiyon ki i annan fasilite pou zot kolekte salte.

Lobligasyon se ou annan en Kontra avek en konpanyen ki'n *licensed* e ki aprouve. Zis parey letan ou met ou transpor lo semen ou al rod en lasirans avek konpanyen lasirans i ganny *licensed* Sesel pou ofer lasirans.

So i en pe parey ek sa i letan *LWMA* i vizit ou ek lezot Lotorite, ou devret montre ou *license* dan ou lanmen e osi ou kontra salte i valid pou sa peryod letan, pou kouver tou sa ki ou pe kree konman salte pou fasilite. Mersi.

MR SPEAKER

Mersi Minis. Onorab Vidot.

HON AUDREY VIDOT

Mersi Mr Chair. Minis mon pe demann kestyon se anba program 3 i annan

provizyon dan Bidze ki byensir pou lanbelisman parey zarden Roche Caiman ki vizavi kot sa *petrol station*. Mon konpran poudir Gouvernman i annan diskisyon pou *reallocate* bazar ki vizavi *Fresh Cut* laba. Etandonnen ki ou Minis pour Lanvironnman e LWMA i tonm anba ou responsabilite.

Eski Lazans i pare petet pou ranvers en pe desizyon ki diskisyon ki ti annan avan ek Lotorite Distrik. Mon rapel byen ki zot ti annan konsern, ki okenn proze devlopman ki i ganny konsidere dan sa *area*, zot, zot ti dir zot pou plifere ki i reste sa verdir.

Akoz prenon kont ki listwar sa landrwa e kantite *maintenance* ki zot in fer pou gard li prop e annord, eski zot pou zot desizyon pou sanze oubyen i pou reste parey?

E osi nou konnen si zot pou konsidere ki pou arive avek kontra pou servi laba zot pou kontinyen *maintain*? En pe lo la?

E si ou kapab asir nou ki prenon kont ki zot annan sa Minis sa manda pou proteksyon lanvironnman, asire ki i annan en konsiltasyon pouse ki i annan en konsiltasyon ek kominote, ki si okenn devlopman ki pou ganny fer laba, piblik, zabitan Roche

Caiman i kapab partaz zot lopinyon.

An referans avek Kontra parey dan bann *housing estate* mon get Roche Caiman i annan konsern ant kontrakter *PMC* avek *LWMA*, letan zot balizaz obor kanmarad, i annan de fwa ki i annan bann *duplication of work*. Eski nou kapab ganny zot komitman ki zot annan en bon dyalog ant sa de Lazans, pou ki i annan en kordinasyon e ki *maintenance* ant term lapropte dan sa bann vilaz i kordin byen?

E dernyerman Minis ou'n koz avek *CEO* ou ti pe koz i annan kontrakter ki pe fer sa zefor pe onor zot komitman pou *maintain* zot site.

Me parkont i annan ki'n ganny zot menm zot, zot in ganny dir zot pe byen fer me selman zot kontra zot finansman in ganny koupe. Petet lo ki kriter zot in tonn lo sa bann lakor? *Thank you*.

MR SPEAKER

Mersi. *Minister* ou annan kestyon pou ou adrese la?

MINISTER FLAVIEN JOUBERT

Mersi Onorab pou sa 3 pwen. Mersi Mr Chair. Mr Chair sa park Roche Caiman mon krwar nou'n *achieve*

lobzektif letan nou ti pe netway sa landrwa, i ti en pe pa tro dan bon leta.

Lobzektif se zisteman pou kree e lespas ver ki bann dimoun Roche Caiman i kapab ganny akse avek. Pa zis Roche Caiman. Nenport ki piblik i kapab ganny akse avek. En lespas kot zot kapab vini trankil e repoze.

E nou vwar ki en bon pe dimoun pe servi sa fasilite. Ziska konmela mon kapab dir ki nou pa pe gannyen problem ek sa lespas, dimoun pe servi li byen. Laplipar letan dimoun i servi li byen. E zot pa pe fer okenn dega laba. Mon krwar i en bon fason i en bon legzanp lo lafason ki nou kapab servi bann lespas dan nou bann landrwa lavil.

E zis pou fer rappel, ki nou letan nou ti verifye sa landrwa, pou kwa sa landrwa i ganny servi, nou ti ganny dir sa landrwa i en park ki ti sipoze distrik Roche Caiman.

Alor mon krwar ki okenn desizyon ki ganny fer lo lafason ki sa park pou ganny servi - sa lespas pou ganny servi, otomatikman i pou vin kot zabitan, DA ek MNA Roche Caiman.

Alor mon napa okenn doutans ki zot pou ganny konsilte, aköz finalman i pou

depan lo zot lakor osi okenn travay ki pou ganny fer okenn sanzman.

Lo lot kote byensir nou konnen poudir bazar Roche Caiman i en konsern. I bezwen ganny amelyore trafik, lapropte, fasilite pou *toilet*, par egzanp tou sa bann dimoun ki pe servi sa bann landrwa la, e i bezwen ganny fer en amelyorasyon.

E i annan bann diskisyon ki nou'n fer avek Lotorite Plan Lenfrastriktir. Me sa byensir an premye mon krwar se Roche Caiman ki ganny konsilte lo la.

Se sa mon kapab donn nou mon langazman ki sa bann Lazans zot pou bezwen vin kot ou ek kot DA e kot bann zabitan pou kapab ganny en konversasyon sa size.

Kot i konsern *duplication* ant PMC avek LWMA, sa mon dakor avek ou 100poursan. I annan parfwa bann keksoz ki piblik ennler i vin dir avek ou poudir i ridikil. Kot ou annan en kontrakter i desin en laliny dan zerb, lot i vini i koup apre son laliny.

E sa revi i enn bann keksoz ki pou ganny adrese dan sa revi. Se ki mannyer nou kapab kordinen ant bann Departman Gouvernman, e fer ki nou servi resours ki finalman tou sa bann resours sorti kot

Gouvernman dan en fason pli byen.

Alor sa revyi ki pe ganny fer i pou osi koz lo pou osi adres lafason ki bann diferan kontra ki zwenn ek kanmarad e ki mannyer nou kapab annan en pli bon kordinasyon e efikasite dan lafason ki nou servi resours pou fer sa bann travay. Mon ava pas laparol avek Mr Mangroo pou koz lo kontrakter. Mersi.

MR SPEAKER

Yes. Mr Mangroo.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou kestyon. An se ki konsern kontrakter ki'n ganny koup zot larzan, i enportan pou fer sorti ki kontrakter ki dan kontra avek Lazans, zot in siny en kontra 3an depi 2019 ki pa'n ganny touse.

Kontrakter ki nou'n plito fer sa legzersis lo la, se bann ki nou dir tanporer i *on offer*. Zot ti la, zot la ziska ler sa dezyenm rezilta *tender* ti pou sorti e la lefe ki i annan en revyi pe fer i fer ki nou pa'n kapab nou'n bezwen *cancel sa release of sa rezilta*. *Annul* li e kontinyen kit sa bann dimoun.

Par kont nou'n bezwen redwir zot sonm pa tou. I annan en serten in ganny redwir pou. E dan sa proses pou redwir nou'n osi revwar zot *scope*. Napa en kontrakter ki pe travay lo menm *scope of work*. Savedir nou pe koz nou menm frekans, menm kantite, lentansite travay. So semen pou reste parey, me selman lentansite travay in redwir.

Sa legzersis ti neser akoz nou bezwen re aziste nou finans, nou Bidze, pou kapab aziste serten keksoz. Ou konnen *over the years* ou finans i *fluid* li i bouze. I annan serten defisit serten landrwa so nou bezwen aziste li.

E osi sa legzersis nou bezwen fer li sa ti sipoze fer depi boner dan lannen, akoz sipoze antre an plas ler rezilta dezyenm *round tender* in sorti. Lefet ki sa pa'n sorti i fer ki nou'n trennen nou'n prolonz ek sa.

Dan nou proses pou nou revwar sa pri kontra osi, nou'n asize nou'n vwar par kontrakter kwa ki kantite ki kantite travayer i amann. Nou pa'n zis koup li en sonm tou dimoun parey. Sa kontrakter in ganny aziste en pti pe baze lo son *payroll*, oubyen kantite dimoun ki travay avek. E zisteman baze

lo sa frekans ki nou'n aziste lo li.

So rest assured pa tou kontrakter ki'n ganny touse. Sa bann ki'n ganny touse *so still* kapab performen. Mersi.

MR SPEAKER

Mersi. Onorab Roucou.

HON MICHEL ROUCOU

Mersi Mr Chair. Bonn apre midi ankor Minis. Bonn apre midi. *CEO* dir mon ou ti pe koz en pti pe lo kontrakter ki lo *offer* en? Si ou kapab dir nou kantite zot ki annan e konbyen sa pe kout Lazans li menm li?

Apre mon dezyenm kestyon, eski dan zot Bidze zot in pran kont bann semen ki pa'n zanmen ganny netway ki'n ganny vizite ansanm ek zot bann zofisyè?

E mon dernyen kestyon, eski zot pe edik zot bann kontrakter ki ler zot kontra i fini i annan en *tender*, ki sa i ava anpese kot i annan sa bann nimerasyon, ki ler *tender* in reganny fer ki zot, zot revwar zot in perdi sa kontra? Mersi.

MR SPEAKER

Mersi. Minis.

MINISTER FLAVIEN JOUBERT

Mersi Mr Chair. Mersi Onorab pou sa 3 pwen mon ava pas laparol avek Mr Mangroo pou li kapab.

MR SPEAKER

Wi Mr Mangroo.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou kestyon. Mon napa sa sif egzakt lo mwan la konsernen kantite kontrakter ki lo kontra. Selman sa ki mon kapab dir ou se ki 50poursan kontra, dan sa *tender* ki nou ti fer 50poursan kontra in ganny *awarded*. Ti annan se sa savedir si mon pou nou 50poursan kontra in ganny donnen.

Savedir 50poursan i reste e nou ti annan apepre 330 *lots*. *So it's a matter of* lanmwatye 330, ou konpran ki 165 ki dan kontra apepre ki dan Kontra e menm sif i *on offer*.

Lo kote nouvo semen, wi nou annan sa legzersis nou konnen nou travay zisteman biro *MNA* egalman bann antite Gouvernman, *SLTA* avek egalman *MLH* ler i annan bann *housing projects*.

E nou annan sa lalis nou ganny sa lalis *submitted* regilyerman. Nou swete ki okenn *savings* ki nou kapab fer

dan nou zisteman dan sa aktivite ki nou'n fer pou revwar sa bann pri kontra. Lannen prosen ler nou konmanse *fresh as mwan* i koule nou pou annan sa larzan ki akimile en pe *savings* e nou ava kapab zisteman tous bann nouvo semen.

Mon pa kapab dir ou la si sa nouvo semen pou dan kontra. Selman pou annan bann *one-off* ki pou pli frekan. Prenon kont ki i annan serten landrwa ki pe ouver parey devlopman dan *industrial estate*, ki bann semen pa'n met koltar. Evantyelman i *IEA* pe fer devlopman lo la pou met koltar.

So dan bann lezot landrwa ki pe ouver. Perseverance osi anmezir ki i ouver, nou bezwen kouver. So sa *savings* ki nou fer nou pou ede i pou ed nou kapab fer *one-off* plis.

E si nou kapab kouver fer *one-off* plis e si nou kapab azout en serten semen lo en kontrakter ki lanmenm la obor nou pou fer li osi.

Lo kote *tender* Onorab, nou pa pou kapab dir en kontrakter i pou reste dan kontra, akoz *tender* i en sistenm kot tou dimoun i ganny mete lo menm nivo. Konpran?

E i depan anba sa *review* ki zot fer sa i en keksoz ki pou

ganny mete dan *review* e en pwen ki pou ganny adrese dan *review* akoz *review* tou *partners* pou ganny konsilte pou *review*.

E ler zot konsilte nou en legzanp nou pou dir ek zot, be *what about* bann kontrakter ki i annan leksperyans ki manner sa i ganny *factor in*, pou zisteman dan sistenm dan evalyasyon sa i ganny nou ganny en serten pwen. Ou konpran?

So dan sa *review* sa pou ganny *catered* pou ganny *factored in*, e la nou ava konnen ki manner pou arive. Me selman evantyelman nou pou napa kontra pou tou dimoun akoz i annan plis kontrakter ki Kontra. Mersi.

MR SPEAKER

Wi Onorab Roucou. Termin ek klarifikasyon *please*.

HON MICHEL ROUCOU

Yes Mr Chair. I paret ki Depite in mal ganny en konpran mon kestyon. Mon kestyon ki mon ti pe demann li, se eski zot pe edik zot kontrakter ki'n ganny Kontra ki ler kontra in fini ki zot pa ki Lazans pa oblize pou zot reganny kontra ankor.

Akoz ler in *tender* i annan en nouvo kontrakter ki riske antre, akoz souvandfwa nou vwar poudir ki sa i *end up*, swa

zot bann kontrakter ki'n perdi
Kontra zot pe tay partou e
menm vin tay kot *MNA* tou.
Mersi.

MR SPEAKER

Mersi. Minis oubyen Mr
Mangroo ou kapab donn en
klarifikasyon.

**DEPUTY CEO RAHUL
MANGROO**

Mersi Mr Chair. Mersi
Onorab pou sa *follow-up
question*. Mon krwar Onorab i
kler ki dan kontra ki'n ganny
sinyen avek bann kontrakter i
kler pou zot ki son kontra i pou
en peryod *fixed* ki letan ou fini
napa lobligasyon pou kontinyen
avek ou dan kontra, eksepte
dan ka kot i annan en bezwen
pou gard ou la. E sa i en
laranzman ganny fer atraver en
dokiman ekrir, ki dir mon pou
extend par egzanp pou 3 mwan,
6 mwan pou 1an eksetera.

Me mon krwar sa nou
bezwen endik tou bann
kontrakter aköz sa prensip i la
li. Sa prensip i ganny dir avek
zot letan zot vin siny zot
dokiman.

So sa prensip i deza la. in
deza ganny dir avek zot. Me
nou konnen poudir i annan en
kantite dimoun aköz in la pou
en long peryod letan, aköz in
abitye travay la, alor i santi li

atase avek sa louvraz. E alor i
mekontan letan ou dir li kontra
in terminen.

Me sa i en keksoz ki nou
bezwen fer lo nou kote kot
LWMA travay ki bezwen ganny
fer ankor, pou edik eksplik
bann kontrakter. Me osi mon
krwar i enportan ki tou dimoun
i bezwen endik bann kontrakter
sa i en kontra *fixed*.

I malere ki i annan son
lafen me tou sa bann kontra i
annan en lafen. E nou bezwen
nou tou dakor lo la ki i pa en
keksoz permanan pa aköz nou
la pou tel peryod letan, ki ou
bezwen reste la pou sa peryod
letan.

Tou dimoun parey Mr
Mangroo in fer klerman, letan
tender i reganny fer, tou
dimoun i tourn lo menm nivo e
ou sans gannyen i parey pou
kanmarad.

San fwa nou pou vwar en
sityasyon kot bann ki an deor
pa pou kapab ganny sans
antre, pou vin fer kontra.
Menm si i annan potansyel e
bann ki la i kontinyen reste lo
menm kontra toultan. Mersi.

MR SPEAKER

Mersi Minis. Onorab
Esparon kestyon.

HON REGINA ESPARON

Mersi Mr Chairman. Bonn apre midi Minis avek ou *panel*. Mr Chairman mon ti ava kontan demann avek Minis ki letan zot pe revwar bann kontra semen zot ava si zot kapab osi revwar *scope* travay bann kontrakter.

Parske an se moman la i annan kontrakter ki dir ou mwan mon travay mon netway larivyer tou le mwan, lot i dir ou tou le semenn. Konmsi i napa sa standar. Sakenn pou li.

E lo kote *monitoring*, akoz ki *LWMA* pa ankor etabli prosedir pou bann kontrakter semen, parey i leka pou bann kontrakter ki netway larivyer ek lanmar, kot zot, zot anmenn zot form kot biro *DA* pou sinyen e vizit i ganny fer ansanm avek *DA* pou vwar si louvraz in ganny fer. Konpare avek bann travayer bann kontrakter semen kot zot, zot pa'n vin avek zot form kot biro *DA*?

E si sa ti pe ganny fer ti pou annan plis *monitoring*. Parske an se moman la tou bann konplent letan semen i sal i vin kot biro *DA*. E zot napa okenn *say* ladan zot.

Me selman konplent i vin kont zot ki semen pa'n ganny netway. Parfwa letan ou verifye, kontrakter in fini pran son larzan in ale, me travay

pa'n ganny fer. Akoz konmsi nou pa kapab etabli sa? Mersi.

MR SPEAKER

Ok, nou'n konpran mersi. Minis.

MINISTER FLAVIEN JOUBERT

Mersi Mr Chair. Mon ava pad laparol avek Mr Mangroo pou reponn le de kestyon. Mersi.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou kestyon. Dabor lo kote prosedir, fodre note sa prosedir in la, ek *COVID* wi nou'n la volim kontrakter ski nou annan pou vin kot *DA* nou'n aret sa.

Be selman nou pe inisyé li apartir le 01 Desanm sa keksoz i retournen *sorry* le 01 Zanvyé sa 2022 a keksoz i retourn an fors.

Me selman i retourn an fors avek sa nouvo lapros, akoz ki fer ki sa bann parey nou ti pe eksplike pli boner sa bann form i pli senp. I montre en keksoz pou en legzanp pou en mwan antye ki mannyer sa travay pou ete.

E la tou bann form pou atase. Nou ti zis arete li pandan *COVID* e nou revwar en pe nou

bann form nou bann formalite e entern.

E sa pou pran apartir le 01 Zanvyè pou tou distrik *across* Mahe, Praslin La Digue.

Lo kote bann nouvo *scope*, wi mon agree ki bann *scope* pe fer li en pe difisil pou zot kapab swiv li zis *standardize* li. E zisteman nou'n fer sa legzersis pandan 2021, pou nou kapab *standardize* li e i pou aparet lo sa nouvo form evalyasyon ek *monitoring* ki nou pou fer sorti.

Selman li osi en kestyon ki difikilte ki nou'n gannyen se en kestyon Bidze, akòz *the more* ou demann en kontrakter pou ou al lo - pli frekans i ogmante pli son larzan osi ki ganny *allocate* pou sa travay ogmante.

E parey nou konnen i annan en kontrent Bidzeter depi 2020/2021, so nou'n bezwen revwar sa en pti pe.

Selman *as much possible* nou anvi *standardise* li konmkwa i ava fer li fasil pou tou *partenaire*. Mersi.

MR SPEAKER

Mersi Mr Mangroo. Nou ava al kot Onorab Lemiel, ou kestyon *please*.

HON SYLVANNE LEMIEL

Mersi Mr Chair. Bonn apre midi ankor enn fwa Minis avek Mr Mangroo, delegasyon.

Mon kestyon i konsernen en lasirans ki ti ganny donnen lannen pase, ti annan en sonm larzan ki ti ganny donnen dan Bidze sa *shredder* kot *landfill*. Mon ti ava kontan konnen si sa *shredder* i an mars? Si in konmans marse pou sa sonm larzan ki ti donn zot pou sa lannen?

E si non, petet mon pa vwar nanryen ki'n ganny met dan Bidze 2022, pou zot kapab fer li vin operasyonnel. *Landfill* Anse Royale ti annan en larzan osi ki ti ganny mete dan Bidze pou sa lannen ki ti'n dir pou *fence landfill* Anse Royale.

Me ziska ozordi mon pa vwar okenn *fencing* ki'n ganny fer Anse Royale. Mon ti ava kontan konnen e dan Bidze osi napa larzan ki'n ganny mete.

So mon ti ava kontan konnen ki arive avek *landfill* Anse Royal, e kan ki *fencing* pou ganny mete?

Mon lot kestyon in ganny tous en pti pe. Me selman petet mon ti ava kontan ganny li pli kler mon pa konnen petet si mon pa'n ganny en konpran Mr Mangroo.

Bann dimoun ki lo *letter of offer, beach cleaning* sirtou mon pou pran akòz mon annan dan mon distrik ki pe ganny afekte ek sa. Wi larzan in ganny koupe. Mon ti a kontan konnen

ki arive ek zot la prezan? Konmsi ki pou arive? *What's next* dan sa sirtou 2022 ki pe vini?

Serten sa bann dimoun zot in *bid* zot osi pou zot reganny en kontra, pa ankor konnen si pou gannyen si pa pou gannyen.

Me selman lo sa *letter of offer* zot annan en kantite travayer pe travay ek zot. Ki arive ek zot? Ki zot adveni pou sa ziska lannen prosenn? Mersi Mr Speaker.

MR SPEAKER

Mersi. Minis ou aa adrese.

MINISTER FLAVIEN JOUBERT

Mersi Mr Chair. Mersi Onorab pou sa 3 pwen. Mon ava zis fer en pti komanter zeneral apre mon ava pas ek Mr Mangroo pou li al lo detay.

Kot i konsern sa *waste shredder*. Sa *waste shredder* in ganny bouze anba langar ki bann laranzman la in ganny fer pou bouz son bann materyo.

Enn bann rezon ki sa prosesis i dousman, se aköz sa depar *STAR* lo *landfill* in pran bokou plis letan ki ti'n *plan*.

Me i pe arive. E nou espekte ki bann keksoz i ava finalize e *STAR* i ava kit landrwa. E tou bann lezot plan

ki ti annan pou sa landrwa i ava kapab met an plas.

Me mon pou pas avek Mr Mangroo pou li koz lo en pe plis detay lo sa *process*, aköz zot in deza demar sa *process* e zot in ganny bann aplikan pou travay lo la. E osi *landfill* Anse Royale sa size *fence* e *letter of offer*. Mersi.

MR SPEAKER

Thank you. Deputy CEO.

DEPUTY CEO RAHUL MANGROO

Mersi Mr Chair. Mersi Minis. Mersi Onorab pou ou keston. Zis pou azout en pti bout lo *waste shredder* nou'n fini fer *tender* sa lannen e *tender* i an de faz, nou'n fini sa premye faz.

La ki reste i reste sa bout kot sa spesyalis i bezwen vini sorti aletranze pou vin donn *training* sa bann *bidders*. Egalman serten *staff* Lazans ek bann lezot zofisye ki son spesyalis i dan sa kot nou pe rode.

E further to - after the apre sa *training* nou pou al dan sa staz finansyel e nou swete ki *by* avan Mars nou'n kapab *secure* en kontrakter pou *run* sa *shredder*.

Dan sa peryod letan ziska Mars nou kot Lazans nou osi

nou espekte pran kontrol sa *site* ki an se moman i *occupied by STAR*.

E ler nou pran kontrol o firanmezir pandan sa mwan Zanvye, Fevriye nou kapab met en pe lenfrastriktir an plas akoz sa *waste shredder* i en *asset* ki pou R2 milyon. Se alor e menm si i annan en lasirans ki kouver li, i enportan ki nou annan bann lenfrastriktir pou ou konnen pou *enclose* li dan en keksoz e prepar son *site* byen, annan *camera* eksetera an plas. So tousala pou ganny fer boner lannen prosen. I annan keksoz in deza demare lo la.

An se ki konsern *landfill* Anse Royale, i *tender* ti ganny fer pou *landfill* Anse Royale. Me selman ki nou ti trouve se ki nou sa larzan ki ti ganny *allocate* i pa ti ase pou nou kapab kouver en bon konponan sa *landfill*, e bon konponan otour sa *landfill* pou sa *fencing* annan son i *serve* son *purpose*.

Longer *landfill fencing* nou ti bezwen ti 700 met nou ti pe al fer *fencing* lavalèr 250 met. Nou pa ti vwar li pratik, akoz zis en dimoun i fer lo trou sa *fence* i antre anndan. Alors sa *fence* pa ti pou neserman anpes dimoun antre.

Parkont nou'n avek *FC*, nou pe gete dan Bidze ki manner nou kapab kouver li

pou 2022, anba nou Bidze menm. E osi petet *reach out* avek bann lezot *donor agency*, *donor bodies* example *ETF* oubyen *Waste Trust Fund*, oubyen menm atraver partenarya prive avek piblik. E pou get bann posibilite pou nou kapab realiz li 2022, be selman nou osi kot Lazans nou santi son lenportans e signifikan sa proze e nou anvi realiz li pou 2022.

Lo kote *letter of offer*. *Letter of offer* in ganny donnen avek lespri, avek lobzektif osi ki kontrakter i la i travay pou en peryod 3 mwan. Ler 3 mwan i fini. Nou evalye li nou *cross-check* avek sa *review* ki pe ganny fer *led by Ministry of Finance* pou nou kapab gete si nou pou re *extend* li ankor.

Selman nou pou fer li par *batch of 3* mwan. Nou pou bezwen fer li koumsa akoz baze lo revè e dat ki zot in *set*, sa komite ki pe ganny *set up* pou etabli sa bann dat ki zot pe mazin *tender* e antre dan nouvo kontra.

Nou bezwen *timing* li en fason ki ler *review* in pare avek zot rekomandasyon, *tender* in sorti *and* nouvo fason fer mon pe dir in sorti. I pa fair ki nou kot Lazans bann kontrakter i annan en nou'n fini siny en kontra *on offer* pou en long

peryod, prezan i fer ki ou konnen nou pa pe kapab kas kontra.

So se sa bann kontrakter zot la pou 3 mwan zot konnen dan zot let e apre 3 mwan nou, nou ava rekonsider ankor en lot 3 mwan zisteman.

MR SPEAKER

Thank you. Onorab Bistoquet.

HON ROSIE BISTOQUET

Mersi Mr Chair. Bonn apre midi avek ou delegasyon. Minis anba (a) *P2 pa P2 - P1 governance and management*, pou *security P1* i annan R600 mil ki zot in demande. Apre mon'n vwar en *Board fees* ki 353mil mon pe demande konbyen *Board* zot annan? Apre konbyen dimoun ki zot annan?

Apre osi mon remake anba ou *P3 landscape and beautification* zot annan, *very high allowances* 467mil ti lannen pase 416 pe demande pou sa lannen?

Apre *overtime* osi 374 lannen pase in monte la pou vin 394. Eski mon pe demande sa bann *allowances* si zot santi poudir travayer zot *Scheme* i pa pe fonksyon parey i ti devret *then* si ou annan plan pou fer en *review*? Akoz *allowances*

avek *overtime* i sitan o dan sa domenn? Mersi.

MR SPEAKER

Thank you. Minis ou larepons.

MINISTER FLAVIEN JOUBERT

Mersi Mr Chair. *FC* i la akote Mrs Karine i kapab donn en pe plis detay. Me selman mon bezwen admet ki mon pa'n konpran 100poursan bann detay sa ki Onorab in dir. Petet si i ti kapab donn nou byen kler lekel paz ki ou pe koz lo la, e ki sonm, e nou ava kapab swiv e nou ava donn ou bann repons egzakt lo sak sa bann *item*. Mersi.

MR SPEAKER

Mersi. Me eski Mrs Cassime in bye konpran? *Ok*. Onorab silvouple klarifye.

HON ROSIE BISTOQUET

PSIP programme (1) governance management and administration. I annan *security enforcement* ki 601mil apre i annan *Board fees, Board members allowance* ki 353. Anba *other uses goods and services*, sa premye. Ganny li? *Ok*.

Apre lot i anba *maintenance* anba *programme*

(3) landscape and beautification services, wages and salaries in cash programme (3) landscape and beautification.

I annan *other allowances* ki ti 467 prezan la zot pe demann 416. Apre *overtime* i 374 e la i 394. Mon pe gete sa gran diferans konmsi dan sa *allowances* pou sa domenn ek *overtime* tou, eski zot annan problem dan zot *Scheme* ouswa da zot *Scheme of Service* ki devret reganny aziste pou asire ki sa gran depans dan *overtime* avek *allowance* i ganny redwir? Mersi.

MR SPEAKER

Byen mersi. Yes madanm si ou'n pare.

FINANCIAL CONTROLLER KARINE CASSIME

Mersi Mr Chair. Mersi Onorab pou ou bann kestyon. Mon ava tous en pti moman konsernan sekirite. Sa R600 mil sekirite i *actual* kontra, nou annan en Kontra avek en lakonpanyen sekirite ki vin kot nou *main office*. Apre anler son Sans Souci *nursery*. Sa i *actual cost* sa kontra.

Apre dezyenm konsernan *Board fees*, ou'n demann nou konbyen mwan, en pti moman mon ava zis konte mon annan

sa lenformasyon konbyen Manm.

Nou annan zis en *Board* lo sa *Board* nou annan nou wi nou sipoze pe redwir pou vin 7, me selman pou lemoman pa ankor materyalize sa, nou ankor pe travay lo la.

Apre lo konsernan program 3, sa diferans ou pe dir nou i annan en *decrease*. Sa *decrease* se akoz i annan bann zofisye osi ki'n *resign*. Prezan ki fer bann kou saler in revize osi. Mon'n reponn tou madanm?

MR SPEAKER

Bon, nou ava aksepte sa. Nou ava kontinyen Onorab Woodcock.

HON WAVEL WOODCOCK

Mersi Mr Speaker. Bonn apre midi Minis ek ou lekip. Mon kestyon i kot i konsern sa R400mil pou *fencing* lo *landfill*. Annefe sa ti pou sa proze ti pou sa lannen. Me selman ler mon pe gete sa proze pa ankor konplete, akoz i annan en bon pe otour sa *landfill* i annan landrwa ki pa ankor met *fence*.

Epi mon lot kestyon kot i konsern renovasyon lo sa *nursery building* ki ti pou en sonm R627mil pou sa lannen. E mon kestyon si zot in konplete sa proze?

E finalman kot i konsern *municipal waste collections services*. Kot i konsern lo Baie Ste Anne ti annan en *issue* avek sa dimoun ki ti ganny *awarded* sa kontra. En dimoun lo Mahé ki pa ti pe fer sa louvraz e sa Kontra ti'n ganny *awarded* avek en dimoun. Pa neserman *awarded* lo en lonterm avek en dimoun Praslin, i zis en dimoun ki ganny bann pti kontra - *short term Contract* pou detrwa 2 mwan 3 mwan apre i bezwen renouvle.

Alor mon anvi konnen konmsi ki travay ki pe ganny fer pou nou ganny en dimoun, ki i annan en kontra permanan olye sa bann zafer 2 mwan 3 mwan.

E finalman mon anvi felisit *LWMA* pou sa bon travay ki zot in fer, ki zot pe fer lo Grand Anse. Annefe Grand Anse i bann distrik pli prop ki annan Sesel. Mersi bokou.

MR SPEAKER

Mersi. Wi Minis.

MINISTER FLAVIEN JOUBERT

Mersi Mr Chair. Mersi Onorab pou ou sa pwen. Simon konpran ou byen, ou'n koz lo renovasyon *nursery building* Amitie e osi *fence* pou *landfill* e apre ou'n demann *kestyon*

konsernan sa *tender* pou *waste collection zone* Baie Ste Anne. Mon pou demann Mr Mangroo pou donn detay lo sa 3 size. Mersi.

MR SPEAKER

Mersi. Mr Mangroo.

DEPUTY CEO RAHUL MANGROO

Mersi Chair, mersi Minis, mersi Onorab pou ou *kestyon*. An se ki konsern sa *fencing* ki nou Bidze i en larzan ki nou'n *bring forward from* nou pe *bring forward* pou lannen prosen. Akoz sa proze i pou finaliz li e ler nou'n esper sa peryod letan ki nou apel *liability defects* i pou'n desot pou lannen 2022.

So nou'n *carry* li *forward* konmkwa nou kapab efektye sa peyman boner 2022. I pou kouver prensipalman sa bor. I pa pou al fer bokou *landfill*, akoz enn nou pa ankor byen etabli balizaz *landfill*.

Sa i en travay ki nou swete anba lannen 2022, nou kapab trouv finansman dan nou Bidze pou nou kapab ler nou fer - nou *designate* nou *landfill*, e zisteman nou konn son bann balizaz egzaktaman, par rapor ek bann lezot later ki i annan otour *landfill*.

Selman ki nou'n konstate se ki nou bezwen *at least* fer

bann *landfill* avek sa semen sa ki vir avek *Airport*. So nou kapab konfirmen ki sa i pou ganny fer, sa bout ki pran depi lo nou baro pou al deryer kot bann laferm deryer.

Sa morso devan ti dan nou plan, me selman akoz i annan pou fer i annan proze *extension Airport SCAA*. i annan diskisyon ek *SCAA* pou nou nou'n fini konmans diskisyon avek *SCAA* konmkwa semen nou, nou konmans travay lo semen ki pou ganny *diverted* anndan pre kot *SLTA*.

Akoz i pa vo lapenn nou al bar en landrwa apre nou vwar nou pe perdi. So ler nou ganny byen sa kordinasyon sa repons ek *SCAA*, nou *peg* byen landrwa la nou ava kapab *extend* nou *fencing* en pe pli byen. Mersi lo sa kote.

Lo kote *nursery building*, in fini ganny konstri. I annan en *liability period* ki sa ki nou bezwen *extend* sa. E se sa ki i aparet la lo nou dokiman. Selman in fini ganny fer eksetera.

Lo kote *municipal waste collection* sa diskisyon in fini in ganny fer avek *POU*. Nou ti pe esper dokiman ofisyel avek zot. Me selman nou'n ganny *green light* pou nou kapab *settle* rezourd sa *issue*. Nou pou kominik ek sa kontrakter la

pandan mwan Desanm. Me selman fodre note ki in la tout otour nou.

So nou pou zis met *officially* pous sa keksoz *to rest* e i ava kouver *retrospectively*. E egalman osi pou dan prosedir lans *tender*, pou *municipal waste collection* i annan *lots* lo Mahé ki reste egalman Perseverance *door-to-door* e Baie Ste Anne osi Praslin i pou ladan pou nou kapab *tender* li de nouvo. Mersi.

MR SPEAKER

Thank you Mr Mangroo. Onorab Uranie.

HON ROCKY URANIE

Mersi Mr Chair. Bonn apre midi tou koleg Onorab, tou zabitan Zil Pros a lekout e byensir Minis avek ou delegasyon.

Minis ou annan de kestyon. Premye kestyon direk lekel ki responsab pou netway bann drenaz anndan e osi fer *desilting* dan sa 5 *main drain outlets*?

Apre akoz e ki kriter ki zot in servi pou fer *redundancy* kot *LWMA La Digue*? Ti annan 6 travayer, zot in tir 4 i reste 2, eski ou krwar sa 2 pou kapab fer zot travay pou zot e osi akonpli louvraz ki sa 4 ti pe fer?

E si pou annan en reminerasyon pou sa de travay pou louvraz an plis ki zot sipoze fer? Mersi.

MR SPEAKER

Mersi Onorab. Minis ou ava pran kestyon.

MINISTER FLAVIEN JOUBERT

Mersi Mr Chair. Mersi Onorab pou sa de kestyon. Kot i konsern bann *outlet*, i ankor aktyelman *outlets* i partaze ant Minister anba sa bann proze *desilting* avek drenaz e osi k *LWMA* i fer en pe. E nou rekonnet poudir sa i en konfizyon. Alor i annan en diskisyon e ou pou osi ganny enplike ladan ki nou pe *plan* mon pa konnen si dan en semenn detrwa zour.

Pou nou met annord sa sityasyon lo La Digue lefe ki nou annan en sel group en sel dimoun ki responsab ;- pa en sel dimoun en sel Lazans ki *oversee* travay kot i konsern drenaz, kot nou pa ganny sa bann konfizyon, e nou pa ganny sa bann problem retar ki apre i koz lenkonvenyans linondasyon.

Alor parey mon'n dir i annan de lorganizasyon. Me nou bezwen fer sir ki nou re *realign* nou bann travay ki

responsabilite i vin pli kler lo drenaz La Digue.

Lekel ki ti pran desizyon pou ferm Lazans pou fer redwir sa kantite dimoun lo *LWMA* lo La Digue? Sa i en desizyon ki sorti kot *Cabinet*, letan bann revi efikasite Gouvernman ti pe ganny fer.

E desizyon rezonnman par deryer se ki akoz ozordi letan ou get dan lekip ti annan aktyelman 3 dimoun ki ti sipoze fer *landscaping*. Me ozordi *LWMA* nepli fer *landscaping* lo La Digue. Alor i nepli annan rezonnman pou nou - I nepli annan en zistifikasyon pou nou annan 3 dimoun ki fer *landscaping*.

Rediksyon dan lakantite i ti kapab de oubyen 3 me finalman i vin de, me nou krwar ki avek bann lafason pou travay i kapab ganny partaze ant Praslin ek La Digue, nou *still* kapab fer menm fonksyon.

Akoz *LWMA* son fonksyon lo La Digue pou kontinyen reste, Verifikasyon travay lo kote netwayaz, *operate landfill* lo bann zour ki pe ouver. E asire ki bann tranzaksyon i ganny fer ek sa kontrakter ki pe fer *commercial waste*. E sa i en tranzaksyon ase senp pou nou kapab ganny bann lenformasyon e sa i ganny transmet lo kote Mahé, pou

nou konnen ki mannyer i pe *perform*. Sa kontrakter ki pe fer *commercial ek municipal waste collection*. Sa i 3 rol prensipal.

E nou krwar ki menm si i annan sa sanzman dan lakantite dimoun, nou *still* kapab aranze, pou ki travay i ganny kouver an servan lekip Praslin, La Digue. E i a kapab kontinyen fonksyonnen san en gran problem lo La Digue.

Alor nou pa trouv li en problem. Annefe ki i annan sa rediksyon, mon krwar ki aktivite *LWMA* i kapab kontinyen lo sa zil. Mersi.

E ou ti'n osi demann lo reminerasyon si pou annan. Sa i pou en kestyon administratif ki pou bezwen get ladan. Si sa bann dimoun pe ganny donner louvraz an plis, e zot louvraz i diferan ek sa ki zot ti pe fer avan. Byensir zot reminerasyon i bezwen ganny aziste pou reflekte sa sanzman dan zot kondisyon travay. Mersi.

MR SPEAKER

Mersi Minis. Onorab Adelaide ou kestyon. *Sorry* i annan ankor dimoun ki ti'n lev lanmen la? Non napa. *Ok* Onorab Mondon alor. Onorab Mondon.

HON TERENCE MONDON

Ok mersi Mr Chair. Mon annan de pti kestyon. Premye kestyon dan lespri fer plis avek mwens. Mon krwar i en mesaz ki ganny i fer pase dan Bidze.

Netwayaz lans ki mon krwar i landrwa kot nou kapab fer plis avek mwens.

Mon anvi konnen eski zot in fer en revu pou regard sirfas oubyen sa lespas ki zot donn kontrakter ki zot met an Kontra pou kontrakter netwaye konpare avek sa vre lespas ki nesese netwaye?

Akoz ler ou gete i annan bann landrwa parey Anse Forbans i annan landrwa ki letablisman touristik, i deza pe netwaye zot menm.

E deza nou annan en kantite dimoun ki pe fer sa volonter pou anmas sa bann salte ki zet en pe partou. Mon krwar i nesese nou regard sa lespas ki nou donn kontrakter, konpare avek vre lespas kekfwa ki nesese.

Dezyenman, i mon kestyon i relye avek serten konplent. Mon anvi konnen aköz ki Lazans i pey kontrakter plizyer zour apre lafen dimwan. I annan ki mon ganny dir i annan ki al ziska 10 zour apre ki sa mwan in fini.

I koz bokou lenkonvenyan pou sa kontrakter aköz i annan dimoun pou peye. Mon anvi

konnen akoz sa i arive? Mersi Mr Chair.

MR SPEAKER

Mersi. Minis pare pou adres sa?

MINISTER FLAVIEN JOUBERT

Mersi Onorab pou sa kestyon. Mersi Mr Chair. Kot i konsern netway lans kot i kapab fer plis avek mwens. Byensir i annan bann posibilite pou Lazans kolabore avek bann dimoun par egzanp ki annan bann letablisman touristik pou koup en pe lo depans.

Me selman nou bezwen rekonnet e nou deza fer sa leksperyans dan lepase. Menm si mon pa ek *LWMA* la ozordi. Ki letan ou depan lo sa bann lenstriksyon parey lotel, i arive ki zot kapab sanz keksoz e apre ou vwar ou avek difikilte kot ou napa ou pa'n fer provizyon pou sa landrwa.

Alor normalman provizyon i *still* ganny fer pou sa landrwa, me si ou benefisye avek en lotel par egzanp ki pe fer en bout, *then* ou kapab redeplway sa resours en pti pe pli lwen e benefisye dan en lot fason. Ouswa menm dan serten ka fer sa dimoun netway pli lwen deryer lans, kot i kapab *at least* kouver bann lezot landrwa sa ki

pa ti pe ganny kouver anba netwayaz lans.

Me selman mwan mon leksperyans se ki ennler i vin en konplikasyon letan ou pe depan lo en dimoun pou netwaye. E apre ou vwar ki sa dimoun i pa onor sa bout e apre ou bezwen retournen e al rod resours adisyonnèl pou ou fer li.

Mon pou pas laparol avek Mr Mangroo kot i konsern bann peyman, e bann dat limit ki normalman i ganny donner pou peyman. E nou annan de dimoun ki osi konpran byen finans se nou zofisye kot Minister Finans e osi *FC* i ava kapab donn fou egzakteman ki bann lareg konsernan peyman ki egziste ozordi dan Gouvernman. Mersi.

MR SPEAKER

Mersi. Wi *Deputy CEO*.

DEPUTY CEO RAHUL MANGROO

Mersi Mr Chair. Mersi Onorab pou ou kestyon. Sa pwen ki ou'n leve i en pwen ki valab. Be selman nou nou'n dan nou prosis pou nou akoz sa i ganny mete dan *tender*. Sa *tender* kordinen ki ti fer atraver ki ti pas atraver *POU*.

Now e sa bann dat ti ganny preskri ladan. Nou osi nou'n vwar ki i akoz ki arive sa

ki kontra i dir akoz nou'n pou eksplik pli byen nou'n konsilte Departman Lanplwa, nou'n konsilte egalman *DPA* osi pou nou vwar be ki nou vwar i annan de balans ek sa ki Lalwa Lanplwa i dir avek bann ki sa ki dan kontra i dir.

Sa ki dan kontra i dir i spesifye sa ki kontra i dir i spesifye sa ki kontra.

Petet Gouvernman i bezwen pran en desizyon lo kote *align* bann kontra avek Lalwa Lanplwa. Konpran so en *Contract service* i pa neserman al anliny avek Lalwa Lanplwa e sa ki fer sa.

Kot *LWMA* nou nou'n fer nou mye pou pa pli tar ki le 5 pou pey kontrakter. Akoz i osi annan sa konsern ki travay i bezwen ganny fer apre ki kontrakter i ganny peye.

Akoz dan lepase ti pey zot en pe boner. So petet en travay ki nou bezwen fer pou sa lannen boner sa lannen, se asiz ek Minister Finans ek *POU* ek Departman Lanplwa pou nou kapab *align to* sa bann dat zisteman kot i annan bann *disparity between* zot. E enn fwa pou tou si lemoman ki nou ganny en repons lo la, nou kapab asiste nou peyman. Petet *FC* osi i kapab preskri kwa ki in dir anba-

MR SPEAKER

FC ou ti ava kontan adrese?

FINANCIAL CONTROLLER KARINE CASSIME

Mersi Mr Chair. Mersi Onorab pou ou kestyon. I zis parey Mr Deputy in eksplike, ler nou gete wi Lanplwa akoz sa bann kontrakter zot anploy bann dimoun pou travay avek zot.

Wi Lanplwa pe dir zot ganny trete parey bann *employees*. Me selman avek nou zot bann kontrakter, konpran so nou, nou bezwen apre osi i annan en pti bout enportan ki petet nou'n manke pou mansyonnen, ler sa bann *invoice* i antre dan Lazans i annan bann prosedir ki bezwen ganny fer.

E nou bezwen osi fer byen atansyon mannyer nou *deal* avek sa bann *invoice*. Nou bezwen fer sir avan i ariv kot Finans, seksyon Finans tou *invoice* i ganny stanpe, in ganny aprouve. E nou pe vwar lo la bann lenstriksyon ki'n ganny mete.

Par egzanp si en kontrakter in performen in perform 100poursan oubyen si i annan *deduction* tousala nou bezwen *take note*.

Apre osi i annan bann lezot prosedir finansyel ki nou,

nou bezwen fer anndan. I annan sa dat ki Lazans in *set*, pou *ensure* ki kontrakter i ganny peye *at least by* le 5.

Me selman nou lo nou kote Finans i en kantite presyon. Me selman nou sey nou mye. Me selman dapre *financial regulations* sirtou *invoice* Kontrakter *and invoices* nou annan apepre 15 ;- i depan i annan 15 a *30 days if I am not mistaken* pou nou pey en *invoice* ler i ariv anndan dan Lazans.

Pete Ms Croisee i kapab koriz mwan lo la. Me selman sa apepre ki nou sey servi anndan dan Lazans. Mersi.

MR SPEAKER

Mersi. Ms Croisee ou annan okenn keksoz ki ou bezwen azoute? Mersi i korek sa ki in dir. *Ok* tre byen. Donk nou ava pran keston Onorab Aglae.

HON EGBERT AGLAE

Mersi Mr Chair. Bonn apre midi Minis ek *panel LWMA*. Minis mon pe met en pe konsern devan ou la kot i konsern kontra sirtou kontra semen.

Ou'n fer resorti ki larzan ki ou annan ziska *maintenant* i ase pou ou pey bann kontrakter. Ler mon pe get pou 2022 dan Bidze li menm li, mon

vwar en rediksyon apepre R3 milyon *ok* ?.

Lo kote *roads*. *Ok?* Sorti 72 pou desann 69milyon *ok?* So sa ki mwan mon anvi konpran la mwan, eski akoz sa 3milyon petet si ou ti pou pey en kontrakter R30mil par mwan, savedir ou pou annan ou apepre 10 kontrakter ki pa neserman ki pou bezwen swa sorti. Ouswa sa legzersis ki zot pe fer koupir i pou reflekte sa rediksyon 3milyon? Sa si ou kapab eksplik mwan.

Osi mon ti ava kontan Finans i pronons son lekor dan sa legzersis ki sipoze fer pou kapab ki mon ti ava swete ti ava'n fer ek nouvo Bidze la, en mannyer ki sa ki lo petet i ganny en kontra ki *secure*. So eksplik m on en ptigin mannyer nou pou ale.

Dezyenmman kot i konsern *bus shelter*. I annan 1.6 milyon pou netwayaz *bus shelter*. Zis eklersi mon si tou *bus shelter* i tonm ladan, ouswa i annan *bus shelter* ki *selective* pou ganny netwaye? E dernyen i annan en logmantasyon dan *public toilets* sorti 800mil pou mon 1.5milyon.

Eski ladan osi akoz mon annan en *public toilet* dan Port Launay, Port Glaud ki mon ti ava kontan *LWMA* i pran zerans

akoz difikilte finansyel ki serten distrik i pas atraver? Mersi.

MR SPEAKER

Mersi Onorab. Minis wi.

MINISTER FLAVIEN JOUBERT

Mersi Mr Chair. Mersi Onorab pou ou bann pwen. Mon pou partaz laparol avek lezot dimoun isi devan. Me selman mon pou reponn sa enn konsernan *public toilet*, *LWMA* i responsab aktyelman mon krwar 4 oubyen 5 *public toilet* in ariv 4 la pou lemoman.

E wi 4 i korek. E sa i pe ganny fer dapre bann alokasyon ki pe ganny fer ki i annan. Si i annan en propozisyon pou met lezot *public toilet* dan sa *pool operate toilet managed by the agency, then fair enough* me selman fodre i annan sa lokasyon bidzeter ki vin avek. Pou li kapab ganny fer.

E byensir parey nou konnen i kapab vin en sours reveni pou en lot dimoun ganny en pti louvraz, pou li *maintain* en *public toilet* dan rezyon Port Launay.

Kot i konsern *bus shelter*, e osi *roads* bann mouvman dan Bidze. Dapre leksplikasyon ki mon'n gannyen pa tou ki bann koupir plito bann re alokasyon.

Me mon pou demann *FC* pou al en pe dan detay pou vreman eksplik ou kote sa bann mouvman i arive e si larzan pou ase pou kontinyen avek sa bann travay an 2022. Mersi.

MR SPEAKER

Mersi.

FINANCIAL CONTROLLER KARINE CASSIME

Mersi Mr Chair. Mersi Onorab pou ou kestyon. Si zis mon kapab brefman eksplike, wi nou'n fer en pti pe re-alokasyon Bidze. Me selman osi nou'n fer en legzersis entern. Akoz ti annan bann eleman *tender* kontra. *As and when* ki rezilta ti pe rantre, nou ti pe reviz nou bezwen reviz nou lalis. So nou'n bezwen fer en *revised list* dapre sa lalis sa i tou bann kontra ki nou sipoze pe peye.

Me selman osi i annan landrwa prezan ki nou nou'n bezwen reaporsyonn sa larzan sirtou in al anba *bus bin sites and bus shelters*. Mersi.

MR SPEAKER

Wi Onorab pwen.

HON EGBERT AGLAE

Wi Minis merit pou ou larepons avek ou *FC*. Sa ki mwan mon pe petet eklersi en

pti pe pli profon la. Ou'n dir poudir gete i annan 72milyon lannen pase e la ou annan ou 69milyon dan *roads*. Apre i annan 2milyon ankor dan *roads* apre i annan ankor 10 milyon dan *roads* dan zot vot *roads* la. Mon pe get byen zot detay la *ok*?

Ladan i annan apepre 3 milyon koupir. So eski sa 3 milyon koupir i reflekte lo sa negosyasyon ki zot pe fer akoz sa bann kontra in deza la. Eski sa i pe reflekte avek sa bann koupir ki zot pe fer, sa bann *off* redwir pou *match* sa 3 milyon ki pou manke lannen prosen? Sa ki m on anvi konnen.

MR SPEAKER

Mersi. Okenn klarifikasyon lo la?

MINISTER FLAVIEN JOUBERT

Mersi Mr Chair. Mon pou zis klarifye en pti keksoz petet sa 3 *roads* parfwa zis avek Onorab. Ou vwar 3 *roads*, 3 *public beaches*, 3 *bin site*. Sa i Mahé, Praslin La Digue sa. I bann alokasyon par zil.

Si ou vwar i annan 3 lalinye se pou 3 diferan zil e *FC* i ava donn ou detay lekel Kod ki aplik pou sak zil. Me mon ava les *FC* al ankour en kou dan sa bann detay. I ava klarifye en pe sa

rediksyon ki ou pe koz lo la. Mersi.

MR SPEAKER

Mersi wi *FC* sey regarde ki ou kapab fer.

FINANCIAL CONTROLLER KARINE CASSIME

Mersi Mr Chair. Mersi Onorab. Wi anefe wi lakoz ler nou ti fer sa legzersis nou ti pe fer li reflekte en pe bann koupe ki pou annan. Bann rediksyon dan bann kou.

So nou, nou bezwen met bann petet *the estimated figure*. Me selman ki pa ki mannyer mon kapab met sa ki realistik *so that's why* i annan sa pti rediksyon dan sa sonm.

MR SPEAKER

Mersi. Mersi *FC*. Onorab Georges ou annan en pti pwen?

HON BERNARD GEORGES

Mersi Mr Chair. Mr Chair anefe mon annan 2 ou 3 pti pwen. Premye Minis mon konn ou *thinking* lo la akoz ou'n deza partaz sa avek mwan.

Me mon ti ava kontan pou lapenn ki nou pe diskit lo Bidze ozordi, pou ou oubyen Mr Mangroo mon pa konnen, ti ava kapab dir nou, ki zistans zot plan i ete lo triyaz bann dese

domestik dan bann lakour oubyen dan bann vwazinaz?

Mon vwar dan enn de landrwa par egzanp dan distrik mon koleg ki asiz obor mon Onorab Sandy Arissol, in konmans vwar bann *bins* diferan kouler pou ede triye. E mon konnen ki nou pei i bezwen al dan sa direksyon a serten moman.

E kekfwawa pou bann rezon ekonomik la i pa lemoman pou fer li. Me mon ti ava kontan si ou ti ava kapab partaz avek nou *at least* en *timeframe* dan sa detrwa lannen ki pe vini si nou pou arive laba?

Antretan e mon konsyan sa ki Minis in dir taler lo konman ou netway en landrwa en dimoun i kas *tiles* kot li apre i vini i met la obor bin.

Mon ti a kontan konnen si zot krwar ki i annan en posibilite si i pou marse - mon pa tro sir aköz nou konn nou dimoun - si nou idantifye en *area* dan sa distrik oubyen dan sa sou-distrik, kot *vegetable waste*, brans bann keksoz koumsa i kapab ganny depoze dan en landrwa santral par bann dimoun ki'n netway kot zot.

Oubyen *household waste* anfen pa *household waste* me bann keksoz parey bann vye *fridge*, bann laport, bann *tiles* ki

ou'n tire eksetera i kapab mete, pou ankor enn fwa sa ganny ranmase dan en landrwa spesifik. Ed mwan silvouple avek lo en lide lo ki sa ki nou kapab espekte dan sa bann lannen ki pe vini, lo dan sa direksyon.

E finalman mon ti ava kontan anmenn zot anler Ma Josephine. Aköz parey zot konnen parey tou Sesel i konnen Les Mamelles i pli zoli distrik ki nou annan isi Sesel. E ler ou debout lo son *border* anler Ma Josephine, ou realize ki mannyer i en distrik ekstra ordinerman zoli.

Me i annan en *area* en zoli pti *view point* kot Minis Fonseka lontan ti kontan sot dan parasit ;- kot dimoun i vini. E la malerezman aköz i pou popiler nou'n ganny nou'n vwar ki i annan vandalis avek bokou dese, bokou dega ki pe ganny fer.

Ed mwan silvouple ki mannyer nou kapab an rei sa? Eski par egzanp *LWMA* ti ava kapab pran sa anba zot lezel, pou fer sir ki sa bann vandalis pa arive? Oubyen ki detanzantan, par egzanp nou konnen dimoun i vin tir gazon la pou al plant kot zot, e tanzantan ou vwar bann zoli kare gazon in disparet. Ki mannyer nou kapab anpes

oubyen ki mannyer nou kapab fer sir ki bann detritis ki ganny kite la i ganny anmase? Akoz i pa bon pou lanvironnman. I sertenman pa bon pou nou distrik.

E si i annan okenn touris ki vin marse la i annan bokou, i sertenman pa bon pou nou limaz nou lendistri touris. Mersi Mr Chair.

MR SPEAKER

Mersi Onorab Georges. Minis ou annan 3 pwen la.

MINISTER FLAVIEN JOUBERT

Mersi Onorab pou ou *Leader Government Business*. E mersi Mr Chair.

Mr Chair mon krwar sa bann pwen i ase enportan pou nou koz lo la akoz i bann demars ki nou merit pe fer konman en pei.

Kot i konsern triyaz, mon pou dir ki nou'n dan lepase nou'n kominik bokou nou bann lanbisyon.

Me en keksoz ki nou'n realize e sa nou'n realiz li byen kler letan nou ti pe konmans demar en programm avek *La Reunion* an lannen 2019 mon krwar, '18 aktyelman. Se ki nou sistenm ki nou annan ozordi i pa ankor pare pou sistenm triyaz. Akoz enn nou

servis koleksyon mannyer i ete i pa a sa oter i pa pe kapab donn nou sa fasilite triyaz ki nou bezwen.

E osi apre koleksyon, nou napa sa bann fasilite pou nou kapab pran sa bann materyo ki'n ganny anmase e anmenn li dan bann lezot fasilite pou transformasyon, ouswa resiklaz.

Alor ki nou pe fer nou pe travay l ode kote. Enn bann keksoz ki nou pe travay lo la. Se parey nou'n koz lo la se sa servis en bin pou sak lakour. Son lentansyon se pa zis pou donn en bin pou sak lakour.

Me pou fer dimoun abitye avek en servis koleksyon pa toulezour akoz parey mon'n deza dir dan lepase, Sesel i en pti pe abnormal, kot nou enn a bann rar pei kot salte i ganny anmase toulezour tou salte toulezour.

Aktyelman ou kapab annan en sistenm kot ou anmas serten salte ki bezwen ganny anmase toulezour, tou le 48 erdtan me larestan salte pa ganny anmase i ganny triye i ganny anmase bokou pli a en frekans bokou pli long ki sa. Ki fer ki letan ou konminyon pe antre dan *landfill* ouswa dan ou fasilite, i pe vin ek en kalite salte sak fwa e non pa toultan en salte melanze.

Nou sistenm mannyer i ete i fer ki nou annan en kantite salte melanze toultan. Plastik melanze avek brans dibwa. Melanze avek keksoz ki pouri eksetera, eksetera.

E alor keksoz ki nou pe fer se travay - atraver sa proze par egzant ki nou ti pe fer, i annan proze ki pe ganny fer dan bann *housing estate*. I annan prize ki pe fer kot lekol pou fer dimoun abitye avek en sistenm kot triyaz i normal.

E menm la nou'n koz lo la nou dir nou annan en program ki nou pe fer avek bann batiman Gouvernman, kot bann dimoun osi i bezwen aprann ki savedir met ou papye apar, met ou bann bwat manze apar, met tou bann lezot keksoz, pet, ek *can* eksetera dan en lot bin ki kapab ganny tire apre.

Alor nou bezwen fer sir ki nou sistenm ki nou annan i ganny aranze, pou li fasilite triyaz. Lot keksoz ki nou bezwen fer se aranz nou fasilite a lafen koleksyon, pou nou kapab ganny sa bann materyo e fer li ganny transformen dan lezot keksoz ouswa menm ekspote.

E la parey mon'n dir, nou pe travay pou nou met an plas bann lezot mezir pou ankouraz bann dimoun pou antre dan sa

bann sekter pou zot fonksyonnen.

Ozordi i annan plizyer bann kalite salte ki dimoun pa oule anmase, akoz i pa fer sans ekonomikman pou zot. Finansyelman i pa enteresan, menm si i kapab vin enteresan si nou organiz nou. Savedir nou bezwen met bann mezir ekonomik bann mezir finansyel pou fer ki dimoun i kapab kolekte sa bann keksoz.

Par egzant batri, par egzant bann transpor ki'n ariv a lafen zot lavi par egzant bann *circuit board* elektronik, i annan lavant pou sa bann prodwir. Kartron i annan en kantite lavant pou sa bann prodwir me si i pa'n ganny separe, si in pa'n kolekte dan en fason endepandan prop, i pa pou ganny okenn valer.

E alor nou bezwen met an plas sa bann mezir pou ki sa bann dimoun ki dan sa bann aktivite zot kapab trouv en valer ekonomik, e zot kapab kontinyen fonksyonnen parey nou'n vwar avek *pet*, *can* e la prezan *glass*.

Alor nou bezwen met sa bann mezir osi an plas pou ankouraz fasilite pou sa bann kalite sa bann kalite salte.

Mon'n koz lo *commercial waste collection* ki aktyelman i dan *Gazette* aktyelman la.

Ladan i annan bann *fees* ki nou'n fer ki par egzanp nou'n met en provizyon ki si ou anmenn kartron par egzanp ki prop, ki napa okenn kontaminasyon ladan, ki benefisye en dimoun ki annan en laboutik. I fer ki ou pey bokou mwens si ou amenn kartron melanze avek salte, keksoz ki pou pouri ouswa lezot keksoz.

Alor pou nou ankouraz separasyon e si en dimoun li prezan i pe fer en loperasyon pou pey an bal kartron, e i pe fer ale si i pe ganny akse avek kartron ki prop son biznes in fini korek li, in preski fini *ok*. Akoz i pa bezwen al anmase. I pa bezwen vwar li avek materyo depans zefor pou li al triye e perdi larzan ladan.

Alor i vin enteresan ekonomikman pou li. Alors sa bann keksoz koumsa ki nou bezwen travay tou le de kote nou sistenm koleksyon, e lo sistenm triyaz ek ki mannyer nou pe dir ver bann lezot marse. Ki prezan nou kapab annan en sistenm ki fonksyonnen. Me i pou enplik en bon pe travay.

Me dan 2022 ki nou oule fer, se travay lo sa bout sistenm finansyel ki nou oule met an plas en sistenm ki - kopi i en pe parey sa ki nou annan pou *pet* ek *can*. Me nou aplik li lo bokou

plis prodwir ki pe antre dan pei ozordi.

E osi devlop sa bann program dan bann distrik, pou ki nou annan bann fasilite ki korek e non pa bann fasilite ki annan ki ankouraz nou annan bann salte melanze, e ki i pou pran en kantite zefor pou separe.

Menm si bokou dimoun in koz ek nou lo fasilite triyaz e lizin kot ou fer triyaz travayer ek tou bann lekipman ki vin avek, mwan mon'n vwar lizin kot i fer triyaz e normalman napa pouritir ki pase ladan. I bann salte ki sorti dan en bin ki'n deza annan en pe tri avan.

Savedir ou annan en bin letan ou devid li i annan en pe plastik ladan, i annan en pe *can* ladan en pe boutey ver. Prezan ou kapab separ li apre tire.

Me si i annan pouritir, si i annan brans dibwa melanze parey nou pe vwar sorti obor semen ozordi, i pa kapab ganny fer triyaz. Sa i vin en sityasyon kot ou bezwen *landfill* tou keksoz ansanm.

Kot i konsern en sant rezyonal sa i en demars ki nou'n fer Onorab e mon krwar bann dimoun ki'n pas Barbarons zot ava realize ki nou ti konmans fer en travay avek Lasosyasyon Fermye Anse Boileau ti deza annan en masin ki fer

shredding avek, kot nou ti oule annan en sant rezyonal pou bann *green waste* pou lakot was Mahé, pou konmans avek akoz nou ti'n ganny lespas. E nou ti deza annan en masin kot dimoun ti kapab vin anmenn zot materyo.

Me la aktyelman i annan en problem later kot sa aktivite i bezwen ralanti menm arete en pe letan. Nou pe sey fer demars pou nou retrouv lespas pou nou donn sa bann dimoun e apre anvoy lanons dir ek dimoun letan ou annan pye dibwa pa bezwen met li obor bin. Pa ni bezwen desann avek Providence, me plito anmenn li dan sant rezyonal kot sa dimoun i fer konpos avek a kapab deservi i pa pou kout ou bokou.

Egalman nou ti oule annan bann fasilite parey dan bann diferan rezyon lo Mahé Praslin e nou pe mazin fer dan rezyon sid. E sirtou dan rezyon nor Mahé kot i annan en kantite lakaz me napa ase lespas pou met bann materyo *green waste*, parey nou dir obor bann bin.

Alor sa nou konsyan ki nou bezwen kontinyen rod lespas pou li. E zis fasilite bann dimoun pou ganny akse avek bann masin e zot ava fer akoz konpos i vann, e sa bann dimoun zot tir zot larzan lo

lavant sa bann materyo ki zot prodwir.

Tiles nou'n koz *tiles* obor bin. Perseverance nou ti'n koz avek Minister *MLH* pou zot donn nou en landrwa pou zet sa bann *tiles*. Sa landrwa ti *available* tanporerman ziska ler nou fer konstriksyon lo la.

Me enn bann difikilte ki nou vwar se letan ou kree en landrwa pou ou met sa bann salte parey, normalman ou kapab servi li pou konble avek. I annan dimoun ki vin zet salte ladan. Zot konminyon salte ou vwar ou *end up* avek en lot pti *landfill*.

Sa i en problem ek nou bann zabitan. Mon krwar nou tou nou bezwen eksplik nou bann zabitan pou pa fer sa bann kalite keksoz.

Kot i konsern Ma Josephine, mon ava pas Mr Mangroo lo netwayaz *view point*. Me mon ti a voudre zis fer resorti Onorab ki dan lepase akoz ki nou'n pran petet nou bezwen reget li osi kot sak fwa i annan en problem nou bloke pou anpes dimoun al tou landrwa zis pou zot pa fer salte ?

Me plito nou bezwen travay lo nou dimoun, e ankouraz zot pou zot pa zet salte. Mon konnen i annan sa largiman ki napa bin. Me si ou

ti pe mont ek en boutey delo dan ou sak ziska Ma Josephine ti lour sa letan, letan ou'n fini bwar li in fini vin leze, mon pa vwar okenn rezon pou pa kapab desann avek. Akoz i zis en boutey delo ki vid.

Alor mon krwar nou bezwen edik nou dimoun pou li desann ek son salte e retourn e met dan en landrwa ki apropiye, olye ki nou bezwen al met li dan tou bwa lo tou *view point* dan pei. Mersi.

MR SPEAKER

Deputy CEO ou annan keksoz pou azoute?

DEPUTY CEO RAHUL MANGROO

Mersi Mr Chair. Mersi Minis, mersi Onorab pou ou kestyon. Zis pou mon petet azoute se kot Lazans nou ava travay avek ou lofis egalman ek *DA* pou nou kapab rod en solisyon kantmenm tanporer pou sa sityasyon laba.

Oubyen petet i pa pou en solisyon, me selman i ava pez en pe sa sityasyon petet si i annan plis prezans dizon en kontrakter mon pa ava vwar sa kantite vandalizm dimoun i en pti pe pli konnen, *cautious*, en pti pe ler zot al laba pa fer nenport kwa.

Me selman i enportan parey nou dir parey Minis in dir pou nou konpran ki si sa i en landrwa prive menm si i en landrwa Leta si nou pou al dan tou landrwa i vin en kou bidzeter en kestyon Bidze i vin avek.

Me selman an menm tan nou tir sa responsabilite avek dimoun ki servi sa landrwa nou anvoy li lo en lot. A lafen dizour nou tou nou rezouir sa landrwa e mon pa konpran akoz si nou bezwen rezoud kontinyen vremen rezouir sa landrwa. Nou pou bezwen omwen pli responsab, ou konpran.

So nou Lazans nou ava apros ou lofis ek ou *DA* pou nou kapab vwar en *comment ground* lo la. Mersi bokou.

MR SPEAKER

Mersi *Deputy CEO*. Avek sa nou kapab pran vot lo Bidze *Landscape and Waste Management Agency* lo paz 506 pou en total R247milyon 181 mil, Manm ki an faver lev lanmen silvouple?

Mersi okenn Manm ki kont? *Thank you*. Lo Bidze pour *Landscape and Waste Management Agency* o paz 506 pou R247milyon 181mil, 23 Manm in vot pour, 0 kot e 2 in *abstain*. Bidze in aprouve par Lasanble. Mersi bokou.

SEYCHELLES
METEOROLOGICAL AGENCY

MR SPEAKER

Nou osi annan vot lo *Seychelles Meteorological Agency*. Mon krwar tou dimoun i konnen travay sa agency. Minis oule dir en mo lo travay lo sa *agency* avan nou vot lo son Bidze?

MINISTER **FLAVIEN**
JOUBERT

Mersi Mr Chair. Mon a zis dir 2 pti mo lo Bidze Lazans Nasyonal pou Lazans Sesel pou Meteoloji, SMA. Bidze 2021 pou sa Lazans ti R14.787 milyon. Sa i son Bidze revize.

E Bidze pou proze pou 2022 i R15.064milyon. In annan en ogmantasyon R359 mil anba *wages and salaries*. Sa i annan pou fer avek transfer, bann *accounts staff* sorti Finans pou al kot sa lazans.

E osi *marketable allowance* ek *tv allowance* pou *staff* ki pa ti'n ganny bidzete. *Wages and salaries in kind* Bidze in ganny mentenir. *Office expenses* i annan en rediksyon da elektrisite, pou reflekte *actual expenditure*, sorti 1.4 milyon pou vin 1.2 milyon.

Transportation and travel cost in redwir par 48mil. Sa se akoz rediksyon dan *hire charges for vehicle*. Akoz i annan rediksyon dan *shift*, akoz bann sanzman dan lavyasyon.

Maintenance and repairs in ogmante par 30mil. E sa akoz i annan en logmantasyon dan lekipman pou *maintain* e osi pou kalibre, dapre program kalibrasyon sa lazans.

Materials and supply in desann par R6mil. Sa se akoz zot pe fonksyonn osi lo stok lannen ki'n pase. *Other use of goods and services* i annan en rediksyon R36mil, sa se akoz en rediksyon dan *audit fees*.

Akoz sertifikasyon SMA i ganny fer tou le 4an. E alor sa lannen ki pe vini nou pa pou bezwen sa sonm pou odit. *Minor capital outlays* i annan en ogmantasyon R97mil.

Sa se akoz en logmantasyon dan lekipman meteoloji e lekipman *Hi Tech* ki pe ganny aste, ki bezwen pou lavyasyon e osi pou *upgrade* bann lekipman ki deza la.

E letan mon'n koz avek meteoloji, zot langazman prensipal ki zot annan lo kote depans ki an deor Bidze Mr Chair, se zot annan en alokasyon anba en proze ki apel *Hydromet*.

Kot zot pe ganny lekipman ek osi en radar, en *weather radar* ki pou en premye fwa ki zot ganny en lekipman parey. Ki en proze rezyonal pou bann pei Losean Endyen, e sa i ganny finanse par *Green Climate Fund*.

E i ale pou 5an. E i en proze \$70milyon e Meteo i sipoze ganny en posyon anba la pou aste bann nouvo lekipman. Ki apre parey ou'n trouve, i pou reflekte dan zot bann lezet depans ki i annan pou fer avek *maintenance* sa bann lekipman dan lefitir. Mersi.

MR SPEAKER

Mersi pou bann detay Minis. Nou a pran vot lo sa Bidze pou R15,milyon 64mil. Manm ki an faver lev lanmen silvouple? *Thank you*. Okenn Manm ki vot kont?

Vot lo Bidze pou *Seychelles Meteorological Agency* lo paz 511 ziskan 515 pou R15,milyon 64mil, 23 Manm in vot pour, 0 kont e 2 abstansyon. Donk Bidze in aprouve par Lasanble.

Avek sa mon a dir Minis e son delegasyon mersi bokou, pou zot partisipasyon. E mon swet zot bonn kontinyasyon, bon kouraz. Nou annan en lot antite pou pran apre midi, me zot pa ti ankor arive.

Alor nou ava al lo ler previ ki nou ti'n met zot. E sa se 4er edmi. Nou ava pran *pause* la, Minis e delegasyon, mersi bokou, ã la *prochaine*.

(BREAK)

OFFICE OF THE OMBUDSMAN

MR SPEAKER

Bon, nou'n pare pou *Office of the Ombudsman*. Madanm Raporter, nou ava demann delegasyon pou antre. Bon, bonn apre midi e byenveni zofisyè sorti *Office of the Ombudsman, Ombudsman Mrs Nichole Tirant Gherardi*.

Mrs Marie Paule Gertrude, *Office Manager and Administrator* e Mrs Wendy Michel *Account Assistant*. Mersi pou zot prezans e zot partisipasyon. Lot Bidze ki nou pe regarde la, i lo paz 111 ziskan 113 dan nou *Budget Book*, pou en total R2milyon, 929mil. *Ombudsman*, ou a fer en lentrodiksyon lo ou Bidze *please*.

THE OMBUDSMAN NICHOLE TIRANT-GHERARDI

Bonn apre midi tou Manm Lasanble Nasyonal. Mr Speaker, mon'n vin devan zot apre midi, ofet pou defann nou,

mon Bidze ki koman zot vwar i R2milyon 900mil, i en Bidze ki'n ganny koupe lo sa 3 dernyen lannen, partikilye lannen pase.

COVID pou parti, me osi pou rezon evidaman pratik. Parske i pa'n fasil pandan sa bann lannen la ki mon dan sa *post*, pou rekrit *staff* ki mon vremen bezwen pou biro.

E pou depans Bidze ki zot in deza donn mon par dan bann lannen presedan. Ki fer ki biro li menm li i kontinyen, i kontinyen sey fer son travay avek resours vremen limite. Me resours pa zis finansye, resours imen osi.

Ki en keksoz ki fodre, en plan pli laz, en plan Nasyonal i regarde ki mannyer nou kapab amelyor sa sityasyon a lavenir.

Mon krwar i en pwen ki'n ganny leve par plizyer lot Minister, Lazans ki'n pas avan mwan osi. Kot nou'n sey eksplike poudir enn, nou bezwen dimoun profesyonnel dan bokou sa bann lenstitisyon ki nou'n kree par lepase.

E sennla an partikilye ki en *post* konstitisyonnel, ki en *Office* konstitisyonnel avek en kantite responsabilite par rapor avek mal administrasyon dan pei avek mal administrasyon ki

afekte drwa fondamantal sitwayen osi.

E bokou lot keksoz, enkli Lalwa, mon krwar sa i en keksoz ki'n ganny debat dan Lasanble.

I Lalwa osi ki pase, ki evantyelman i devret, konsiderasyon i devret ganny pran pou si i annan nesesite pou *challenge* sa Lalwa devan Lakour Konstitisyonnel, e ki sa i ganny fer.

Tousala i demann, i demann larzan e i demann osi *staff* konpetan e kapab pou fer sa travay. I mon lentansyon dan sa lannen ki pe vini an partikilye, pou met devan Legzekitiv, en Prozedlwa ki pou prevwar en Lalwa spesifikman pou travay *Ombudsman*. I egziste dan bokou lot pei, dan bokou lot ziridiksyon.

Me malerezman pou nou, nou'n kontan nou avek kreasyon Konstitisyon '93 pou met li dan en *schedule* dan Konstitisyon, ki mannyer *Ombudsman* pou marse. I byen, me i pa kouver ase, i pa kouver tou.

E sirtou, depi ki sa Konstitisyon ti pase, nou'n kree lot lenstitisyon, ki prezan i vin, i fer en degre konfli, degre debordman lo travay *Ombudsman*, e sa i devret ganny klarifye pou ki nou

kapab avanse, sakenn i fer son bout ki i devret fer.

E nou kapab avanse. Mon annan osi en lentansyon pou mwan met en proze pou travay lo en program pou fer konpran piblik an zeneral, zot osi Lasanble, travay *Ombudsman* ki nou kapab fer e ki nou pa kapab fer, e kote ki nou kapab travay antan ki partner ansanm.

Donk sa osi i en travay ki mon pe fer, mon pe prepare pou lannen prosenn. Sertenman, a en moman ou lot, i pou bezwen Bidze Siplemanter dan *quelqu'un* mon ava vin devan zot pou vin rod sa Bidze.

Mr Speaker mon napa lot keksoz pou mwan dir a sa pwen, sof ki si ou santi i neser pou mon reponn lo en keksoz partikilye. Mersi.

MR SPEAKER

Mersi Mrs Tirant Gherardi. Nou a pran kestyon bann Manm lo sa Bidze. Onorab Aglae i kapab komanse wi.

HON EGBERT AGLAE

Ok. Mersi Mr Chair. Bonn apre midi Mrs *Ombudsman*, mon bezwen dir ou *Ombuds Lady*. Ok, premyerman mon ti a kontan en leklersisman. Zot pe lwe en batiman ki anviron la,

lannen prosen R611mil mon war.

E an menm tan *anba maintenance and repairs*, mon war poudir i annan en sonm apepre, avan ti 14, apepre 14, la mon war in desann 4, 4 mil mon mazin.

Si mon kapab ganny en pti pe leksplikasyon, eski i annan *maintenance* ki zot bezwen fer lo sa *building*? Anvi ki zot pe lwe sa *building* li menm li. Mersi.

MR SPEAKER

Mersi. *Ombudsman* ler ou pare, wi.

THE OMBUDSMAN NICHOLE TIRANT-GHERARDI

Mersi Onorab pou ou kestyon. Mon ti a voudre zis, zis souliny lefe ki sa, sa sonm i kouver plizyer lot sonm, i en total pou plizyer lot sonm. I konpran en sonm R4mil ki'n prevwar pou batiman, pou landrwa, nou biro kot nou ete. Nou dan *Aarti Chambers*. E i en biro kot *Ombudsman* in la depi kreasyon *Ombudsman '93* i dan sa biro. Anfet, nou'n annan plen travay ki'n ganny fer par propriyeter lo nou lokal.

Me i annan touzour en keksoz lapentir, bann pti louvraz koumsa, sanz en robinen, bann keksoz koumsa

ki pe ganny fer, e nou'n prevwar sa.

Nou annan osi en loto ki ofisyel ki avek mwan aktyelman i en loto ki annan plis ki 10an. E nou pe anvizaz ki dan sa 2 lannen ki vini, evidaman lannen prosen an partikilye i riske annan keksoz ki pou ganny, ki fodre sanze, *saves* fodre aste lo la pou gard li lo semen.

Apre, se prensipalman nou lezot lekipman ki nou annan dan biro ki nou prevwar pou mentenir. Donk, se prensipalman sa sonm.

MR SPEAKER

Thank you Ombudsman.
Wi Onorab ou kapab eklersi.

HON EGBERT AGLAE

Wi. Mon konpran Mrs Gherardi ki ou pe dir. Me selman, petet Finans osi, si i kapab eksplike, aköz si ou annan, dan ou lagreman *rental*, mon krwar i, si i pa enkli okenn *maintenance*, sa ou a dir mwan ou menm.

Or i annan serten travay, petet kosmetik, ou'n nonm mwan robinen bann keksoz koumsa. Si, savedir si i kase, sa i tonm lo Lofis *Ombudsman* pou fer? Ouswa i sipoze tonm lo sa *owner* li menm? Mersi.

MR SPEAKER

Tre byen. *Ombudsman* ou oule azoute la, oubyen ou ti a kontan Minister Finans i klarifye en pe lo ki mannyer sa i marse? Yes Ms Croisee.

COMPTROLLER GENERAL IRENE CROISEE

Mersi Mr Chair. Wi, *usually* ou pou war si en Minister pe lwe, *then* i responsabilite sa *landlord* pou bann gro *maintenance*.

Me selman ennler pou bann pti *maintenance* i sa *tenant* li menm li. E zot pou zot i partikilyerman pou *painting of office* ki zot in met sa alokasyon.

MR SPEAKER

Mersi. Mon krwar sa i kapab pas dan pti *maintenance*. Mersi. Onorab Lemiel ou kestyon.

HON SYLVANNE LEMIEL

Mersi Mr Chair. Bonn apre midi Madanm *Ombudsman* avek ou delegasyon. Enn zot bann *challenges* ki toultan zot gannyen, e mon krwar lannen pase si mon pa tronpe, ou ti vin defann ou Bidze.

Enn zot bann *challenges* ki toultan zot dir zot annan, se sa dimoun pa ankor konpran ki fonksyon, oubyen ki Biro

Ombudsman i fer. E sa ou'n fer sorti ki depi dan servis piblik osi i annan sa.

Alors ou ti pe mazine petet ki ou pou, ou oule *raise awareness* bann dimoun. Me selman pou 2022 an montan mon pa war nanryen petet ki ou'n mete dan ou Bidze.

Donn mwan en pti lesplikasyon petet kwa ki ou pe mazin fer pou ou kapab fer bann program sansibilizasyon?

E osi bann *outreach program* ki ou pe mazin fer, dan ki fason ki ou pe mazin fer li an 2022? An tan ki mon pa pe vwar larzan ki ou'n ganny mete dan Bidze pou sa. Mersi.

MR SPEAKER

Thank you Onorab. Wi Mrs *Ombudsman*.

THE OMBUDSMAN NICHOLE TIRANT-GHERARDI

Mersi Onorab pou sa keston. Efektivman i en problem ki kontinyen, ki koman zot in vwar menm dan mon rapor, mon rapor anyel.

So lo plizyer lannen, sa bann dernyen lannen sistematikman nou vwar en kantite konplet ki ariv devan *Ombudsman* e i kontinyen. Menm *aujourd'hui* konplent ki

nou pa kapab pran, nou pa kapab fer nanryen avek.

I annan, koman mwan dir, i annan sa *overlap* avek lot lenstitisyon, ki nou santi pou le moman i annan plis posibilite ki sa keksoz i ganny fer par en lot lorganizasyon.

Dans *quelque cas* bon ou diriz sa dimoun ver sa lot lorganizasyon pou ganny *relief* lo sa problem. Me i reste sa keston, ki mannyer nou pou edik, si mon ti kapab servi sa mo, edik piblik, gran piblik lo fonksyonman *Ombudsman*. Alor evidaman pou fer sa, fodre mon ava annan en program, en program *outreach* ki nou ti'n travay lo la 2an pase.

Me avek restriksyon Bidze, nou pa'n al pli lwen ki sa. Parske sistematikman sak lannen, ou bezwen ariv avek en nouvo program, ou bezwen al zistifye sa nouvo program e son kreasyon, e son demann larzan.

Alor nou'n, sa in ganny fer, in ganny met dekote. Nou pa'n kapab anmenn li devan, devan, dabor devan Minis Finans pou demann Bidze. E ansuit pou vin la devan zot.

Me enn keksoz ki nou pe regarde la aktyelman, se ki nou'n komans travay etrwatman avek lezot

lenstitisyon, tel ki *Human Rights Commission*.

Akoz avek *Human Rights Commission*, ou annan en gran *overlap* lo nou fonksyon, lo nou aktivite. E i vin pli lozik osi, pou dan sa letan, dan sa letan kot nou pe regard ekonomize pou nou travay an kolaborasyon.

E travay an kolaborasyon, i vedir ki kan i annan, ler i annan en *workshop* ki ganny fer *Ombudsman* i vin partisipe, i pa kout mon biro nanryen.

Donk mon partisipe e mon travay dan sa konteks pou anmenn sa konesans, sa *awareness* lo biro *Ombudsman*. Apre i annan, byen evidaman lot mwayen ki mon'n servi, sirtou par lepase, sirtou lannen 2019 ek lannen 2020, ti en pti pe mwen aköz zafer *COVID*.

Me pou fer sorti. Lot zournen enternasyonal, ki i annan pou fer avek travay *Ombudsman*. Mon sey fer sorti en mesaz, ki ava rapel en pti pe nou louvraz ki nou, nou fer.

E sa lide sa se pou met lenformasyon devan piblik, pou ki piblik i okouran nou travay. Epi byen evidaman, mon krwar i annan osi *one-to-one* ki kapab ganny fer. Mwan mon ti a kontan vin devan Lasanble osi *entre autre* a en moman ou war avek en Komite Lasanble, pou vin koz lo size nou travay.

Parey ki mon'n fer dan serten lot Minister kot mon'n ale mon'n al eksplike ki nou travay i fer. Donk, sa pa vreman kout larzan. Me i annan son efikasite.

MR SPEAKER

Thank you Mrs Ombudsman. Onorab, wi ou oule en klarifikasyon. Wi Onorab.

HON SYLVANNE LEMIEL

Wi Mr Chair. Ler mon pe ekout *Ombudsman*, mon krwar ki i vreman annan sa neseseite, lo kote ledikasyon pa zanmen ase li. Ledikasyon piblik i pa zanmen ase.

Nou bezwen kontinyen toultan pe dir, pe dir. Tou dernyerman, mon pe vwar en bon pe program ki i annan serten *NGO* pe fer.

Par egzanp i pe eksplik dimoun lo kote, eski ou pe swiv deba dan Lasanble Nasyonal konsernan Bidze ki pe ganny diskite?

Mon pa pe, parski tou le swar sa pe pase, pe dir dimoun aköz ou merit konn Bidze, ou merit konn keksoz lo Bidze. E i pe dir dimoun, ou merit swivre byen Lasanble Nasyonal.

Mon krwar pa si Lasanble Nasyonal in al kot sa bann *NGO* pou dir zot fer sa. Me selman mon pe mazine dan ou ka,

antan ki petet napa sa larzan dan Bidze, mon pe mazinen si i pa ti posib osi zot travay avek serten *NGO* ki fer promosyon of bann keksoz, ki par egzanp travay Lasanble, travay *Ombudsman*, travay *Human Rights Commission*.

Ki ou osi ou ava kapab benefisyen en pti pe avek sa bann *awareness*, *raising awareness*. Ou a kapab benefisyen en pti pe avek bann *NGO* osi an promotan bann travay ki ou pe fer. Mersi.

MR SPEAKER

Thank you Onorab. *Ombudsman* ou ti a kontan fer en pti remark lo la?

THE OMBUDSMAN NICHOLE TIRANT-GHERARDI

Mon ti ava, mersi Onorab pou sa pwen. Efektivman mon ti a voudre zis reasir ou ki be i annan *NGO* avek ki nou travay ase pros. Ki partisip prensipalman osi dan idantifye ka ki dimoun i bezwen led.

E i anvoy kot nou, e nou sa ki mwan mon ti vreman, mon vreman oule fer, se kapab met an plas, *Memorandum of understanding* avek sa bann lorganizasyon, sa bann *NGO*.

Pou ki evantyelman nou annan en mwayen pou servi zot konpetans, zot pouwar, zot

konpetans dan serten direksyon, pou servi dan nou travay.

Si mon kapab donn par egzanp, en legzanp, se ki i annan serten *NGO*, i kapab devlop kapasite *investigation* i pa toutafe le ka la, i pa egziste vreman.

Me si zot kapab devlop sa kapasite *investigation*, i vin pli lozik ki Biro *Ombudsman* i servi sa kapasite kit a, e la fodre trouv sa mwayen pou fer li, pou peye pou sa servis.

I fer osi endirektman, en fason pou ou, pou nou, nou pei, ranforsi nou sekte *NGO*.

Parske zot vin, zot pa bezwen esper lasarite, me zot pe donn en servis, e sa servis pe ganny renimere, pe ganny peye. Donk, sa set en keksoz ki mon ti a kontan osi sey devlope dan sa bann lannen ki vini. Mersi.

MR SPEAKER

Thank you Mrs Ombudsman. Onorab Cosgrow ou kestyon.

HON WALLACE COSGROW

Mersi Mr Chair. Bonn apre midi *Ombudsman* avek ou tim. Mr Speaker Lofis *Ombudsman* i en lofis konstitisyonnèl.

E enn bann keksoz ki mon ti ava kontan konnen, petet piblik ti ava kontan konnen, ou

manda i enn konstitisyonnel. E eski dan sa bann louvraz ki ou fer, eski ou annan, ou kapab anmenn finalite dan en ka ki vin devan ou.

Ler mon dir finalite, ki mon pe sey dir, se eski par egzanp, dizon mon anmenn en konplent devan ou, eski ou kapab anmenn sa konplent *all the way*, petet pou ganny en finalite devan Lakour, ouswa devan en Tribinal?

E si wi, konbyen bann ka koumsa ki zot in anmennen. Si non, mon pe prevwar ki, petet sanmenm sa rezon problemm avek Lofis *Ombudsman* manner i ete.

Akoz ozordi i annan bann lezot lenstans ki petet i kapab akte pli for ki Lofis *Ombudsman*. Par egzanp nou annan *PSAB*, kot ti annan en konplent travay, sa dimoun i al kot *PSAB*.

Ouswa i annan Tribinal Lanplwa ki'n ganny etabli *over the years* apre ki Konstitisyon in ganny ekrir. So mon kestyon vremen la se, ki kantite lafors Lofis *Ombudsman* i annan pou kapab dil avek en sityasyon?

E petet osi mon dernyen kestyon, e sa i en kestyon petet ou a, i pa personnel, me selman i en kestyon lopinyon, eski ou krwar poudir denozour la avek tou bann lenstans ki egziste,

Lofis *Ombudsman* i en lofis ki relevan e ki devret pe kontinyen egziste e kontinyen ganny en Bidze, e kontinyen petet ganny en Bidze pli gro dan bann lannen ki pe vini?

Si ou konpran mon en pti pe, konmsi mon pe sey rod en pe sa relevans ki ou kapab fer pou piblik e konparezon avek bann lezot lofis ki fer en pe menm fonksyon avek ou? Mersi.

MR SPEAKER

Thank you Onorab. Mrs *Ombudsman*.

THE OMBUDSMAN NICHOLE TIRANT-GHERARDI

Mersi Onorab pou sa kestyon. Efektivman ou'n tous, ou'n tous sansib sa size. Se ki premyerman *post Ombudsman* ti ganny kree dan Konstitisyon an '93.

Son lobzektif a sa moman ti pou annan sa rol koman mon'n dir, mon ti dir dan mon rapor sa lannen. Pou fer sa katriyenm lebra.

Nou'n koz lapres, me selman i annan en lebra administrativ ki dan Gouvernman, dan Leta ki zwe sa rol koman sa katriyenm lebra pou sirvey manner administrasyon i marse.

E ladministrasyon se tou fonksyon piblik, se Legzekitiv, se zot menm zot Lezislatif an kont. E menm a en serten nivo, mwan mon krwar ki Zidisyer i vin anba sa ziridiksyon sa biro. Me i pa la pou li fer travay Lakour, si non i pa fer sans.

I pa la pou li desid responsabilite legal ou kapabilite en dimoun ki'n fer en keksoz. I la pou li regard sa ki nou, nou apel mal ladministrasyon.

Se ki kot ladministrasyon pa pe fer, pa pe travay dan sa fason efektiv, kler, transparan, avek kapasite pou rann kont, ki nou pe dir i egal bonn gouvrenans. Se sa rol Biro *Ombudsman*.

E se la kot son rol in ganny, si mon kapab dir, en pe toufe, par lefet ki nou'n krwar poudir i annan lot keksoz ki i kapab fer, e i pa ti fer. Alor nou'n kree lenstitisyon pou fer li.

Se pou se la ki dan Konstitisyon ou vwar rol *Ombudsman* ti ganny mete koman pou regard frod e koripsyon *entre autre*. E i osi la pou li regard vyolasyon drwa imen.

Alor apre sa nou'n decide poudir sa bann keksoz nou pou met dan lanmen lot lenstitisyon. Ki byen, me

selman ou *still* annan en lenstitisyon ki bezwen regard lo kote, pa kilpabilite, parske mon pa la pou mwan regard kilpabilite responsabilite legal.

Sa bann dimoun ki fer fot administrativ ki pou ede avans nou ladministrasyon. Parske Lakour ler in fer son zizman, i pa pou vreman sanz ki mannyer dimoun pe fer keksoz dan biro Gouvrenman.

Sa biro pou mwan, i devret kapab fer li., i devret kapab fer li. Me par rekomandasyon. Se sel keksoz, se sel pouvwar ki Konstitisyon in donn li, se pou fer rekomandasyon.

Pour kwa fer rekomandasyon, pou li reste an deor deba politik. I pa rantre dan en politik, parske i napa en pouvwar politik, li fer propozisyon, mon'n war sa ni mal, sa pa'n ganny fer byen.

Alor ou politisyen, Legzekitiv, Lezislatif, zot, zot devret regarde ki mannyer zot pou aranz sa a lavenir.

Si sa i ankor en keksoz ki nou santi i fer bon sans dan nou demokrasi, definitivman nou devret garde sa *post*. Me si nou krwar poudir i en keksoz ki pa servi dan nanryen, *a mon avis*, nou devret tir sa *post*.

E ti ava en post ki i a disparet. Me selman avan ki mon fini lo sa pwen, mon ti ava

zis rapel ki depi lannen pase, Desanm lannen pase, i annan en rezolisyon Nasyon-z-Ini ki ti ganny fer, kot t ou pei Manm Nasyon Ini in angaz zot pou zot kree kot napa, kree post *Ombudsman*.

E kot i annan pou ranforsi li pou fer sir i kapab fer son travay koman i ekspekte. Donk i annan en langazman ki'n ganny fer.

Ki *a mon avis* ozordi, i pou difisil pou Sesel fer bann apar pou tir sa *post Ombudsman*. Se dan sa loptik, sa lobzektif ki mwan mon ti pe propoze, ki mon ava propoz en Lalwa, *Ombudsman*, ki ava fer kler enn fwa pou tou, tou son travay ki li i kapab fer e kot i kapab ale.

E sa ki dernyen pti keksoz ki mon ti a kontan re azoute lo la, se ki zisteman, fodre osi tou Minister i aret regard travay *Ombudsman* koman en travay legal.

Kekfwa akoz nou tou sa ki'n dan sa post i ti Avoka en moman ou lot dan nou lavi. Dimoun i regarde koman en travay legal. Me sa fodre nou sanz sa fason regarde.

Parske sak fwa ki mon fer propozisyon en rekomandasyon avek en Minister, tre souvan sa Minister i pran konsey kot *Attorney General*. E i dir legalman i pa, sa i pa

responsabilite legal sa Minister, alor les tonbe.

E son administrasyon pa avanse. E i pa fer progres pou nou fer, pou nou amelyor fason ki nou pe fer nou ladministrasyon piblik. Pou ki vremen nou kapab koz lo bonn gouvernans. Se sa ki mon ti a kontan azoute. Mersi.

MR SPEAKER

Mersi *Ombudsman*. Mon annan Onorab Gill.

HON CHURCHILL GILL

Mersi Mr Chair. Bonn apre midi Mrs *Ombudsman*. Mon kestyon i an relasyon avek enn dan ou priyorite.

Ou'n dir ki dan en fason ou'n kapab reisi dan en fason mezirab, amelyorasyon standar dan servis piblik. E mon ti a kontan ou eksplik nou Lasanble e bann dimoun ki pe ekout nou.

Ki fason ou'n kapab *achieve* sa? Akoz dan larepons ki ou'n donn - parmi ou larepons ki ou'n donn Onorab ki'n demann kestyon avan, ou'n dir ki ler en *case* i en reisit, Lakour in donn en desizyon, i pa vedir ki sa i al koriz fason fer kot sa lensidan in arive dan sa, dan servis piblik.

I vedir ki i 2 diferan keksoz. Sa *case* in vin kot ou,

ou ou'n travay lo la, in fini. Me selman sa rezon ki sa dimoun ti'n vin kot ou, kot i ti travay sa ki ti'n arive. Ler son *case* in fini clear, i pa vedir sanz fason fer kot i ti pe travay.

So alors i ti enportan pou nou konnen ki fason ki ou'n kapab *achieve* sa dan en fason mezirab, sa amelyorasyon dan servis piblik? Mersi bokou. Mon pa konnen si ou konpran mon kestyon.

MR SPEAKER

Mersi, mersi. *Wi Ombudsman.*

THE OMBUDSMAN NICHOLE TIRANT-GHERARDI

Mersi Onorab. Mon krwar mon'n konpran ou kestyon, me ou ava eskiz mwan si mon pa toutafe lo la lo mon larepons. Me mon ava seye.

Efektivman, i annan, koman mon dir, i annan en kantite Minister ki mon relasyon travay pa ankor vremen etabli pa sifizaman byen an kolaborasyon pou nou kapab vwar rezilta pozitiv.

I annan plizyer osi ki le kontrer ki mon'n travay avek zot, e nou'n vwar amelyorasyon. Enn par kantite konplent ki rantre lo sa serten size, ki ase difisil pou ou mezire byen evidaman.

Parske i annan, sak konplent i annan son karakter endividuel. Sak konplent i annan son, i konsern en keksoz dan en ladministrasyon.

Bokou nou Minister i gran avek en kantite diferan *facet*, en kantite diferan Departman, Lazans ki osi lye avek zot. Ki fer ki tre souvan, menm avan ki nou, nou *attack*, nou'n ganny sa konplent.

Me avan ki nou kapab atak sa investigasyon, nou bezwen deside, par ki mwayen ou pou rantre dan sa Minister pou ou ganny vre rezilta. Parske ou kapab, pou mansyonn enn, enn an partikilye, Minister Lasante par egzanp.

I annan li bokou, ou konnen ou menm. Bokou diferan Lazans, lofis, Departman. Ki fer ki ler ou ganny en konplent, sa konplent i debord en pti pe lo detrwa lenstitisyon, detrwa lorganizasyon dan sa Minister.

E la ler ou pou demann sa lenformasyon, evidaman nou lapros se pou apros Minis e son biro e biro Minis.

Aprè les zot, prezan pas sa lenformasyon pou ki i desann kot la, ki ava ede pou fer remonte sa lenformasyon ki nou pe rode. Sa i en keksoz ki difisil.

In difisil par lepase, i pa'n mars preske ditou dan serten Minister. In mars mye avek *d'autre* Minister, apre ki nou'n sey al rod fason ki mannyer nou pou rantre.

An partikilye mon a donn ou en legzanp se Minister Later. Ki osi annan en kantite diferan *facet*.

Ki ozordi nou annan nou en relasyon travay ki vreman byen avek sa Minister e nou ganny rezilta lo travay ki nou pe fer avek zot. Mon pa konnen si nou kapab azout ankor lo la.

MR SPEAKER

Mersi. Wi Onorab Gill. Rapros en pe vit.

HON CHURCHILL GILL

Mersi pou ou larepons. Mon'n konpran, ou'n sey rod en larepons pou kapab sey eklersi sa pwen ki'n ganny mete la dan sa *strategy*.

Me selman *bottomline* i kler i nou ankor annan travay pou fer dan nou *Public Service*, pou nou kapab vreman ariv en serten oter ki petet nou tou nou ti a swete.

Kot tou Lazans i kapab fasilman ler i annan en *case* oubyen en sityasyon kot lenformasyon, kot nou kapab *synchronize* byen normal san ki

ou ganny sa bann difikilte. Mersi.

MR SPEAKER

Mersi. Mersi pou sa propozisyon. Nou a kontinyen, Onorab Georges.

HON BERNARD GEORGES

Mersi Mr Chair. Bonn apre midi Mrs *Ombudsman* e ou delegasyon. Mon pe kestyonn en pti pe rol Ombudsman.

Si i ganny byen konpran par popilasyon, e si annefe i ganny byen konpran par lotorite, par Gouvernman, par Gouvernman siksesif.

Si mon konpran byen, e Mr Speaker permet mwan, Mr Chair permet mwan pou dir en keksoz ki kekfwa bokou dimoun pa konnen.

Se rezon ki nou annan *Ombudsman* dan nou Konstitisyon ozordi, se akoz en pti parti politik ki ti apel parti Seselwa ki ou ek mwan, parmi plizyer lezot dimoun ti ladan ki ti fer sa propozisyon avek Komisyon Konstitisyonnel.

E mon rapel tre byen ki Prezidan Renee ler mwan mon ti fer sa propozisyon on *behalf* Parti Seselwa, i ti dir mwan, mon kontan sa lide, mon kontan sa lespri.

Me mon pa ti a kontan annan en keksoz ki apel en

Ombudsman dan Konstitisyon Sesel. E mon ti toutafe dakor avek li. Mon dir nou bezwen rod en non en pe pli apropiye.

E ou ava konpran, akoz mon'n komans mon kestyon koumsa. Me malerezman bann *legal drafters* in sourd lo e Mr Renee e lo mwan. E *Ombudsman* in antre. E mon konpran akoz *Ombudsman* in antre.

Akoz i en term ki ganny servi partou, partou dan lemonn. E i en term ki ozordi in antre dan langaz kouran. Me si mon konpran tre byen, *Ombudsman* i sa ki nou apel dan serten landrwa en *Parliamentary Commission for administration or for maladministration*.

I regard bann move pratik administrasyon dan servis piblik. E i *focus* lo la. E se pou sa rezon ki mon demann mwan, si kekfwa sa non pa ti ava pli apropiye.

Akoz la prezan piblik ti ava konnen egzaktman *what is the role of the Ombudsman*. Akoz parey Onorab Lemiel in fer resorti e Onorab Gill, kekfwa napa en konsyans deor.

Ou vwar, ou pa en biro konplent, me mon krwar ou ganny servi koman en biro konplent par bokou dimoun. E ki manner en dimoun i ava

deside pou al kot *Ombudsman* ler i annan li, i kapab al kot en Avoka, i kapab al kot Lakour, i kapab al demann *Judicial review* Ankour, i kapab al kot son legliz, son per, i kapab al kot son *MNA*, e i al souvan kot son *MNA* parey nou konnen.

I annan *access to Information Act*, i annan *Human Rights Commission* ozordi, i annan plizyer *NGOs*. Tou sa bann *PSAB*, tou sa bann lorganizasyon, e annefe nou annan en proliferasyon laport pou tape dan sa pei pou rod en rekour.

E mon konnen i annan detrwa ki mon'n manke. Kisisa, kisisa ki pou fer en dimoun dir sa enn problemn i en problemn *Ombudsman*?

Ou konpran. Sa, mon krwar se sa ki a la baz sa kestyon ki bokou nou, nou pe demande ozordi. Eski ou annan sifizaman larzan dan ou Bidze. Malerezman nou pa pou kapab fer plis ki sa.

Akoz napa drwa ogmante, menm si nou ti a kontan sa drwa pa avek nou. Me kekfwa 2023.

Eski ou annan ase mwayen pou ou rod kapasite, pou ou fer sa ledikasyon, pou ki dimoun a konnen egzaktman. Ou'n mansyonnen ki i annan

overlap, e se sa, en gro problemn *overlap*.

Ti annan en *overlap* an tou avek *Human Rights Commission*, nou'n annan sa deba plizyer lannen siksesif. Eski ou devret ansanm, eski i devret separe, eksetera?

Eski ou annan sifizaman le mwayen dan sa Bidze, pou ou kapab fer sa ledikasyon avek piblik? Pou piblik konnen, lala rol *Ombudsman*, lala bann lenstans kot ou al kot *Ombudsman*.

E lala bann lenstans kot ou pa al kot *Ombudsman*. Long kestyon Mr Speaker. Mon konnen ki repons i riske kourt. Me mon krwar se sa enn bann problemn ki nou, nou annan dan sa Lasanble.

Bokou dimoun deor laba i annan. Nou pa anvi ki *Ombudsman* i vin en bwat ki ou *tick* poudir nou annan enn. Oubyen *Human Rights Commission*, en bwat ki ou dir nou annan enn, ki ou *tick* nou annan enn.

Nou anvi i vin en keksoz ki annan en rezondet, ledan e ki i morde. Mersi.

MR SPEAKER

Mersi Onorab. Mrs *Ombudsman* ou ava adres sa silvouple. En pti pe konplike

petet. Me mon asire ou a war en repons.

THE OMBUDSMAN NICHOLE TIRANT-GHERARDI

Mersi Mr Chair, mersi Onorab pou sa kestyon. Efektivman pou reponn ou kestyon dan ble, non, napa ase, napa ase Fon definitivman non. Pou kontinyen, kantmenm dan sa lespri ou kestyon.

Mon ti a voudre fer resorti en pwen ki menm dan sa rezolisyon Nasyon Ini ki mon pe koz lo la lot lannen, Desanm lannen pase.

Lemonn antye i koz en lenstitisyon dan plis ki 180 pei partou dan lemonn, ki annan en rol, nou servi sa mo *Ombudsman*, e petet pli i enteresan pou eksplik en pti pe son travay ki i fer.

I osi ganny apele par pei *Francophone* pou laplipar en medyater. E mon krwar se la osi petet son rezondet se plis dan sa sans pou li regard envestigasyon wi, i on rol, i resevwar en konplent.

I fer lenvestigasyon dan sa travay, dan sa konplent. I vwar poudir i annan, i annan en keksoz administrativ ki'n ganny mal fer, ki ti kapab fer otreman ou mye. E i fer rekomandasyon ki mannyer pou rezourd sa.

E sa rol ki mwan mon ti, i osi en propozisyon ki mon oule fer ler mon fer sa propozisyon Lalwa, se pou donn *Ombudsman* Sesel ki pa egziste aktyelman dan Konstitisyon, sa pouvwar medyater pou li kapab zwe en rol ant sa 2, sa 2 antagonis si ou kapab dir, sa Minister konsernen, sa Servis Piblik e sa konplennan, bann sosyete, sitwayen, pou kapab rezourd zot problem a lamyab. Avan ki zot al met presyon lo Lakour, avan ki zot al met presyon lo politisyen, pou ki politisyen i a kapab zot problem pou fer politik.

Parske se sa ki ava arive osi. Alor sa *post Ombudsman*, son lendepandans, son kapasite pou li azir koman en Ziz, san en lentere, san en lentere politik, san en lentere personnel, i ava permet li pou li zwe sa rol, trouv en solisyon ant sa 2 antagonis ki ava dan lentere sa 2 lenstitisyon. E ki i ava ede amelyor sa servis piblik. E kek par osi donn en serten degre satisfaksyon sa konplennan.

Sa i en, i le baz, i vreman le baz sa travay *Ombudsman*. Me i pa, ni dan sa, ni dan Konstitisyon pa'n ganny mete, dan Konstitisyon an se mo la. E i pa'n - i pa ganny rekonnet, i

pa ganny servi par piblik an zeneral.

Parske nou pa konnen, nou pa'n donn li sa kapasite. Pou mwan sa ti ava pli fer sans ki vreman ou annan sa kapasite, sa lenstitisyon ki ava ede pou rezourd problem.

Donk i ti ava evite osi, kot ou a ganny en repons, kot en repons kot en Lalwa, kot en Avoka, ki dir sa *case i out of time*, nepli, nou pa pe kapab anmenn li Ankour.

Non sa lenstitisyon napa responsabilite legal, i pa devret pe pey konpansasyon. Kot ou kapab zwe lo lot kriter pou fer ariv en degre laranzman ant sa 2 kote, sa 2 antagonis.

Donk sa pou mwan i enportan ki nou, wi, a sa moman ki nou pe regarde. Si zot deside a en moman pou revwar rezondet sa lenstitisyon. Se osi pran sa an konsiderasyon.

Kwa ki nou kapab fer lot. Parske *Human Rights Commission*, i pou regard en *human rights violation*. I annan en pinisyon ki devret ganny arive lo la, ki devret ganny fer.

En lot, en *judicial review* i ava fer pran en desizyon lo la. En *case* i al Ankour, i annan domaz ki pou ganny peye ou pa pe peye.

Me selman sa *post*, sa pozisyon, li i vin avek lot kriter pou li regard ki manner nou kapab aranz sa, enn pou satisfere sa konplennan pou li ki i sorti avek en keksoz pou sa dimal ki in gannnen.

E an menm tan, permet sa servis piblik pou rekonnet poudir nou'n mal fer, nou'n mal fer dan sa sikonstans. E nou annan fason pou nou amelyor servis en *faison* otreman pou lavenir.

E nou aranz nou prosedir. Parske mwan prensipalman, se sa ki mon rod pouse pou ki nou fer, nou met an plas prosedir. Pou la senp rezon ki ler ou'n fer prosedir, tou dimoun in konn sa prosedir, i senp.

Ler ou'n siv ou prosedir, i *ok*, ou desizyon i kapab mal, me ou'n swiv sa prosedir, ou'n sorti ek en rezilta. Tandis ki si ou'n sot sa prosedir, ou'n fer tou zafer, mon pa konnen ki manner ou'n ariv lo sa desizyon, ki manner mon pou verifeye ki desizyon ou'n pran.

Alor i vin en kestyon sibzektivite, ki mon dir, be la i la aköz mon kouler, i aköz mon politik, i aköz mon lot keksoz pou ou mazin koumsa. Mersi.

MR SPEAKER

Mersi. Wi Onorab Georges. Klarifikasyon.

HON BERNARD GEORGES

Mersi. En pti klarifikasyon wi. Kekfwa *Ombudsman* i kapab dir nou. Aköz mon sanble krwar ki ler Sid Lafrik ti drafte son Konstitisyon, apepre an menm tan avek pou nou, kekfwa zis lan pli tar.

I ti adopte en lot mo. Eski ou kapab partaz sa mo avek nou, *was it protector or* en keksoz koumsa? Ki ti annan en lot, ki ti annan vre sa lespri ki ou pe rode.

MR SPEAKER

Wi *Ombudsman*.

THE OMBUDSMAN NICHOLE TIRANT-GHERARDI

Mersi Onorab. Sa pwen, sa pwen efektivman in ganny, i ti ganny pran an konsiderasyon dan Konstitisyon Sid Lafrik, ki ti vini an '94 imedyat, lan apre sa ki pou nou.

Sid Lafrik, in fer dan son Konstitisyon, en, sa ki zot apel *a Chapter 9*, en seksyon *Chapter 9*. Kot zot in met tou sa bann lenstitisyon. I konpri sa enn ki zot in donn kapasite *Ombudsman*.

Zot in apel li en *public protector*. I son non ki zot ti servi. E se sel pei, anfet se sel pei dan lemonn, ki annan sa mo

la ki'n ganny servi. Me sa *public protector* Sidafriken, i annan li en kantite pouvwar.

Plis ki sa ki pou nou. I konpri en pouvwar pou li ordonn-en *remedial action*. I kapab met son desizyon, ki ou'n mal fer, sa Minister in mal fer or sa dimoun in mal fer. E ou annan pou ou fer sa, e ou annan pou ou fer li dan tel dat.

E sa nou'n vwar plizyer lensidan *entre autre*, menm Prezidan, ansyen Prezidan Juma ti ganny, ti annan enn sa *remedial action* ki ti ganny fer par *public protector*, sa enn avan sa enn ki la aktyelman.

Donk wi i annan sa mo, sa mo ki'n ganny servi en *D'Afrique du Sud*. Me i annan koman mon'n dir sa mo medyater ki ganny servi, e ki ganny servi osi dan pei *Francophone*.

Me selman i prensipalman ganny servi par pei *Francophone* akote sa *Ombudsman*. Me tou lede i langaz ki servi dan sa *UN resolution* ki mon'n mansyonnen pli boner, mersi.

MR SPEAKER

Thank you. Mersi Mrs *Ombudsman* pou sa bann leklersisman. Nou a kapab demann Manm prezan pou vot loo Bidze pou *Office of the*

Ombudsman, pou en total R2milyon, 929mil.

Manm ki an faver lev lanmen silvouple? Mersi. Okenn Manm ki vot kont? Mersi Madanm Clerk. Vot lo Bidze pou *Office of the Ombudsman* lo paz 111 ziskan 113 pou en total R2milyon, 929mil, 26 Manm in vot pour, 0 kont e 2 abstansyon.

Bidze in aprouve par Lasanble. Mon a remersye bann Manm pou zot travay ozordi. Mon a remersye Mrs Tirant Gherardi *Ombudsman* e son bann koleg Mrs Gertrude e Mrs Michel.

E nou remersye zot pou eklersi sa rol sa biro. E nou swet zot bon kouraz e bonn kontinyasyon. Lasanble avan *adjourn* e nou a, *sorry* nou a pas. Nou annan? Non mon napa. *Sorry* mon krwar sa in ganny *reschedule*.

Madanm Clerk ek Ms Croisee eklersi nou, akoz i pa lo mon *schedule* Onorab Georges. Ms Croisee ou oule eklersi nou.

COMPTROLLER GENERAL IRENE CROISEE

Mersi Mr Chair. Wi nou annan ankor en vot pou pran lo Bidze *TRNUC*.

MR SPEAKER

Wi ou a donn mon detay silvouple. Wi, be, nou kapab les delegasyon *Ombudsman* fer zot depar e nou a kontinyen avek sa vot. Mersi bokou. Ms Croisee mon napa detay lo la, nou kapab *schedule* sa vot pou en lot moman?

Dan *Committee Stage* mon krwar i napa okenn problem pou nou rebran li a okenn moman. *Ok*, dan sa ka nou a kapab repas dan Staz Lasanble pou nou *adjourn*. *Adjourn*.

(ADJOURNMENT)